

It 11. 37

THE  
WILLIAM R. PERKINS  
LIBRARY  
OF  
DUKE UNIVERSITY




Rare Books

Accession  
34/10

91







# R H E T O R I C O R V M

LIBRI IIII.

BENEDICTI ARIÆ MON-  
TANI THEOLOGI, AC POETAE  
laureati, ex disciplina militari  
diui Iacobi Enfigeri;

*Ad Gasparem Veleſium Alcocerum.*

CVM ANNOTATIONIBVS ANTONII  
Moralij Episcopi Meſchuacanenſis, quę rem omnem  
quàm breuiſſimè explicant.



ANTVERPIÆ,

Ex officina Christophori Plantini.

M. D. LXIX.

## CENSURA.

Hos quatuor Rhe<sup>n</sup>os libros ab eruditissimo viro  
D. Benedicto Aria Montano Doctore Theologo, & Poëta  
laureato, artificioſo atque docto admodum carmine con-  
ſcriptos, & breuibus, eruditis ac perſpicuis ad marginem  
annotationibus, ab ampliſſimo viro D. Antonio Moratio  
Meſchuacanenſi Epifcopo præſtantiſſimo, illuſtratos, ma-  
ximo cum fructu prælo tradi poſſe cenſeo. V. Nonas  
Martias M. D. LXIX,

Auguſtinus Hunaus  
Louanij Theologus Regius.

A696 R  
3

ANTONIVS MORALIVS  
EPISCOPVS MESCHVACA-  
NENSIS, GASPARI VELESIO AL-  
COCERO HISPALENSI

S. P. D.



ET SI nunquam mihi hactenus con-  
tigerit tuam faciem intueri, vir or-  
natissime; tamē ex Benedicti Areij  
Montani crebris sermonibus (quo-  
cū mihi antea fuerat familiaritas,  
ac nunc demum ex eodē instituto ac conuictu  
maxima intercessit necessitudo) quis esses, cog-  
nouī. iugis igitur tui mentio, & perpetuę laudes,  
quibus te mihi vir ille mirus amicos efferendi ar-  
tifex graphicē depinxit, effecere, vt tam raras tā-  
que varias tui animi dotes, quas in te vir ille sitas  
prædicat, ita exoscularer ac suspicerem, vt nihil  
mihi in votis proponerem potius, quā, vt quē  
toties absentem ex ore de te narrantis pendens  
sum admiratus, præsentem contemplari; opta-  
tissimoq; colloquio frequenter excipere liceret:  
quod mihi profectō, nisi tanta maris terræq; di-  
stantia disiungeremur, vt contingeret, curarem.  
tantum tui desiderium ex laudatissimi viri com-  
mendatione concepi. Huius rei gratia inter alia  
quamplurima, quæ Benedictus noster se digna  
olim posteritati donanda comprimit, miris mo-  
dis mihi Rhetoricorum liber placuit, quem he-

roicis carminibus tuis auspiciis me excipiente, utq; absolueret importunè efflagitante, dictauit. Non enim facile fuit illum grauissimis intētum studiis, quæ, ut sacræ pagine libros elucidet, mira laude capeffit, ad Musarum fluentia reuocare. Ego verò ut tātī viri accessione aliquid mihi gratiæ conciliarem, annotatiunculas quasdam vice commentarij legentibus futuras, easdemq; non incommodas raptim inserui. Quamquam verò Montanus noster qui artem hanc præceptis diffusissimam doctorumq; illam excolentium studio penè obrutam in methodū redigere, Poesiq; ac sua innata iucunditate exornare, & breuitati consulere curauerit, idq; quod proposuerat quā optimè præstiterit; (namque & carminum iucunditate, & magna dictionis perspicuitate præstat,) tamen quòd vel eo ipso quòd carmine hæc sunt scripta, & ob breuitatem interdum atq; ob poetici styli rationem nonnulla indice saltem indigent: opere precium me studiosis omnibus factorum speraui, si totius rei summam quibusdā annotationibus indicarem; & ne in tuo libro quicquam te non auspice prodiret, breuem quidem expositionem, certam tamen & ad Poetæ mentem accommodatam, ipse etiā tibi dicare volui. Accipe igitur, eruditissime Gaspar, desideratissimi amici munusculum vel hoc nomine non ingratum, quòd à tui Montani discipulo missum fuerit. Vale.

5

BENEDICTI ARIÆ  
MONTANI THEOLOGI,

AC POETÆ LAVREATI, &C.

RHETORICORVM

LIBER I.

AD GASPAREM VELESIVM.

**P**INGE mihi egregiam vultu formaq;  
puellam,  
Cui q; genæ roseo surgant de lacte colore,  
Lumina stellanti denigrent luce Pyropū;  
Assistant labiis Veneres; sit nasus Amoris  
Quam solet hamatis pharetram complere sagittis.  
Pinximus. Adde etiam Pario de marmore collum,  
Ceruleas tenuis diuertat linea venas,  
Persequere exactè auratos numeraq; capillos,  
Pars micet in gemmis: coeat pars diuite nodo,  
Partem etiam iubeo permittere lenibus auris:  
Distingue & teretes digitos, manus ipsa niuenti  
Contendat massæ; preciosa cetera veste  
Arte laborato ex auro cum murice circum  
Scribito; sed deceat cunctis in partibus, atque  
Hereat, occultosq; chlamys circumnotet artus.

Perfeci. Ecce tibi ridētia virginis ora  
Spiranteis vultus reddo blandeq; tuenteis.  
Nil moueor; sed enim totam consumpsimus artem.  
At mihi non ullo pectus succenditur igni;  
Nulla tenet mentem cura, & nihil vsque laboro:  
Jam satis est, vidi, cedo, transferre licebit:  
Nec sequar, absentis nec erit mihi cura petenda.  
Vnde hoc? nam verba hic desunt, suavisq; loquendi  
Vsus, & his multo mentis formosior index,  
Naturaq; decus, diuiniq; ab imagine sermo

Similiu line pro-  
posita ex pictura,  
probat nullam ar-  
tem esse iucundam,  
vbi eloquentia de-  
sideratur.

Vt pictura quantū-  
vis pulchra neminē  
sui amatorem red-  
dit ob sermonis de-  
fectum, ita & artes  
omnes eloquentia  
desitiunt, neq; gra-  
tum neque com-  
mendabilem redde-  
re possunt cum qui  
possidet.

A 3 Reddi.



*Redditus, humana pulcherrima munera vita.*

*Crede mihi, Gaspar, quidquid mortalibus un-  
Contigerit, vel diuitis quis vicerit Indos, (quam  
Seu Seres cultu; claro seu stemmate natus  
Prouocet Alciden bello, victorq; coronam  
Eripiat, cursu valeat prauertere cernuos.*

*Quid moror? exactis cumula virtutibus unum:  
Sit sapiens, sit multa sciens, sit denique quiduis,  
Desit at una illi facundia, cetera pictum  
Indico, & argentes umbras, vultusq; tabella  
Affictos, sunt vana & nomina prædita nullo  
Viuendi sensu, tenebrisq; absconditus ignis:  
Quas laudes quæ pulcra petat sibi premia quisquis,  
Nil homines iuuat, nulla aut monimenta suarum  
Virtutum, nullas species ostenderit vnquam?*

Propositio, quaquid  
tractaturus sit, ostē-  
dit, & quam metho-  
dum sequi velit.

Rhetoricē non præ-  
bere materiam elo-  
quentiæ, hoc est, nō  
suppeditare rerum  
& verborum copiā,  
sed rationem præ-  
bere qua quicunq;  
& eruditione & do-  
ctrina præditus sit,  
de quacunque re ap-  
te & copiose & di-  
stinctè dicere possit.

*Ergo vitanda tibi Gaspar imagine canto  
Experiar monstrare viam, qua mente tenere  
Rhetoricam possis formam & præcepta loquendi:  
Non quòd in his rerum species, facundaq; verba  
Comperias, nec enim nisi sit prudentia rerum.  
Tum longo studio, tumque usu & munere diuūm  
Parta tibi, si non de pectore copia fandi  
Affluat, has steriles normas inopesq; satemur,  
Sed cū verborum cumulos rerumq; redundans  
Obtulerit natura tibi, assiduusq; legendi  
Et labor & studium, quo non confusa vagentur  
Pectore cuncta tuo, prodanturq; ordine nullo,  
Efficient agitata viris præcepta disertis:  
Ut tanto in numero tempus non omnia quoduis  
Arripiant, non in quamuis aliena ferantur  
Materiam, propriis seruentur commoda causis  
Illa, hæc præsentī non desint iure petita:  
Ac tandem ne te quantum bene dixeris in re*

*Pœniteat: neu iudicio te auditor acuto  
Respuat impatiens vitij sanusq; alieni  
Arbiter, in nostraq; inuitus iura trahendus.*

*Hæc etiam præcepta, libros dum voluere doctos  
Instituis, comitemq; manum certumq; parabunt  
Indicium, vires quò & formam noscere possis,  
Queis niti soleant sapientes, queis ne decere.  
Hoc igitur, formare viam qua incedere possis,  
Rhetorica est, non nempe pedes gressus ne carenti.*

*Huic soror est ventre ex uno concepta gemella,  
Præcipuo Logicen dixerunt nomine Graij,  
Quæ rationis opes, vires, nervosque ministrat  
Dicenti, viuos adhibet germana colores;  
Hæc vincit, victum illa sequi parereq; suadet.*

*Ridiculos reddunt homines phalerata loquendi  
Commenta, & florum dicendi ingestus aceruus,  
Multiplici variata modo sententia simplex;  
Illis si tantum studium consumimus omne,  
Noctes atque dies agitamur inania verba,  
Nullo connixi rationum pondere, nervis  
Defecti, nullis recti per compita habenis:  
Quales ipse viros præstanteis sanguine auito,  
Principibus natos summis, seruire videbam  
Exercere genus studij cassumq; laborem:  
Assiduus instant tantum, inter suntq; magistris  
Complentes numerum, vacuis ne sedibus usquam  
Sit locus, & memorant annos à consule primo  
Plus decies, postquam repetunt gymnasia, tantum  
Rhetoricæ addicti: tandem didicere profari  
Aut nihil, aut, Patres conscripti, & docta iuuentus;  
Et si mille mihi linguæ & facundia Tulli,  
Mille (inquam) si sint linguæ, & facundia Tulli.  
Quidnam ultra? nit post INQVAM hoc deducere  
possunt.*

Docet Rhetoricę  
præcepta multum  
cōferre ad optimos  
quosque audiores  
intelligēdos, & eorū  
artem qua in dicē-  
do vsi sunt inuesti-  
gandam.

Dialecticę cog-  
nitionem exercitatio-  
nemq; necessariā  
esse Rhetoricā pro-  
ficiētibus. Tres enim  
sunt artes quæ ra-  
tionales vocantur,  
Grammatica, Dia-  
lectica, Rhetorica:  
sed Dialectica ra-  
tionalis appellatio-  
nem sibi præcipuē  
vindicat.

Damnat peruersa  
quorundam studia,  
qui nullo in Diale-  
ctica iactō funda-  
mento, Rhetoricis  
incumbunt, vanam  
quandam verborū  
& figurarum conge-  
riem affectantes, eā-  
que solam Rhetori-  
cam esse putantes.

O gens vana, inquam, ô vanissima Rhetoricorum  
 Temporibus nostris omni nudata lepore,  
 Imbellis, nullis & prædita viribus, atro  
 Errore immersi, caca & caligine rerum;  
 Tanta nihil vos ut moueat iactura dierum?  
 Hic vsus patientis erit viridisq; iuuenta?  
 Heu queis vos opibus fraudatis robore tanto &  
 Isto auro potius tam præcipitante parandis,  
 Si seruare modum discendi, & lege daretur  
 Institui, rerumq; caput disquirere primum:  
 Ad te alia ingressum sacro sapientia templo  
 Excipit, & gaudens reseat penetralia Gaspar;  
 Ut qui non leuiter cures virtutis amorem,  
 Et diuæ doctrinæ vsum, pulcherrima certe  
 Ornamenta hominum multo & sudore petenda.

Rationem natura  
 omnibus dedit ho-  
 minibus: quidam  
 suæ quæ eius vsu  
 præstant maximè,  
 sed omnibus acce-  
 dit perfectus vsus ex  
 arte dialectica.

Ergo tibi rationis opes, natura benigna  
 Quas dedit atque vsus vitæ, quas arte secunda  
 Perficis, hæc multum audentem maiora iuuabunt,  
 Substituentq; manus firmas, humerosq; volenti  
 Vincere dicendo cuiuslibet ardua causæ.  
 Nonne vides quantos reseat tibi commoda fructus  
 Ars hæc, quam Græco Logicen sermone vocamus?  
 Non etenim Latine norunt consingere Musæ,  
 Artibus in cunctis valeant quas reddere voces;  
 Ut nobis longis utendum ambagibus hic sit,  
 Aut certè in nostros aduectas remige fines  
 Compellare sono patrio atque tenore licebit,  
 Rettuleritq; nihil, dum sit mora nulla vocatis,  
 Exhibeantq; suas merces, vendantq; rogatæ.

Dialecticæ partes  
 & officia, docenti  
 metho- lûs & discendi.  
 Prædicamenta & ge-  
 nera rerum.  
 Similiû & opposi-  
 torum ratio.

Hæc igitur varios fructus dignosq; parari  
 Asportat: primum, quo possis sine docere,  
 Quo didicisse queas, rerum quis ductus & ordo,  
 Quid socias iungat formas, quid ne incitet illis

Dissi-



Dissidium; iam quos agnoscant singula fines,  
 Seu genus indigenum fuerit, siue aduena rerum:  
 Adde etiam quæ fonte cadunt & stemmate ab uno  
 In quas nam soleant sedes diducta migrare.  
 Iudicibus demum adductis, ac testibus actis  
 Audire, & quod quisque suum dicat, ne, negetue;  
 Afferere, aut causa immunem dimittere iustè.  
 Adde & quæ ratio statuendi iudicis, atque  
 Testis ducendi, quæ sit vel utrumque leuandi:  
 Ad summam sacros ignes, quos mentibus altis.  
 Occuluit natura parens, hac excitat una,  
 Incenditq; agitans, ac lustra per omnia præfert,  
 Quo reperire latens verum nimiumq; remotum  
 Vtibus humanis solerti indagine possis.  
 An ne putas tantis ornarent laudibus artem  
 Et studiis colerent Græcia duo lumina gentis  
 Nicomachi natus, nusquamque ingrata magistro  
 Lingua seni, tantum nisi præferat illa nitorem?  
 Angustis igitur cùm pingere cuncta figuris  
 Noueris, atque situs soleant quos membra tenère:  
 Tunc tibi præcæras tempus formare dabit iam  
 Effigies rerum dicendo, omniq; lepore  
 Cuncta sequi penitus quæ sunt in corpore membra,  
 Particulas cunctas vitæ motusq; ministras  
 Successu decorare suo, minosq; colores  
 Addere, & obiectis attollere protinus umbris.  
 Tunc merces speranda tibi & laus magna laborum,  
 Cum spectatores viris præstringere signis  
 Iam datur, atque stylo nusquam fallente manique.

Hoc dabit ergo tibi hæc quam nunc præscribimus  
 Longior ut possit rerum tibi surgere imago, (artē,  
 Dispositis diducta locis, cunctisque peracta  
 Partibus; hic nobis labor est, hæc cura docendi.

Definitio, & descriptio.

Diuisio.

Inuentio locorum,  
quæ ratio.

Argumentationum  
figurarum & modi.  
Relegationum co-  
gnatio.

Laudat dialecticam  
à iudicio Aristotelis  
& Platonis.

Conclusio & docu-  
mentum; prius in  
dialecticis exerceri  
oportere eum, qui  
in Rhetoricis profici-  
ere studeat, ut pi-  
ctores prius paruas  
imagines delineare  
discunt, deinde ma-  
iorem operantur.

Dialecticam simile  
esse dicit minoribus  
imaginibus quas in  
tabellis delineare so-  
lēt picturæ studiosi,  
rhetoricæ verò ma-  
ioribus & omnibus  
numeris absolutis i-  
maginibus assimi-  
lari.

*Nec tibi curandum qualis nam Musa canenti  
 Affonetur, aut quales modulos properemus: ad artem  
 Accingor: prodesse tibi quàm maxime Gaspar,  
 Optamus, quam mente velim te posse tenere;  
 Utendum breuibus spatiis, querenda viarum  
 Quæ citius ducat, quamuis salebrosus anhelus  
 Interdum locus occurrat, vincendaq; saltu  
 Rimula, decliui properanda aut semita cursu.  
 Namq; hac dum meditor, nullis mea tēpora lauris  
 Ornantur, virides myrtos hederasque sequaces,  
 Atque omnem interdum patimur pendere coronam  
 Musarū ante tholos; sint nunc mea premia, Gaspar,  
 Maxima, te nostros non fastidisse labores.  
 Forsitan & magnis aderunt pia numina votis:  
 Et fuerit cū gesta Deum Heroumq; canenti  
 Tempora perpetua repetita & fronde nitecant.  
 Ipseq; sacra feram, Diūmq; altaribus ignem;  
 Et delecta iugis incendam thura Sabæis,  
 Interea dulci socians pia munera cantu;  
 Et longam texam historiam, quæ maxima Diūm  
 Munera, quid societ pariterque hominesque deosq;  
 Quæ via calicolas nostras deducat in oras,  
 Quodque iter ad superos pateat mortalibus agris.  
 Tu mihi, Gaspar, eris socius, gratusque minister  
 Sacrorum, trepidusque ingenti & percitus usque  
 Latitia in nostrum cumulabis gaudia pectus.  
 Vos & adesse velim gratissima nomina semper,  
 Et numquam nostro labentia pectore amici,  
 Te Cypriane decus nostrum, te magne Cathena  
 Musarum antistes, quo iudice & auspice quondam  
 Ornavit viridis primum mea tempora laurus,  
 Hesperis optata viris per sæcula multa,  
 Non concessa tamen: decuerunt munera nostrum*

Tanta

Potius rationem ha-  
 bendam esse artis,  
 quàm carminis. nā-  
 que ornari res i. sa-  
 nequit contēta do-  
 ceri, ut inquit Ma-  
 milius.

Non hoc ad Poēti-  
 cam gloriam com-  
 poni opus, sed ad  
 legentium utilitatē

Parechasis qua se e-  
 legantius opus zedi-  
 turum: Poēta polli-  
 cetur.

Cyprianus Vergen-  
 sis Monachus theo-  
 logus.  
 Ludouicus Cathena  
 cancellarius  
 Complutensis.  
 Lau-eagus fuit Arias  
 Montanus Cōpluti,  
 anno Christi 1552.  
 qui prius omnium  
 laurei in illa Aca-  
 demia est adeptus.

*Tanta caput : magnum duxi tam pulchra tulisse  
Præmia, sed maius te magne Cæthæna ministro.*

*Te quoque More animæ nostræ pars altera, te'q, et  
Altera Serranæ, atque idem duo pignora, quorum  
Auxilio antiquum nomen, veteresq, ruinas  
Iam reparare olim meditatatur Corduba mater.*

*Quæis etiam si posse frui nunc fata negarunt  
Tam longo absenti spatio, si lumina multas  
Diffluere in lachrymas cogunt sperando, licebit  
( Non dubium ) triste hoc fatum mutantibus astris,  
Optatos nimium notosq, reuifere vultus;  
Iam mihi pro tanto voto cadenda paratur  
Victima, iam gratos meditamur pectore versus.*

*Interea nobis, Gaspar, patientibus adsis  
Auribus; & si quid tibi vox non grata Camænæ  
Peccarit, lasices si non de fonte petitos  
Obtulerit semper, nimium diuersa docenti  
Non idum lucis ignoscas; tradere namque  
Instituit præcepta tibi, & quæ nomina, quæq,  
Sit ratio ipsorum numerandi disq, serendi:  
Ne tibi inauditas dum tendit fingere voces,  
Mulcentes dulci sitientia pectora fluxu,  
Bis tibi sudandum, duplici & quærenda labore  
Nomina sint, & ars, possis quo scripta soluto  
Sermone & vulgi notulis signata tenere.*

*Principio quæcunque tibi dicenda parantur,  
Sine sori strepitus agites cingilia iura;  
Seu grauis intentes penitus discrimina causæ,  
Seu populos pietate velis constringere, sanctis  
Legibus, obsequio addictos Diuumq, timori;  
Seu pacem, seu bella cupis suadere, vel ortos  
In vulgo tentos dictis sedare tumultus;  
Vel monumenta Deum recolis, fistosq, dierum*

*Cultus,*

Ambrosius Morus  
Cordubensis rhetor  
auunculus meus.  
Petrus Serranus do-  
ctor Theologus  
Cordubensis.

Redit ad institutum  
opus.

Docilitas, qua signi-  
ficat quem ordinem  
sequi, & quam vel  
inire ratione. neque  
enim ab antiquorū  
methodo se disces-  
surū esse, neque no-  
mina artis vulgata  
mutaturum: cum  
ad hoc hanc artem  
paret, ut antiquam  
orandi rationem ad  
nostras causas, no-  
straq, tempora ac-  
commodet.

Primum commune  
præceptum, ut in  
quacunque causa  
vnius finis statuatur,  
ad quem omnis in-  
uentio & omnia ar-  
gumenta referantur

*Culius, ac meritis extollere laudibus ipsos  
Est animus, ciuemq; bonum sanctumq; senatum,  
Quodcunque aut celebrare decus, virtutis amorem  
Inycere, & sceleris turpeis proponere vultus:*

*Quidquid id est, quod voce tibi proponis agendum,  
Vnius formam statues ante omnia finis:*

*Fingendum excelso fuerit tibi vertice signum,  
Quo tendas, quod sãpe queas repetendo videre,*

*Ne vagus erranti collustrans omnia cursu,*

*Nil tandem lassusq; via, fessusq; labore*

*Efficias, iterumque petens, iterumque recursans,*

*Indigna & populo exhibeas spectacula, qui te*

*Exigat, & turpis tota explodaris arena.*

*Vidimus in templis multos, cum numina Diuũ*

*Laudare instituunt, preceptaq; sancta docere,*

*Rumpere clamosa constantes voce columnas,*

*Et tamen in cumulum voluentes omnia cacum,*

*Dum varias fingunt species, tentantq; remota*

*Semina miscere & toto distantia calo,*

*Nil præter somnos tandem aut fastidia suadent,*

*Indigni sacro ascensu, natiq; sinistro*

*Mercurio, atque ausis violantes sancta prophanis;*

*Vnde fit, ut multi vel non ea templa frequentent,*

*In quibus ingratis perdendas vocibus aures*

*Pertimeant, multi risus causasq; iocorum*

*Inde petant, indigna pijs deflendaq; facta.*

*At tibi tu certos præscribere discito fines,*

*Quos sãpè observes dicens, possisq; tueri,*

*Conficias quantum ne via, quam plurima restent*

*Tendenti spacia, & ducas spectantia tecum*

*Agmina, dum fixis oculis, dumq; auribus hærent.*

*Occurrent olim forsã non pauca volenti*

*Dicere, quæ poscant operam, nolintq; taceri*

*Singula,*

Hoc in toto opere  
obseruãdũ est, quod  
singulorum præce-  
ptorum summam  
duobus vel tribus  
carminibus poeta  
complectitur, ut di-  
scientium consulat  
memoria.

Vitium ostendit eo-  
rum, qui non vnum  
sibi finem ad dicen-  
dum proponunt.

Finis certi constitu-  
tio dicentem ducit  
facile & auditorem  
iuuat, & plurimum  
utrique confert.

Secundum præce-  
ptum est, ut si quan-  
do plura proponan-  
tur dicenda, vnum



*Singula, & ostendent tibi prætermiſſa periculum:  
 Hac poteris blandè ingenio officioq<sup>3</sup> fouere,  
 Spemq<sup>3</sup> bonam cunctis promittere, dummodo cauſa  
 Inſeruire velint primæ, ſeriemq<sup>ue</sup> tenère,  
 Et cedant magis optato pro tempore fini;  
 Atque ita diſponas, ſtatuas ſic ordine cuncta:  
 Sic certis ſpacijs, ut ſoluens littore primo  
 Omnia prætereas, & grata voce ſalutes,  
 Atque obiter præſtes operam; ſic denique ad ipſam  
 Peruenias metam placidus curſuq<sup>ue</sup> ſecundo:  
 Nedum tu innumeris confundere ſinibus, ipſos  
 Qui ſpectant, longo fallas fugiasq<sup>ue</sup> Meandro,  
 Aut ſaltu per cuncta leui faſtigia raptus  
 Præſtringas certi cupidos, dubiosq<sup>ue</sup> remittas.  
 Proderit ergo prius quidnam conemur habere;  
 Huc conferre modos omneis, viresq<sup>ue</sup> miniſtras,  
 Atque viam tentare, iterumque iterumque timere,  
 Et tentare iterum, donec notiſſima ſiant  
 Singula, quâ plano poſſimus tendere grefſu,  
 Quâve gradu incerto paulatim, atque vnde petitis  
 Subſtruere hoc ſaxis cumulantes aggere firmo.  
 Huic fini ſiue huic metæ, quam tangere curat  
 Dicendo ſibiq<sup>ue</sup> orator proponit anhelus,  
 Impoſuit nomen perdocta Græcia lingua,  
 Atque Thema appellans, primum ponenda putauit  
 Totius momenta tibi ſermonis habendi.  
 Hoc treis in formas abiit, nec ſedibus iſdem  
 Omnes coniunctæ, cupiunt ſua quæque tueri  
 Imperia, & proprios fines agnoſcere gaudent!  
 Namque genus primum, cum quis laudare peractâ  
 Inſtituit ciuis vitam chariue ſodalis,  
 Seu memorare Deos cupiat pueroſq<sup>3</sup> Deorum,  
 Geſta ducum, & belli ſortes aut munera ſanctæ*

*Iuſtitia,*

tamē inter ea quod  
 ad præſentē cauſam  
 maximē pertineat,  
 deligatur, ad quod  
 cetera referantur: vt  
 ſi de fide, de charitate,  
 de ſpe dicendum  
 ſit, vnus finis ſtatui-  
 tur religio, ad quā  
 omnia hæc referri  
 poſſunt. & ira or-  
 dine diſponenda ſin-  
 gula ſunt, vt non de  
 pluribus diuerſis,  
 ſed coherētibus in-  
 uicem verba fieri  
 credantur.

Vno fine certo pro-  
 poſito argumēta ex-  
 aminanda ſunt an  
 ad ſinem illū faciāt.  
 Quod ſi non omnia  
 quæ inueniuntur ar-  
 gumenta coherere  
 & ad propoſitum ſi-  
 nē conferre videan-  
 tur: ingenio tamen  
 & arte formanda  
 ſunt, ita vt quauis  
 non certitudinē pa-  
 riant, probabilitatē  
 tamen afferant. Hoc  
 autem dicitur in car-  
 mine per translatio-  
 nem ſumptam ab ijs  
 qui vias aperiuunt  
 nouas.

Quod poeta finē vo-  
 cat, Græci thema ap-  
 pellāt quæ dictio in  
 comuni concio-  
 natorū vſueſt. The-  
 ma autem poſitionē  
 ſiue conſtitutionem  
 ſignificat.

Thema omne ad v-  
 num ex tribus gene-  
 ribus pertinet.

Primum genus de-  
 monſtratiuum lau-  
 dem vel vituperati-  
 onem perſonarum  
 actionū atque factō-  
 rū & rerū continet

*Iustitia, & leges, & quas pax longa creauit  
Doctrinas, mentis quacunque inuenta quiete;  
Nam sunt qui summis extollant laudibus artem,  
Qua meruit tantos olim Polycletus honores,  
Qua superare vices naturæ creditus olim  
Pingere dum Gnidium numen contendit Apelles.  
Quidam etiam qui non contentus sancta probasse,  
Et meritis laudum cumulis ornasse deorum  
Prolem iustitiam, atque humani nominis vnum  
Præsidium, & nostræ gratissima vincula vitæ,  
Ingenium potuit tantæ virtutis ad hostem  
Vertere, & iniustas dictis extollere fraudes,  
Ac Diuis celo renuentibus usque locare.*

*Nec minor est ratio, si quis scelerata malorum  
Exagitare velit facta, aut si fraudis iniquæ  
Cōmenta, aut si quodque nefas, si denique quidquid  
Ferre a post habitis pepererunt sacula Diuis:  
Hos aditus petere, & solet hinc dicenda parare.  
Tandem si grates referenda, est hoc genus vnum,  
Quod sibi præscriptis hæc vendicat omnia normis:  
Cui iam præsentis signatum stemmate nomen  
Demonstratiuum veteres fecere patroni,  
Demonstrat quoniā tantū reprobūmq; probūque:  
Securus, licet, auditor sis, nam hic tibi nullas  
Astruit insidias orator, nullaquæ tendit  
Retia, ut ad proprios furtim te transferat usus;  
Ni forsā (sed tutum est id) cogaris amare  
Quas probat, & vincta depingit imagine formas,  
Odisse aut dictis quas insectatur amaris.*

*ALTERA dicendi forma est, quæ non sibi solos  
Expetit assensus mentis, contenta probari  
Non fuerit, si non etiam permouerit ipsum,  
Quisquis adest, celerèquæ manu, celerèquæ sequēdo,  
Reddi-*

Carreates philoso-  
phus Romam lega-  
tus à Grecis missus,  
altera actione iusti-  
tiam laudauit, alte-  
ra verò iniustitiam  
iustitiæ prætulit.  
refertur à Quinti-  
liano lib. xij. c. i.

Gratiarum actio ad  
demonstratiuum  
genus pertinet.

In demonstratiuo  
genere nihil suade-  
tur aut dissuadetur.  
vnde & à nonnullis  
à Rhetorica ratione  
reiecitur: nam Rhe-  
torica ars est bene  
apud dicendi ad  
persuadendum.

Secundum causarū  
genus deliberatiū  
dicitur, continetque  
suasione & dissua-  
sionem ad popula-  
res causas maxime  
aptum, & cuius præ-

Reddiderit quæ anidum quæ sunt orata patrandi,  
 Siue sequenda ferat, magè seu fugienda profetur  
 Orator, cùm bella cupit suadere, ducesquæ  
 Seu pacem, seu pratores, seu iura nouanda,  
 Siue probet leges, siue auerfetur iniquas;  
 Supplicibus votis seu poscat munera Diuos,  
 Siue malum terris auertat, flectat & iras  
 Numinus orando, siue obinrgare relictum  
 Officium gnato cupit, infidoquæ sodali:  
 Iam si quis charum precibus commendet amicum,  
 Marorem ne paret socijs dicendo leuare,  
 Hoc genus est, huc se recipit, petit hincquæ minifras  
 Voces. Heu numquam te incessat dira libido  
 Poscere, quæ noris nimium nocitura parando,  
 Quæ ne tibi solum commendet fœda voluptas;  
 Præterea & nihil est iucundum atque utile in illis,  
 Plusquæ aloës quàm mellis habent, specièq; maligna  
 Virtutum pulchras possunt disperdere formas.  
 Errator, non est orator, quisquis iniquus  
 Contendit placidis suadere nocentia verbis.  
 Diuinum, quondamquæ in commoda nostra repertũ  
 Hoc fuit, & priscos homines a lege ferarum  
 Ad placidos vsus vitæ & connubia iusta  
 Transtulit, hoc ciues coniunxit legibus aquis;  
 Hoc socias iunxit quæ manus, communia suafit  
 Commoda, & humanum deuinxit pectus amore:  
 Antiquas Thebas (notissima fama) canendo  
 Surrexisse olim, lapidesque venire coactos  
 In numerum, & pulchris distinguere mania portis.  
 An ne erit (heu facinus) qui iam formata quietis  
 Et pacata diu sub sedibus audeat unquam  
 Diruere, & versis confundere vocibus vltro?  
 Non mihi perdendi, sit copia sola iuuandi.

cipius vsus hodie  
 est in Christiana re-  
 ligione. ad hoc ge-  
 nus multæ perinēt  
 species quas ferè  
 omnes enumerat  
 Poëta.

Omnis ars ad viri  
 vtilitatem reperta  
 est: & Rhetorica ma-  
 ximè ad ea quæ ho-  
 nesti, iusta, & utilia  
 sunt suadendi ab an-  
 tiquis in artium nu-  
 merum est redacta:  
 ex quo fit vt graui-  
 ter peccent illi, qui  
 ad suadendum inho-  
 nesti, turpia, & inu-  
 tilia, Rhetoricæ ar-  
 tis officio abutuntur.

τὸ ἀρχαῖον δὲ τοῦτο  
 altera, qua ostendit  
 huius artis extogi-  
 tandæ finem.

Ex Mythologia re-  
 teris fabulæ arguit  
 Rhetoricæ vtili-  
 tatem.

Tertium genus the-  
matum sine causa-  
rum iudiciali vo-  
catur, continens  
acculationem &  
defensionem. in ci-  
uilibus autem & cri-  
minalibus caulis  
versatur.

*Tertia dicendi pars est, quæ crimina seu  
Accusat, quodcumque nefas scelerisq; maligni  
Ausa, vel officium præstandum, iura, fidemq;  
Postulat, aut dictis studia in contraria versis  
Elevat obiectas fraudes, aut crimina vita,  
Defenditq; reos libertatemq; loquendo  
Molitur: tandem hac agit at quæcunque bilibris  
Iustitia exercet, numerisque examinat equis.* 33  
*Hæc movet una forum, lites strepitusque frequet at.* 35

Oratorem studio-  
sissimum sui artis,  
& nulla in re negli-  
gentem esse oportere.

*Si quæ res studio indignit duroq; labore,  
Hæc una orandi magnis sudoribus usque  
Indiget, & totos conatus exigit una,  
Et commenta diu meditata, & lancibus equis  
Explorata diu: nam si reliquis ego forsan  
Doctrinis fallar, si non nimis anxia cura  
In cunctis mihi sit, nostris ego negligo tantum  
Id damnis, mea res agitur, vel forte meorum,  
Quos doceo, quibus & minimum fallendo nocebo.  
Non etenim Solisque viam calique meatus,  
Atque vagos Lunæ cursus, & sidera toto  
Fixa polo dum demonstro, si quando fefelli  
Exacto in numero motus, aut tempore certo,  
Continuo decus auertam, nec munera Solis,  
Nec deerit placidus terræ quem percipit usus,  
Sydera constabunt, constabunt tempora veris,  
Autumni atque hyemes sua per vestigia rursus,  
Errore & nihil illa meo tardata, redibunt.  
At multum sibi quæ & multis incommodat errans  
Orator; nam cum cupiat suadere loquendo  
Astantem populum, placidisquæ impellere dictis,  
Ut spernat quicquam fugiens, avidus ne sequatur;  
Aut nihil efficiet, nimium ve aduersa petitis;  
Dedecus unde sibi molitur, deterit omnem*

Confirmat propo-  
sitionem hoc argu-  
mento in iis arti-  
bus, quarum finis  
est sola cognitio, aut  
nullo aut leuissimo  
erratur periculo in  
quibus vero artibus  
preter cognitionem  
finis est actio, gra-  
uissimo periculo  
erratur.

Dicendi



Dicendi fructum, & cui sit res commoda, fraudat.  
 Heu mihi non unquam contingat, quod quis iniquo  
 Iudicio est ausus, sibi dum præconia captat,  
 Et nomen docti nimium facilisq; magistri,  
 Conspicius solet is conscendere pulpita sæpe  
 Dicturus promissa Deum, obsequiumque fidemq;  
 Non ullo prius arrepto sibi tempore tantis  
 Cogendi in formam rebus sacrasq; videndi,  
 Argumenta parat causæ dum commoda, chartas:  
 Turpius id multò, quod sese ante omnia iactant,  
 Nil legisse prius, nil consuluisse deorum  
 Arcana, & nec sacra Patrum commenta piorum.  
 Ergo ne ita in miseros populos eluditur, ut non  
 Dignos ipse putes, queis horam impendere tantum  
 Nempe velis? sed dicta queant, quæcunque mereri  
 Eximias laudes, & munera quæ tibi cuncti  
 Supplicibus mit. ant votis, admissaq; gaudent  
 Esse tibi, quæ tu non tempore respuis ullo:  
 Ergo nihil ducis cuiusnam munia tractes;  
 Quam rem agites? Diuū tibi dum cōmissa docenti  
 Relligio, dum verba Deum sanctissima narras  
 Arcanis inclusa libris? quos non sine magno  
 Fas erat ulli hominum vel conspexisse timore.  
 Sint procul à nostris, procul hæc sint, mentibus ausa;  
 Atque optem potius, tardi crassiq; tenere  
 Ingenij nomen, tantum respondeat ipsum.  
 Officiis factum, Diuis populisq; probanda  
 Dicamus, tanta & pro maiestate pauentes.  
 Namque olim vindicta Deum testata minaces  
 Est iræ, ac sæpe cadunt, qui sancta timere  
 Non norant, tractant leuiter, temereq; frequentat.  
 Quis dirum nescit fatum miserabilis Osæ?  
 Auspiciū captans felix Bethlemmius Heros,

Damnat eos qui fa-  
 cilitatis laudem as-  
 secutantes, studium &  
 diligentiam ad sacras  
 conciones adhibere  
 negligunt. explodē-  
 dos autem censet,  
 propterea quod re-  
 ligionis, operis &  
 hominum contem-  
 ptum fateantur.

Probat non esse af-  
 fectandam negligē-  
 tiam aut temerita-  
 tem in rebus sacris,  
 exemplo Osæ, qui  
 subita & miseranda  
 morte extinctus est.

quoniam mysticam  
Dei arcam nūius  
religiosè conrecta-  
re est ausus. historiā  
legimus secūdo lib.  
Reg. cap. 6. & 1. Pa-  
ralip. cap. 13. quam  
hoc in loco Poëta  
eleganter & poëtice  
narrat, ac obiter  
quæstiones quæ cir-  
ca eam versantur  
disputat.

Iessiades David.

Hæc omnia ex Psal.  
107. & 117. & ex  
Exodilib. sumpta  
sunt.

Achai & Oza filij  
Nadab de Caria-  
tharim.

*De Cariathæis transmissam sedibus arcam  
Instituit patriæ sacrandam manibus urbis:  
Illa Dei fuerat sedes augusta superni,  
Quam super, & iudex, certa & responsa daturus  
Astabat, vindexquæ Deus, populoquæ stupenti  
Dignatus certis fuerat se ostendere signis:  
Dumquæ ipse accitis coniungit carmina sacris  
Iessiades numen celebrans, dum candidus Epho  
In numerum ludit citharæ momenta secutus,  
Turba nouo excipiens venientia numina plaustro  
Occurrit supplex palmis, & vota frequentat:  
Iam circum ingentes pulsabant sydera voces,  
Intonsi imprimis pueri, innuptæquæ puellæ  
Alternis sacras patrio sermone camænas  
Concelebrant, & prisca nouant monumenta, ducẽq;  
Conclamant regemquæ Deum, imperioquæ potẽtem,  
Cui mare, cui terra, & rupes, cui flumina cedant,  
Quem montes nec ferre queant, concussa tremore  
Quem tellus magno paueat, fumarisq; saluet:  
Has cytharæ voces referunt, resonantia rauco  
Tympana congeminant pulsu, certantq; sonora:  
Sistra crepant, resonantq; cauis tinnitibus æra.  
Dumq; omnes variè pompam celebrare, diesq;  
Sollicitant festos, atque hospite numine gaudent,  
Ecce nouis plaustrum tremit axibus, ipsa ruinam  
Arca minabatur nutans similisque cadenti:  
Nam bos, seu stimulis actus, seu percitus æstro,  
Seu magis impositum numen presentiat, atque  
Contremat, is sacro sub pondere contrahit artus,  
Collaq; non vsquam talem perpeffa laborem.  
Forte duo fratres proles Nedabæa magistri  
Astabant plaustrisq; duces, Achaius alter  
Præcedit, monstratq; viam, ducitq; iugales:*

*Alter*

*Alter agit retro stimulisq; opponitur Osidas:  
 Hic dum sacra putat iam collapsura, morandis  
 Impatiens, ac nil veritus, ceu numina iactans  
 Contrectanda sibi, patriis quæ in sedibus olim  
 Asservata, modo nota de sede migrarent,  
 Accurrit, manibusq; sacrum temerarius audet  
 Tangere, & impulsu melius super axe locare.  
 Protinus accensas persensit numinis iras,  
 Heu puer infelix, subita nam morte peremptus  
 Concidit, & miseros artus conuulsaquæ membra  
 Prouoluit, terram pulsans bis terque quaterque;  
 Tristiaq; ostendit cunctis spectacula turbis;  
 Iamquæ oculis fixo, & visu calumquæ tuenti,  
 Iam muto gemitu, commotisquæ artibus ipsos  
 Innuit ultores superos, testatur & iras  
 Numinis, atque docet sanctum suadetquæ timorem  
 Protinus erectus ventura in sæcula aceruus  
 Indicat, ultrices iras, aususquæ prophanos.*

B. 2

RHETO-

## R H E T O R I C O R V M

## L I B E R   I I .

N V N C age quæ ratio statuendi, Gaspar, in ipsis  
 Partibus, & quæ sit cuiusvis forma, docebo :  
*Vt varios ineant saltus, indagine lustrent*  
*Diuersa, quarantq; & opes, & commoda captent.*  
*Nec mihi diuersus vulgato nascitur ordo,*  
*Nam fuerint nobis nusquam linguenda priorum,*  
*Ostendenda tamen celebri vestigia cantu :*  
*Sic poteris, dum tu obseruas, dumq; auribus ipsam*  
*Pertingis comitis vocem, non fallere gressu.*

Propositio qua ostendit se de singulis causarum generibus dicturum, quæ scilicet inuentionis ratio in vnoquoque eorum obseruetur.

Primum commune præceptum, in quocunque argumento & in quacunque causa considerandum esse quod sit pondus quævis expectata, & quid sit illud, quod si præstiterimus firmam nobis causam efficiet: & patroni officium explebimus. Admonet non omnes causas eandem habere probationis facultatem. nam quædam sunt quæ facile præbent argumentorum copiam ad sui probationem, ut si de utilitate iustitiæ agatur: quædam vero quæ difficiliorem viam ostendere videntur, vel si dissatur iniustitiâ non nunquam utilem esse, in his maiori ingenio opus esse, in illis minori. Exemplo explicat quod superius docuit. Pellæo milite, Alexandri exercitum.

Iam quod opus cumq; & quacunque negotia tēpus  
 Offerat, aspicias, & quæ sint, quid sibi poscant  
 Discute, non etenim frustra venere rogatum  
*Vt placidam præstes operam, assistasq; patronus.*  
*Tum tibi præscriptos habeant quos singula fines*  
*Pone oculis animoq;: & certus cerne, procul nam*  
*An prope sint forsan: nam sunt quæ longius absunt*  
*A fine, & quibus haud multum sit semita nota.*  
*Tota tibi quæ se tradunt ducenda, petuntq;*  
*Maiores ingenij auxilia ex te totaq; pendent.*  
*Et sunt quæ spacio distant breuiore, tenentq;*  
*Iam ferme signum, minus hæc tibi dura minusq;*  
*Sunt operosa tibi, facile deduxeris ipsam*  
*Ad metam, properant ipsa & præcurrere gaudent:*  
*Hinc maior tibi laus cedit, minus inde laboris:*  
*Res gestas regumq; decus Mauortia bella,*  
*Atque triumphatum Pellæo milite mundum,*  
*Cunctaq; regna olim terraq; marisq; subacta,*  
*Cui non sese illa ostentant? quem non sibi callem*  
*Pandunt? non deerit quid dicas sola secuto*  
*Agmina, & instructas acies, seriemq; notanti,*  
*Fortunam.*



*Fortunam belli, pradam, captâq; tumultus  
Gentis, & ipsa ducis resonantia nomina ouantis.*

*Si tamen exiguo nobis tum cortice, quo se  
Hyblaumq; thymum, flores aut pasta salicti  
Claudit apes, regnum inuenias, regesq; ducesq;  
Et pacem, atque decus rerum, sanctumq; senatum,  
Iuraq; legesq;, & communis commoda vite;  
Incendas animos furiis, ira q; tument*

*Sollicites vix dum capientia pectora nomen:*

*Iamq; acies cuneosq; struas, geminamq; phalangem;  
Et tuba de tenui resonet lituusq; susurro:*

*Hoc opus, hic labor est, tibi nam formanda petuntur  
Cuncta hac, orantem agnoscunt viresq; negatas  
Natura, ingenio sese debere fatentur.*

*Imprimis quaecunque mihi exornanda parentur,  
Nuda prius videam, gracili sint corpore, sint ve  
Robusta, & densis constent compagibus artus:*

*Sic melius possim sinuosis vestibibus illa,  
Hac habitu tantum facili circundare, nilq;  
Supplebo, nihil implebo: namq; omnia recta,  
Omnia plena sibi consistunt. Id quoque multum  
Contulerit suscepta prius distinguere, quod nam,*

*Quaq; genus seruent: nam si persona sit, aut res,  
Non eadem tentanda via est, diuersa petentur*

*Ornamenta locis variis, diuersa sequentur  
Tempora ponendi ornatus, ratioq; locandi,*

*Vt cuique & vis est, utq; est natura, decebit.  
Ne grauius leuia, aut calidis ne frigida sunt*

*Mista; nec in caco voluantur corpore cuncta,  
Nec finis decet imprimis, nec prima locantur*

*Partibus extremis: sapiens natura dedit iam  
Et seriem certam, & leges, quas ipsa frequentat:*

*Huius qui insistit gressu, & vestigia longè*

Exemplum minoris argumenti, & ab ingenij fecunditate pendens. quale argumentum Maro felicissime persequutus est quarto Georgicorum lib. ad quod exemplum hoc in loco alluditur.

Docet tenuiora argumenta variis & accommodatis argumentis amplificanda, exornandaq; quæ verò fecundiora sunt, simplicius exponenda. de qua re latius agetur, cū de locis communibus tractabitur.

In quocunque genere aut agitur de personis aut de rebus: in omni autem genere naturæ ordinē sequi oportet, quod & ad disertē & copiosē dicendū plurimum confert, & memoriam dicentis atque auditoris iuuat maximè, ut suo in loco ostendatur.

Sicut rerum diuersitas est, ita & orationum quæ ad res accommodari debeant. Oratorem autem naturam rerum maximè perspicuam habere oportet.

*Obtinet, orator nobis sapiensque videtur.*

Virorum laudatio à  
patria sumitiniui.

*Ergo virum qui laudabant, urbemque larémque,  
Et natale solum longè patriamque petebant:*

*Querebantque loci ingenium, noménque sitúsque,  
Quas artes, quos ille viros qua magna foueret:*

*Edocti cunctas partes, atque inde reuerfi  
Plurima suscepta referebant commoda laudi:*

*Illustrant nam saepe homines vel nomina solum,*

*Et titulus patriæ, magno & discrimine refert*

*Romanus fuerim, doctis aut natus Athenis:*

Ingeniosi oratoris  
est, ibi laudem inue-  
nire, ubi nulla est  
laus.

*An Scythia, vel gelidi productus ad ostia Ponti.*

*Quod si lustrata patria nihil inde tulissent*

*Dignum fama olim, nam cuncta obscura iacebant:*

*Corrigere ingenio poterant, & vertere laudi*

*Maiori, tanta est oranti parta potestas:*

*Iam noua dicebant celo cunctisque stupenda*

*Signa dari, magnumque virum, quem cura deorum*

*Finxerit à patria diuersum gente nouumque,*

Secundus locus est  
à sexu, siue mas siue  
fœmina sit de quo  
dicimus.

*Et patriæ decus eximium gentisque futurum.*

*Nec leuiter curant natura quid afferat illis*

*Ingenio sexus: varias hinc vertere formas*

*Laudando norunt, fuerit seu fœmina, seu vir.*

*Nam iuxta sexum vires ostendere, laus est:*

*Si rectè ostendas: si vincas munera sexus,*

*Laus maior; latè locus hic diffunditur, atque*

*Plurimus occurrit, dicenti plurima præsert.*

Tertius locus à pa-  
rentibus.

*Nec minus est, quibus è patribus sit natus, habere;*

*Obscurus, primumque nitens, an stemmate auito*

*Lampada, virtutes patrias, lucemque sequatur.*

Ab ingenio & disci-  
plina, & ab his arti-  
bus quæ ad ingeniū  
pertinent, tertius  
locus.

*Ingenio quo sit querendum, quisque magister*

*Assitit, & quas res didicit, quæis artibus auctus*

*Imbutusque fuit, docuit quid, præbuerit qua*

*Doctrina exempla, ut cuncta illi tempora vita*

*Disper-*

*Dispersita patent, & quonam exercita cultu,  
Quid dignum gessit, rebus quæ præmia gestis.  
Ipse etiam à cunctis spectabitur exitus, atque  
Quid suprema dies ostendat, quòq; decore  
Decedat, quid fata probent, utque ultima primis  
Conueniant: gelidos cineres quæ fama secuta est.*

„Idem suscipitur vitæ & dicentibus ordo. Summa omnium locorū.

*Iamq; erit, utque locos cunctos lustrando percerres,  
Sed vacuos videas plures, nihil inde labori  
Suscepto proprium inuenias ac laudibus aptum;  
At forsàn magis infame id, dignumquæ notari:  
Nil desperandum, namque hæc potes ingenioquæ  
Artequæ mollire, & minus usque nocentia verbis  
Reddere, namque solet cantando vertere serpens  
Naturam immanem, posito & cessare veneno:  
Iamque olim cultu assiduo nimiumq; fouendo  
Dum cauet interdum, interdumquæ audacius hæret,  
Blandius & tractat manibus, parère magistro  
Naturæ oblitus vidi nemorisquæ leones;  
Donec per vicos, donec per compita cunctis  
Tractanda squæ iubas & acutos præbuit ungues;  
Et iucunda sui præstat spectacula, qui nunc  
Horridus & cunctis nimium intractabilis ibat.*

„Nil sauum usq; adeo est, quod non mitescere sit spes,  
Si modo non cultus, si non patientia desit.

*Sic ego dumq; locos repeto, dum lustra reuiso,  
Si quid in his toruum inueniam, natumq; nocendo,  
Audebo, & cunctas paulatim vertero firmas,  
Iamquæ fouens, etiamquæ cauens, nil sauus, amico  
Tractabo, donec tandem mansueta videnda  
Exhibeam populis, nimium mirantibus artem,  
Ingeniumquæ meum, possim qui vertere laudi,  
Omnibus horrendum quod sit, nec laudibus aptum.*

A totius vitæ cursu  
& exemplis morū  
& doctrinæ, quar-  
tus locus.

A iudicato quintus  
locus: hoc est ab o-  
pinione de moribus  
& vitæ eius de quo  
agitur, quo in loco  
narratur præmia ob  
res gestas accepta.  
Sextus locus ab exi-  
tu vitæ quam hone-  
stū mortis genus ob-  
ierit: qui locus in di-  
uorū laudibus am-  
plissimus est: maxime  
autem ad martyrum  
encomia accom-  
modatus.

Septimus locus, à fa-  
ma quæ post mortē  
sequitur, quo in lo-  
co miracula collo-  
cātur, quibus sancti  
viri post mortē cla-  
ruerunt.

Antipophora quado  
cet quid agendū sit,  
cum nullum argu-  
mentum ad laudan-  
dum in superioribus  
locis inueniatur, aut  
forte argumenta oc-  
currant vituperij po-  
tius quàm laudis.

Si tale (inquit) quip-  
piam occurrat, exco-  
lendū est arte, &  
paulatim insinuan-  
dū auditoribus ver-  
borum mutatione  
aut alia quapiam ra-  
tione.

Similitudinibus dua-  
bus ostēdit omnem  
feritatem industria  
atq; arte mitescere.

Prudentissimum  
præceptum ad ean-  
dem rem. Si, inquit,  
in aliquo loco ali-  
quid offenderis om-  
nino inuidiosum,  
prætermittendus  
est locus ille; neque  
omnino mouendus,  
ne totam corruptat  
orationem. Verbi  
gratia, Si io lauda-  
tione cuiuspiâ, cum  
ad parentes, qui se-  
cundus locus est,  
uentum fuerit, in-  
uenimus patrem e-  
ius qui laudatur ty-  
rannum, aut patris  
proditorem fuisse:  
nulla patris mentio  
habenda est. itaque  
præcurrere oportet  
hunc locum, ac  
si necessarius non  
esset, neque ex arte;  
quandoquidem vel  
ipsa nominis recor-  
datio acerba & in-  
uisa auditoribus fu-  
tura est.  
Secunda pars huius  
generis factorum lau-  
datio, tribus è locis  
eruitur.  
Primus locus in lau-  
dibus factorum est  
honestas, omnium  
locorum pulcherri-  
mus, & humanorum  
factorum optimus  
finis.  
Secundus locus, fa-  
cilitas vel difficul-  
tas.  
Exemplum huius  
loci ex laboribus  
Herculis.

*Atque adeò si nulla boni momenta mali ve-  
Comperiam, populo ve nimis suspecta, nimisq;  
Inuisa, & toto omnino explodenda theatro,  
Quocunque ipsa modo studeam, tendamq; proferri:  
Pronidus hæc nunquam tentabo, quiescere passus  
Sedibus in propriis, præteruolo protinus, atque  
Quæro mihi propriumq; magis, meliusq; futurum.  
Immo etiam interdum prudens ea lustra tenebris  
Oculo, & iniectis saxis atque arbore tota  
Dissimulo; iam cuncta loci vestigia furtim  
Deleo, ne auditor quicquam putet inde petendum.  
Quod si facta virum, regum, vel gesta ducumq;  
Aggrederis laudare, tribus de partibus omnem  
Dicendis cumulum rebus congesseris, vnum est  
Quid deceat nosse, et pulchrū quid, quid sit honestū.  
Hic figendus erit factis ante omnia finis:  
Huc primū vertendi oculi, atq; hæc prima petēdū  
Præmia, ne vitæ quicquam deforme per omnem  
Altera laudandi rerum pars ponderat ipsas  
Tendendi vires, quanto sudore parentur,  
Quasque vias habeant, & quanta pericula primū  
Vincenda. Alcidem quantis latratibus horrens  
Rictibus, & quantis tentato terreat orco  
Cerberus: ille tamen victum vinctumq; catenis  
Presserit, atque Herebi tandem penetralia fortis,  
Plutonisque domos subiens turbamq; stupentem  
Immanes ausus Furiasq; coegerit ipsas  
Cedere, & obiectis frustra cessare colubris:  
Optatis donec spoliis prædaq; superbum  
Attoniti tantis ausis, plausuq; benigno  
Lux ipsa, ipse dies totusq; exceperit orbis.  
Nam quæ difficili constant magnosq; petuntur  
Conatu, voluere fore hæc pulcherrima Diui.*



Si qua breui tamen & facili sese obuia cursu  
 Exhibeant, est quod laudes, miserata labores  
 Esse hominum, & tenues vires, & tempora vitæ  
 Angusta, hinc mage se nobis vicina dedisse,  
 Promptaq; ceu pluuia, ceu lumina Solis & aure.  
 Illud sæpe etiam rerum ostendisse memento  
 Laudator, quos hæc fructus quidq; utile portent.  
 Maxima pars hominum vilissima premia poscit,  
 Hæc sequitur, totoq; petit sibi commoda voto,  
 Posthabitis nudam ostentant quæ pulchra figuram.  
 Nil etenim refert, facias quæ exercita nullos  
 Sint habitura usus: vagus ut si flumina circum  
 Ipse erres leuibus testis leuibusq; lapillis,  
 Dexter ut oppositam semper iaculatus in oram  
 Traijcias undas saltu lambentia summas.  
 Esse igitur pulchrum, magnumq; esse utile porro „  
 Quod dictis ornare paras; ostendere, laus est. „  
 Atque eadem rerum est species, factiq; probandi.  
 Unum etiam multa amplexum præcepta docebo,  
 Si meminisse queas. Ex paruis maxima sæpe  
 Sermone efficiunt docti sandique periti,  
 Instantes operi exiguo, tempusq; trahentes.  
 At si suscepto interdum metuere labori,  
 Laxatasq; vident libras, leuioraq; massæ  
 Pondera, surripiunt ascitas undique furtim  
 Particulas, videas & opus procedere, nec tu  
 Deprendas furtum, color vnus, & una figura est.

Nec tibi nunc longam rursus præscribimus artem,  
 Qua turpes hominum mores, atque impia facta,  
 Res quoque non pulchras damnes, infamia rerum  
 Atque hominum versis, quas diximus ante probandi  
 Artibus ostentat sese: non exigit vlla  
 Præcepta: atque utinam non illaudabilis usquam

Quæ factu facilia  
 sunt, sua laude non  
 carent, vel ex eo  
 quod ad nostram  
 imbecillitatem se  
 accommodant.

Tertius locus utili-  
 tas, quæ sola plures  
 homines ad agendū  
 excitare solet.

Non immerito in  
 factis expectari vti-  
 litatem: nam si om-  
 nino inutile quip-  
 piam sit, nullo stu-  
 dio aut labore dig-  
 num est.

Summa locorum.

In rebus laudandis,  
 eadem ratio quæ in  
 factis omnino est.

Admonet res exi-  
 guas interdum ser-  
 mone amplificandas:  
 quod si ipsa res ste-  
 rilis sit ad ampli-  
 ficandum, ex aliis re-  
 bus & rerum ratio-  
 nibus amplificatio-  
 nis materia paratur

Quandoquidem ea-  
 dem oppositorum  
 disciplina est, docet  
 Poëta vituperatio-  
 nis artem totidem  
 locis constare, quot  
 laudatio; sed omni-  
 no oppositis.

Optare se, inquit, ut  
 nulla res vitupera-

bilis esset, nulla quæ  
ad vituperandū ars.  
sed & multa sunt,  
quæ vituperari pos-  
sint, & plures artis  
huius periti quàm  
par esset.

Alludit ad Euange-  
lium Matth. cap. 7.

Secundum causarū  
genus continet sua-  
sionem vel dissuasio-  
nem.

Deliberationum ap-  
pellari genus hoc;  
huiusque appellatio  
nis rationem red-  
dit.

Nonnunquam con-  
tingit ut orator sua-  
dere studeat nō præ-  
stantissima, sed quæ  
ipse cupiat eligi.

Enumerat causarū  
speciem a genus hoc  
pertinentes.  
Hæ autem sunt pe-  
nitio, negatio, exor-  
ratio, deloratio, cō-  
solatio, precatio, vo-  
ca, oratio religiosa,  
& aliz res, quæ in  
suasione veniūt, aut  
dissuasionem, cuius-  
modi argumēta fre-  
quentissima in sa-  
cris concionibus  
sunt.

*Materies, nusquam extarent præcepta premendi.  
Omnia laus fierent, laudandaquæ cuncta darentur.  
Nunc facinus facile est, facile & latrare patrato,  
Innumeros videas carpendi sæpe magistros,  
Qui proprio quacunque sinu sensere foueri  
Obliti, & quasnam gestent in pectore flammæ;  
Exagitant errata hominis communia fratris.  
Heu seclum infelix & rerum perditus ordo.*

*Altera dicenti cura est suadere, vel alto  
Pectore conceptos motus, animoque petita  
Diruere, optatisque auertere finibus ipsum,  
Quisquis adest, cuiusque agitur res, unde vocatum  
Hoc genus est quod proposita deliberat in re.  
Nam suspensa pari discernit pondera lance  
Utraque iudicio, librisque examinat æquis;  
Quidque premat, trutina, aut possit quid tollere cantus  
Præuidet, & partem dicendo suadet in illam,  
Quæ grauiora sui ostendit momenta, probatque.  
Interdum orator cantus compellere furtim*

*Alterius lancem partis solet, ipse parari  
Quam cupiat: quoties æquantur pondera filo  
Ancipiti, quotiesque videt magis illa foueri  
Quæ minus ipse velit, vel quæ nocitura putauit.  
Hic labor ingenij est, hæc artis maxima virtus.  
Multa quidem ex rebus pars hæc sibi vendicat: inde est  
Quod petimus, quod & aduersi persæpe negamus,  
Quod dubium incertumque via compellimus ire:  
Aut auidum instantemque operi reuocamus amicum.  
Solamenque mali præstabitur inde, precesque,  
Votaque sacra Deum, & quacunque negotia nobis  
Cum calo, quacunque oret quis numina supplex.  
Omnia quæque pia tibi sunt suadenda corona:  
Sine animos pulses pauidos, Diuumque timorem*

*Incutias, errata hominum seu carpere cures;  
 Et penitus detestandis auertere factis.  
 Hinc fas, hincque nefas, hinc certa piacula suade;  
 Sive fidem, seu spem diuam, certa que salutis  
 Pignus, & in cunctis solatia dia periclis.  
 Huc ducas charum cum commendare sodalem  
 Fortè velis, quacumque cupis infectaue factaue,  
 Et pete quæ rata vel fieri vel tu irrita poscas.*

Commendatio est  
 ad hoc genus refer-  
 tur.

*Argumenta petes animis orator agendis,  
 Proposito imprimis pulchro; nã quidquid honestũ est,  
 Viribus obnixè summis summoque petendum  
 Conatu, ipsa sui præfert sibi præmia virtus:  
 Hanc quisquis norit, sensuque hanc quisquis acuto  
 Viderit, o quanto feruens agitur amore!  
 O quanta hunc rapiunt nostrarum obliuia rerum!  
 Felix ille animi cui iam mortalia nulla  
 Sunt cordi, superis iam conuersatur amicis,  
 Sydera iamque habitat, iam terras despicit omnes,  
 Terrigena & terra præscens, gaudetque benignis  
 Muneribus Diuũ, sapiensque & lumine puro  
 Peruidet errores hominum ratione carentis,  
 Et docet, & placida suadet meliora loquela.*

Primus in hoc ge-  
 nere locus est Ho-  
 nestas.

Honesti laus et com-  
 mendatio.

*Primum igitur sit sancta tibi pulcherrima rerum  
 Virtus, illius nunquam vestigia linguas,  
 Quo te cumque feret cedas, agilisque sequaris,  
 Sive per angustos calles, sive ardua monstrat,  
 Pronave, præcipitemque tibi minitanti casum,  
 Fortem animum præstes: nihil hanc tenebrosa viarũ  
 Sollicitant, nil cuncta mouent discrimina: vinctes,  
 Vinctes; hoc illi Diuũ sator atque hominum rex  
 Præstitit, ut voto numquam frustrata coronam,  
 Nomen & æternum, non & casura reportet  
 Præmia, deuictis vel quæ fortuna periclis*

Expositio cum ex-  
 hortatione ad vir-  
 tutem capeſcendam

Obij-

*Obijciat, vel quæ inuidiæ commenta maligna,  
Quæquæ metusquæ minaquæ truces; nõ fulmina ter-  
Virtutem, non assiduis agitata procellis (rens  
Aequora: non magno concussum murmure calum.*

*Hæc tibi, cùm suades, dicenti prima locabit*

Munus honesti, id  
est, ratione honesti.

*Fundamenta, dabisquæ operam quò munus honesti  
Preponas, ipsum celebres, & pectora vulgi  
Concutias sacro affectu & virtutis amore.  
Plurima ad hoc dederint sacra tibi munera chartæ,  
Quæquæ olim Hebraeis Patribus dictata leguntur,  
Aut Arabum celsis in montibus aut Iebusæis  
Arcibus, intra aditus Solymiquæ oracula templi,  
Quæquæ per æternam sobolem Deus ipse stupenteis  
Edocuit populos quondam, gnatumquæ loquentem  
Visibus humanis & nostro præstitit orbi:*

Virtutis & hone-  
statis præcepta in  
sacris libris potissi-  
mum continentur,  
quorum prior pars  
est verus Testamē-  
tum.  
Arabum in mōtib.  
i. in Sina Arabiæ  
monte.  
Iebusæ arces sunt  
Hierosolyma.  
Nouum Testamen-  
tum continet Evan-  
gelia & Apostolorū  
scripta.

*Et quæ per charos comites sociosquæ laborum  
Sanctarum interpretes legum Deus ipse supremo  
Patre satus, populiquæ salus, certusquæ magister  
Tradidit, inquæ pios post se vulganda reliquit,  
Diuinis ergo ex verbis repetemus honestum  
Et pulchrum; nam certa sonant, nec fallere quicquā  
Norunt, diuersum ve via seducere auentem  
Discere quid proprio referant pia numina dicto.*

Post Diuinos libros  
commendat Ponti-  
ficum decreta, & cō-  
ciliorū deinde san-  
ctorum auctorum  
monumenta, & tan-  
dem omne scripto-  
rum genus quod ad  
formandos mores  
conducit.

*Hoc primum repetas: post hoc tibi prisca loquātur  
Scripta virum, leges aquæ sanctumquæ secuta  
Lumen, & à sacris manantia iura loquelis:  
Virtutum scriptas formas verosquæ colores,  
Et totam pulchri effigiem vnde vnde petitam.  
Multa leges, multa & volues; nā plurima sunt quæ  
Expedi orantem variè didicisse; perennem  
Si cupiat laudem, proprium si expendere curat,  
Ut deceat munus, si publica commoda capter.*

Secundus locus ad  
suadendum utilitas

*At quoniam non una hominum mēs oībus aqua est,  
Non*



*Non eadem visus acies, qua cernere possint  
 Vera bona, atque omnes non in virtutis amorem,  
 Non in pulchra omnes amoto errore feruntur.  
 Sed bona pars falsa specie decepta bonorum  
 Utile preponit pulchris, & commoda laudi,  
 Dicentis studium fuerit coniungere honestis  
 Utilia, & vulgus forma percellere utraque.  
 Interdum coniuncta patent, seriemque bonorum  
 Conseruant, vno deducta ex fonte, suaque  
 Natura fuerint idem: cumque utile honestum  
 In socias abeunt formas, unamque figuram:  
 Hoc mage querendum est, facilis nam constat agenti  
 Suasus, si formam liceat proponere eandem  
 Utilis & pulchri: nemo est qui ferre recuset  
 Pondera, quæ magna captus mercede subiinit.  
 Pulcher honos raros capiat, quos sidera magnos  
 Finxere. At molles animas vulgusque videmus  
 Premia, mercedes operum, quodque utile credat,  
 Viribus hac summis summoque parare labore,  
 Et petere: hinc magnis olim tentata periclis  
 Aequora, & hinc dubiam quæ ostentat bella salutem;  
 Hinc rastros est passa graues, hinc Dædala tellus  
 Defossamque latus, penetrataque viscera quæstæ est  
 A propriis natis, occultum ut redderet aurum,  
 Quæque sinu celata diu sunt munera auaro:  
 Tantum animos viresque mouet spes utilis ausi.*

*Has formas atque hæc rerum momenta parabunt  
 Propositi rebus fines atque exitus ipse:  
 Cætera quæ audentes sociabunt, quæque sequentes.  
 Ipsum etiam se sponte oculis præferre videndum  
 Utile sæpe solet, speciemque parare probandam:  
 Quippe minus diuina gerat primordia, crassum  
 Sit magis, & duros possit pertingere sensus.*

Utile nonnunquam  
 cum honesto con-  
 iunctum est.

Utilitas plures ad  
 se rapit, honestas  
 autem meliores.

Docet multas artes  
 ob utilitatem in-  
 uentas fuisse.

Epiphonema.  
 Utilitatis ratio co-  
 gnoscitur ex fine &  
 euentu rerum age-  
 darum, deinde ex  
 circumstantiis.

Utilitatis ratio no-  
 cior est & vulgo  
 probabilior, quam  
 honestatis.

Nam

*Nam pulchri momenta animis cernenda parantur,  
Quos mage purgatos virtute & munere cali  
Dij faciles, & multa dedit perceptio rerum.*

Tertius in genere  
deliberatio locus  
est facultas videli-  
cet an facile negotiū  
sit an difficile.

*Quod superest ut non possit te fallere suāsus,  
Sed vincat cunctosq; trahat: monstretur ad unguem  
Copia tentandi, facilisque ascensus, ad id quod  
Informare velis: nam quod desperet agendum,  
Audierit frustra quivis, frustra que rogabis.*

Nec solum facilitas  
in rebus agendis pro-  
banda est ab orato-  
re, sed modus offen-  
dendus, quo quid  
facillime fieri possit

*Tandem igitur tu sterne viam, facilemque petit u  
Ostende; atque aditus monstra, queis libera possit  
Turba gradi, nec pertimeat tentare recentes  
Accessus; hortare animos, præcurre sequenteis  
Dicendo, atque refer monstrata exempla priorum:  
Moueri hinc cunctos, nullum vecordia tardum  
Reddiderit, quisquis credat pulcherrima, quisquis  
Vtilia, & facile speret vincenda labore.*

Ut suasio est appetē-  
dorum, ita dissua-  
sio fugiendorum, ea-  
dem autē est vtrius-  
que partis ratio &  
ars, nā dissuademus  
ex oppositis locis.

*Sed quoniam fugienda etiam proponere dictis  
Accidit, atque instans damnumq; malumq; monere:  
Iam nobis monstrata via est, qua auertere possit  
Intentos animos, si scilicet omnia versis  
Depingat formis, & turpe, & inutile dicat,  
Nec facile inuentu, quidquid cupiere; nec artis.*

Haecenus de demō-  
stratio & suasio  
genere, nūc vero de  
iudiciali, ad quod  
potissimum orato-  
ria facultas excogi-  
tata videtur.

*Altera sit ratio, quamuis diuersa probando  
Quam reprobando fuit, præceptis unicus ordo est  
Haecenus, & laudum forma momentaque Pithus.*

Laudat genus iudi-  
ciale, propterea  
quod omnium officio-  
sissimum, utpote  
quod adiuvandos mi-  
seros & alienas iniu-  
rias propulandas  
inuentum sit.

*Tertia nunc restat dicendi & maxima cura:  
Quae; mouetq; agitatq; animos, quae munera iuris  
Sollicitat, cui vita subest, miserumque nocentum  
Supplicium, cui diuitiae, causaeque seuerae,  
Et strepitus undaeque fori, & ciuilia cuncta.*

*Hinc noti celebres quondam dictique patroni:  
Nam laudes suasusq; hominum & communia quae;  
Commoda, vel sese ostentant, facile atque sequentes  
Perdu-*

*Perducunt. dum quisque sibi bene consulit, atque*

*In proprios usus aliena negotia transfert.*

*Ast miseras hominum causas vocésque reorum*

*Pauci suscipiunt, aliena iniuria paucis*

*Fit grauis: ut primum sese extricare malignis*

*Cassibus, aut agili transmittere retia saltu*

*Quisque valet, siluis tutus sese abdidit altis,*

*Securus, deserta ferat quid turba suorum;*

*Seu canibus vexata animam saltusque relinquat,*

*Excipiat ve leues calamos, rabiémque veneni.*

*Usque adeo exigua est pietas, & cura iuuandi.* „

*Hinc quōdam & præcelsi animi, & præclara virorū*

*Pectora in hanc unam studuere impensius artem,*

*Maiores & opes, & maxima pramia quisque*

*Fortunis sociūm duxit, vitæque tuendis.*

*Felices igitur magnæ & præconia famæ*

*Commeriti, & miseras hominum fulcire ruinas,*

*Soli ausi, soli, officium renocare paratum*

*Cedere, feruentes vitisſque relinquere terras.*

*Ergo tibi Gaspar fuerit sanctissima pars hac*

*Dicendi, ut præsens aliena pericula cures:*

*Et causas agites hominum, causasque deorum,*

*Námque etiam se sæpe tibi commendat agendam*

*Relligio, sæpe & dices pro numine Diuūm,*

*Próque fide, próque obsequio, pro legibus altis:*

*Quid melius vita in tota, quid pulchrius usquã est*

*Munere, quod sancti reſerat. penetralia iuris,*

*Quod cum iustitia degit, quódque alma frequentat*

*Templa, quibus sacris colitur clementia votis?*

*Hæc etenim genere hoc fiunt, quod Rhetoris arte* „

*Iudicij formam, seu iudiciale vocamus.* „

*Tendit enim aduersis opponere crimina noxis,*

*Accusare malos mores, facinusque paratum.*

*Pellere,*

Similitudo ex venen-  
tione sumpta.

Quales fuerunt Cl-  
cero, Caro, & alij  
innumeri.

In sacris concioni-  
bus locum esse iu-  
diciali generi.

Ratio nominis qua-  
re iudiciale vocetur  
hoc genus.

*Pellere, & argenteis incendere iudicis iras,  
 Aut contra sedare animos, auertere durum  
 Supplicium, obiectum crimen culpaſque nocenteis  
 Diruere, aut placidis leuiora relinquere dictis.  
 Durus utrinque labor, ſed quem peruincere poſſis,  
 Si capita & rerum formas, ſi pondera primum  
 Concipias, animoſque agites, & partibus ipſis  
 Quas tibi deſcribam, præſtes attentius aurem.*

Repetit commune  
 illud præceptum v-  
 num finem eſſe ſta-  
 tuendum; quæ ſinem  
 Statum vocat Rhe-  
 tores. eſt autem tri-  
 plex, Conſequentialis,  
 Definitiuus, Legiti-  
 mus.

In antiquis auctori-  
 bus enarrandis mi-  
 ram commentato-  
 rum diuerſitatem  
 & repugnantiam  
 accuſat: quod prop-  
 terea accidere in-  
 quit, quod ignora-  
 tur genus cauſæ, ad  
 quod ſingulorum  
 auctorum ſcripta  
 referantur.

Vnum igitur ſtatū  
 in cauſis quærendū  
 eſt.

Partitio ſtatuum.  
 quemadmodū, in-  
 quit, in vnaquaque  
 re triplex eſt quæ-  
 ſtio an ſit res, quid  
 ſit, & qualis ſit: ita  
 triplex ſtatus hiſ  
 quæſtionibus reſpon-  
 dens.

*¶ Nil magis obſcuris opponere lumina cauſis,  
 Aut lucere poteſt, quàm formas noſcere certas,  
 Ad quas præcipuo videatur tendere curſu  
 Propoſita oranti ratio. Namque, unica cauſa  
 Conſtituenda prius ſumma eſt, & quæſtio tantum  
 Unica, cui totus rerum deſeruiat ordo.  
 Quid nam eſt id? nebulas tantas erroris iniqui  
 Conceptas ſenſus dubios, & caca librorum  
 Commenta, & veram nunquam promentia meſſem,  
 Tam vario antiquas vexari interprete chartas,  
 Ut dubites cui nam faueas, cuiusque ſequare  
 Conſilium, interdum deſperes tanta perofuſus?  
 Eſt cauſa neſcire genus, quid quæſtio quæque  
 Poſtulet, inque vnā ſummā non cuncta referre.*

*Vnam nos igitur formam ſtatuiamus agendis,  
 Vnum querendi fundamentum, unde opus vnum  
 Procedat: cunctoſque ſibi compaginet artus.  
 Hic ſtatus eſt. Olim hac uſi ſunt voce priores,  
 Siſtit enim, cauſamque tenet molimine certo.  
 Quem triplici indugredi viſum atque inſiſtere plāta.  
 Qua vocat atque viam demōſtrat quæſtio: namque  
 Querendi triplex ratio, conſtatque petitum  
 Undique, & à nulla reſtat dubitabile parte,  
 Cum triplex exauſta mihi ſit quæſtio. prima eſt,  
 An ſit quod petimus, fuerit ne, aut certa futuri*

*Pignor a*



*Pignora præstiterit. Nam si in non certa vagetur  
Mens hominum, nulla est dicendi, nulla petendi  
Spes frustra impendas studium frustra que laborem;  
Nam tandem inuentis verbis atque undiq; partis  
Nulla subest rerum series & notio nulla.*

*Frigidus hinc sudor fuerat dignusque cachinno  
Cuiusdam, qui dum logicam finxisse Chimeram  
Optaret, totum consumpsit perditus æuū  
Intentus nihilo. Primum ergo queritur an sit.*

„*Hic status est qui prima petit momenta, modòsque  
Coniicit, hinc nomen deduxerat, hincq; tuetur.*

*Alter ex huic varius status est, cum viribus aequis  
Describit, cum præsentī dat nomina causa  
Orator, proprio distinguens limite fines.*

*Occisa conuictus erat genitricis Orestes:*

*Queritur an facinus dicas, & an impius ille  
Iura patrum excidio matris violanda pararit?*

*An ne hominis tantum occisi reus ille notandus?*

*Ille etiam qui totam Asiam temerarius audet*

*Ignibus admotis, Ephesinaq; ledere templa,*

*Crimen habet, dubium sed erit, quo nomine culpam  
Compelles: an sacrilegum, an incendia tantum*

„*Promentem dicas, petit hunc tibi quaestio quid sit.*

„*Diffinitiuo est nomen, nam sine petendum est,*

*Atque notis rerum quod factis indere nomen,*

*Et quam naturam causis ascribere possis.*

*Constiterit forsā factum, natura q; facti,*

*Sed dubium est iniusta nimis, num iusta patranti*

*Mens fuerit, venia dignum ne an vindice pœna.*

*Hæc rota voluenda est, dicenti hæc ultima moles.*

*Tentanda est: nam sæpe solet rem fassis utramque*

*Huic uni neruos intendere, seq; periculis*

*Eruiere: & non facta negat, sed iura profatur:*

C

Indicat

Superuacaneā est  
disputationem de  
rebus quæ neq; fue-  
re, neque sunt, neq;  
futura aliquando  
sunt.

Summa nominis &  
rationis circa hunc  
statum.

Secundus status dif-  
finitiuus, qui rei ra-  
tionem inquit &  
constituit, & nomen  
imponit.

Exemplum. Orestes  
matrem interfecit  
queritur an sit par-  
ticidum, aut homi-  
cidium simplex, an  
paterni sanguinis  
vltio.

Herostatus, vt no-  
men memoria sce-  
leris extenderet, in-  
cendium Diane tē-  
plo nobilissimo  
struxit, ex Solino.

Tertius status legi-  
timus versatur cir-  
ca rerum vel factio-  
rum qualitatē: vt  
cū queritur, ius-  
tum sit an iniustum  
Milois homicidiū.

*Indicat omiſſum officium, iuſtumq; dolorem,  
Intentata ſibi immerito diſcrimina vita.*

Legitimus ſtatus eo  
gnoſcitur ab vili,  
vel inuili: ab exem-  
plo, à ſine.

*Hic ſtatus & facti ſeries comprehenditur, ex quo  
Quaſitum eſt, qualis ſit res, quid inutile portet,  
Vtile quid, quale exemplum qua prima ſequatur.*

De locis coniectu-  
ralis ſtatus ſunt au-  
tem duo, ſimpulſus  
animi ſive volũtas,  
& facultas.

*Prima igitur numerãda patet mihi cauſa duobus  
& Articulis, nec plura mouet coniectior anhelus,  
Dum prudens ſequitur dubij veſtigia facti,*

Animi impulſus  
quib' ſint.

*Primum animi impulſus tentat, quid ſana libido;  
Quid metus, ira nocēs, quid ſpes, aut qd dolor ingēs,  
,, Suaſerit. His etenim quondam concuſſa procellis*

*,, Precipiti fertur curſu, ruit omnia late  
,, Mēs hominum, atq; hinc prima capit momēta pa-  
ſiue petat, captetq; bonum, vel inutile vitet. (trandi*

*Nec diſpar ratio eſt, ſtimulo percuſſus eodem  
Aeſtuat, vt ſimiles animus perſentiat aeſtus  
Dum cupit, aut metuit, dumq; iras concipit, aut dñ*

*Feruet amore graui. gaudet ve, dolet ve, feroci  
Quadrupedi aſſimilis, qui dum per libera campi*

Pulchra ſimilitudo,  
qua animi om-  
niſus affectibus pa-  
ſi er perturbari o-  
tendit.

*Aequora non equitem dorſo, non ore lupata  
Senſit, veſano prateruolat aëra curſu:*

*Tamq; agitur Boream verſus ſeptemq; triones,  
Sive ortus ſpectet Solis, Zephyrum ve, Notum ve,*

*Quàm ſi tranſuerſo curſu fallentia ſemper  
Atque obliqua nimis ponat veſtigia: demens  
Circum agitur, demens decurrit tramite recto.*

Facultas alter locus  
qui ex circũſtantis  
cognoſcitur.

*Nec ſatis eſſe poteſt ſolum coniecta voluntas:  
Quare & agentis opes, & vires diſcute cunctas,  
Quid poſſit, quid non poſſit, quid tela, quid arma  
Preſtiterint, quid diuitia, quod praſtet amicus  
Auxilium, loca cuncta nota, nec temporis horas  
Negligito, hæc numerãda tibi, & repetēda docemus,  
Quis, quid, vbi, quib' auxiliis, cur, quomodo, quādo.*

Circumſtantiarum  
ſumma.

Sape

*Sape fidem inuertit, fecitq; ostensa facultas.  
 Signa petas, numeresq; modos, & pondera cuncta  
 Obserues; nam quæ cumulum fecere minorem  
 Singula, iuncta simul maiorem crescere molem  
 Iussere, & vires paulatim acquirere magnas.  
 Hoc mentis solertis opus: disquirere signa,  
 Et deprensa simul iustis expendere libris.  
 Nam testes, nam verba hominis suæ gesta professi,  
 Et tabula, extortum dictum verumq; coactum,  
 Ceteraq; à simili ducta argumenta periclo,  
 Adduxisse sat est: ipsa hæc se ostendere possunt,  
 Arte carent, non hæc rhetor sua munera dicet:  
 Ast aliis accepta refert, seu testibus ipsis,  
 Siue reo, siue auctori seu denique vulgo.  
 Plurima præcipiunt legum iurisq; periti  
 De signis, quæ visa prius precedere factum,  
 Quæq; simul comitemq; operam auxiliumq; tulere,  
 Et quæ mox opus exhaustum factumq; secuta.  
 Consulit Orator leges, legumq; magistros:  
 Hinc bona dicendo pars, hinc prudentia rerum,  
 Hinc petitur multis iustiq; æquiq; figura.*

*Quod si non ullis potuere latentius umbris  
 Facta hominum abscondi, tandè deprensa pateſcunt:  
 Tunc petitur nomen causæ, atque examine multo  
 Quas subeat legum species, quæ iura reposcat  
 Discutitur. Multum refert quo nomine quæque  
 Facta voces, num sacrilegus, num fur tibi fiat,  
 Qui pateras diuinum sacras atque aurea vasa  
 Aurificis rapuisse fuit conuictus ab arca.  
 Aut non rapta neget, sed furti auertere nomen  
 Conetur: nam dum patriæ, dum consulit urbi,  
 Dumq; parat magnis deuincere sumptibus hostes,  
 Commodiora capit, nec mens intentâ nocendo est.*

Hæcenus de argu-  
 mentis artificiali-  
 bus. nunc verò bre-  
 uiter de argumentis  
 quæ vocantur inar-  
 tificialia: qualia sũt,  
 testes, confessio, ta-  
 bulæ, tormenta.

Hæc argumenta nõ  
 inueniuntur ab O-  
 ratore, sed petuntur.

In iuris disciplina  
 de signis antecede-  
 ntibus, concomitan-  
 tibus & sequentibus  
 factum, multa præ-  
 cipiuntur.

Laudat iuris præ-  
 dentiam.

De locis ad diffini-  
 tionem statum per-  
 tinentibus.

Difficilem esse rationem nominum impouendorum.

*Non cuius facile est componere nomina rebus  
Ut cupiat: voluisse prius molimina oportet.  
Multa, quibus ve leuet factum, vel deprimat, atq;  
Conceptas animis species, & pondera causa  
Inuertat, minuatq; aliamq; referre figuram  
Iudicis ante oculos cogat, diuersa putantis.  
Fit tandem leuior nonnunquam infamia facti,  
Aut grauior (namq; eiusdem sunt munera utrinq;  
Artificis) yisdemq; locis depromitur apta  
Materies, eadem mouet instrumenta sciens, dum  
Diruit, adificatq;: & nec fit ars secus vlla.  
Disce igitur rerum fines describere primum,  
Exactas species, generisq; expendito formas,  
Officia inquiras rerum, & quae semper adherent.  
Hinc propria dabis rerum discrimina: namq;  
Prima, olim visus, rem constituentia, nostros  
Effugere: genus patuit, tamen horrida nox iam  
Occuluit veras formas, ac furtim Prometei  
Inuidit, sacras conata extinguere flammās:  
Exigua illius tantum momenta caloris,  
Sed nimium tractanda animis nimiumq; fouenda  
Continuit natura hominum, dum plurima cautus  
Colligit officia, atq; usus, monumentaq; rerum  
Observat, motusq; & contingentia cuncta.  
Hinc capit Orator formas, operumq; colores  
Depingit, res hinc describit imagine cunctas.  
Tunc grauiora potes leuiores ve nomina factis  
Indere, cum fines apte descripseris ipsos;  
Sin minus obtineas, aduersas consule leges,  
Quae certare sibi, quae non constare videntur:  
Arripias prodesse tibi quas credis agenti,  
Hasq; probes, toto & firmes conamine, iura  
Ostendas, quae sit ratio, quae causa ferendi.*

Primus locus ad cōstituendum nomen causae, est definitio, quae vel ex genere & differentia cōstat, vel ex genere & proprio, vel ex genere & accidentibus. Propriæ rerum differentiae desiderantur ab eruditis; ideoque pro differentia accidentibus vtuntur in definiendo.

Discendi difficultatem ostendit, quantoque studio & labore eruditio pareatur.

Proximus definitioni locus est Legū cōsultatio, in quibus nomina rebus imposita sunt, & per quas omnis dirimitur cōtrouersia. In iis autem legibus ea pars eligenda est, quae nobis magis faueat.



*Iamq̄, aliis alias præfer, sacrasq̄, prophanis  
 Præficies, ut quaque sui maiora tenebit  
 Principia aut fines, assertor, pone, probaq̄,  
 Maxima diuinis cedat, reuerentia chartis:  
 Nam Dens humanumq̄, genus miseratus, & alta  
 Vulnera tartareos nobis inflicta per hostes,  
 Unde tot erroris nebula mortalibus agris  
 Exortæ, intonuit Sineis in montibus; atque  
 Dum populis fulgur trepidis, dum flamma coruscans  
 Buccinaq̄, ex alto discidens aëra Ohympo  
 Dant signum venisse Deum, pauidumq̄, timorem,  
 Pectoribus populi incutiunt, vox clara Tonantis  
 Humanas aures tentat: diuinaq̄, vulgus  
 Verba omnis capiunt toto resonantia calo.  
 Tuncq̄, iter angustum virtutis, & ardua pulchri  
 Atque æqui iustiq̄, homines elementa docentur  
 Mox digitis insculpta Dei, renouataq̄, rursus  
 Saxa legunt, primas penitus refrenantia voces.  
 Paulatim leges cunctas formasq̄, decori  
 Accipiunt, monitusq̄, Dei iam plenius audit  
 Turba pauens, donec iam iusta volumina iamq̄,  
 Accipit exactas leges, atque integra recti  
 Pondera non ullis adiuncta minuta uē membris.  
 Has igitur primum leges, diuinaq̄, verba hac  
 Consule, dicenti magna adiumenta futura.  
 Non tantum Sol ipse iubar, non tantaq̄, terris,  
 Hibernas postquam nubes tenebrasq̄, fugauit,  
 Lumina dat, victorq̄, redit, fascesq̄, videtur  
 Congeminare suas orbi, totusq̄, fouetur  
 Mundus, opesq̄, nouas & semina concipit alma,  
 Et varios fructus, pulchra & spectacula siluæ  
 Accidunt, diuitiasq̄, suas natura ministrat;  
 Quantum dant lucis, diuinaq̄, verba caloris*

Legum ordo est, ve-  
 sacra profanis præ-  
 ferantur ab Orato-  
 re; & quæ minorem  
 rationem in huma-  
 nis legibus ostendunt,  
 ex cedant aliis  
 potioribus.  
 Diuinæ legis dig-  
 nitas.

Lex diuina prius vo-  
 ce è cælo personata  
 est, & à populo au-  
 dita; postea verò in  
 lapideis tabulis ad  
 legendum proposi-  
 ta: deinde cæteræ  
 leges & statuta in  
 voluminibus per  
 Moysen scripta.

*Mentibus humanis præstant, tristesq; tenebras  
Excutiunt animis, multum & torpentia tentant.  
Pectora, præstantes vires virtutis & ampla  
Ornamenta parant, alia & procedere vita  
Et diuina palam momenta ostendere cogunt;  
Sine docere velis socios, seu carpere mores  
Et peccata hominum, seu quidquid denique cures.*

Aliarum legū laus.

*Sunt etiam leges alie pietate colende,  
Iura, magistratusque omnes, & quidquid ab æquo  
Ducitur, & pacem & communia cōmoda adornat.  
Hæc ut quaque locum fuerint sortita priorem,  
Sic primum venerare pius, sic consule primum,  
Pontificum monitus sacros, decretaque sancta,  
Diuinis quæ sunt manantia & eruta verbis,  
Atque agitata viris doctis fama que verendis:*

Concilia, Canones,  
& sanctorū decreta.

Ciuitia iurā antiqua  
& noua.

*Hæc nos humanis alijs præponimus, hisque  
Parendum est, nec fas quemquam contēdere contra.  
Proxima sunt prisca leges, & publica iura  
Imperij, & legum tabula, quas nulla tyrannis  
Infamet, quas nulla ferat violentia, quasque  
Indignum ratione boni nil constet habere.*

Chirographa & te-  
stamenta & cetera  
quæ in quibusdam  
causis pro legibus  
habentur.

*Succedunt priuata hominum iam dicta, tabella,  
Testamenta simul, & quæ sententia sedit  
Mandanti, seu leganti quando ultima dixit  
Verba, vel impleuit ceras, aut annuit ultro  
Non sine teste aliquid; non pauca negocia sunt hinc.  
Magna hinc dicendo pugna, ac ingentia oborta  
Prælia nonnunquam fuerint, dum plurima legum  
Congeries, quarum videas contraria sensa,  
Atque alijs alias certare & sistere contra.  
Quid facias, aut quo studio componere lites  
Inter tam multa hæc legum discrimina possis?  
Aut saltem si non possis sedare rebelles,*

De concordia legū,  
quæ inter se pugna-  
re videntur, optimū  
documentum.

*Inque*



Inq, unum oppositas trahere & perducere sensum,  
 Cui nam te addicas parti, cuiusq, sequare  
 Signa? pares ne fugam, desperatusq, salutis  
 Deficias, nec te ingenium, nec sistere mentis  
 Robur, & ipsa queant repetita exempla priorum?  
 Difficile hoc multum est, dura & molimina multis  
 Ostentat, terretq, animos. Tamen accipe Gaspar,  
 Qua ratione queas pervincere, & omnia legum  
 Conciliare animo prudens discrimina. Primum  
 Hoc statuas, si quæ leges si iura vocentur,  
 Et tali quæcumque petant se nomine dici  
 Immeritò tales titulos prætere, quamvis  
 Auctores iactentq, suos, responsaq, regum  
 Atque ducum, sapientis opus, vocesq, potentum  
 Se dicant, quæcumque sui primordia iactent;  
 Si tamen à iusto discedunt, pondera recti  
 Abijciunt, rationis opusq, viamq, relinquunt.  
 Si quid personis tribuunt, priuatq, tantum  
 Commoda, & affectus, priuatq, sensa sequuntur.  
 „Namq, una est recti facies, simplexq, figura  
 „Nescia mutari, flecti quoque nescia, cunctos  
 „Conditione pari tractans, nec regibus illa  
 „Cedere, nec minimos didicit pessumdare, namq,  
 „Ianua virtutis simplex, hac excipit omnes,  
 „Quotquot sanctæ deæ penetrare sacraria curant:  
 „Cervices flexisse decet, cui contigit altum  
 „Corpus, & exiguos nullas attollere cristas.  
 „Impinget pariter pariterq, offendet uterque.  
 Hæc iusti mensura patens, hæc ianua recti est.  
 „Nemo nocens fiat, nemoque iniurius, atque  
 „Emeritis nemo fraudetur partibus, ultra hoc  
 Quidquid erit, dānum atq; dolus, violētia, fraus est.  
 Non viuit, corrupta iacet, tetrumq, remittit

Premonet rationē  
 in legibus inueni-  
 gandam esse, in ci-  
 uilibus namque le-  
 gibus non ad au-  
 ctorem, sed ad ra-  
 tionem est respi-  
 ciendum.

Omnium legum  
 virtutem in æqui-  
 tate consistere.

Totius æquitatis &  
 iuris summa.

*Fatorem ratione carens lex, ipsa quæ sese  
Indignamq; coli damnat, sese abiicit ipsa.*

Si ergo, inquit, leges iniquæ sint, abiciendæ Oratori sunt.

*Has igitur iuxta leges quæ pondera iusti  
Deservere, nihil Gaspar tu sollicitus sis,  
Abiice quamprimum, & prorsus contene loquendo,  
Absurdi tantum species, & quidquid iniquum  
Contineant, dicto ostende: & propone videndum;  
Explosu dignas conclama, atque auribus illis  
Insensas, quas tu iustas, quas credis & equas.*

Nulla legum contrarias circa iustū & iniustum esse debet.

*Vt facinus lex una probeat, quodq; improbat omne  
Iudicium, penitusq; agitant, qui mente valere  
Qui ratione queunt, fieri qui posse putandum est?  
Vt merito virtutis opus lex fraudeat honore,  
Hoc ubi contingat, nisi cū iustum exulat ipsum?*

Omnem legum contrarietatem circa circumstantias quædam esse quibus circumstantiis explicatus omnis controuersia componitur.

*Sunt tamen interdum legum discrimina parua,  
Quas facili sedare manu tibi constet, & ipse  
Conciliant sese certi seruamine pacti;  
Nec verū tamen atque decēs parte vlla relinquunt;  
Vt nocuos lex una iubet punire, minatur  
Supplicium, quicumque hominem confecit, & alma  
Priuauiuit vita, tenebrasq; subire coegit.*

Exemplo remaperit.

*Altera non nocuis parcat, nec crimina curat  
Libera grassari impunè: sed crimine purgat  
Illum, qui patriæ propter propriam ve salutem,  
Dum sibi, dum socijsq; necem, certumq; periculum  
Sentit adesse, suos fortis, seq; eximit, atque  
Fortunam tentare parat, non altera vita  
Spes patet, atque fuga, nisi quam sibi fecerit ense.  
Aut pœna leuiore tamen lex altera fontem  
Afficit, ut tempus ratioq; ut postulat, etas;  
Iudicio si quis valeat, si lumina mentis  
Non extincta tenet, potis est componere tales  
Inter se legum lites, lucemq; videre*

*Quam*

*Quam præfert quacumque sibi, si tempora seruet,  
 Si factiq; modos, viresq;, humanaq; cuncta,  
 Quacumq; & variare solent res, censaq; rerum.  
 Obscurumq; quod una tulit lex, altera pandit,  
 Ultrices aliæ nimium, nimiumq; seueræ:  
 Aequior ast alia visa est, & mitior esse.  
 „Una omnes ratio sola quoque temperet: una  
 „Lux iusti ratio est, rationem agnoscimus unam,  
 Iustitiæq; ducem eximiam, legumq; parentem.  
 Sed diuina tamen lex non ulla indiget unquam  
 Humanæ rationis ope: at sola illa gubernat  
 Res hominum, cæliq; agnoscit libera numen,  
 Et lucem tantam secum tantumq; referre  
 Fulgorem solet, interdum præstinguat ut omnes  
 Mortales oculos, & nostræ lumina mentis  
 Tam superet, quàm diuinis humana minora  
 Esse solent: nonnunquam autem se attemperat ipsa  
 Captibus humanis facilis, lumenq; videndum,  
 Et species dat clara suas, non rarius altum  
 Euolat, & nubes transcendit, & æthera magnum,  
 Et caput & diuinam faciem trans sidera condit:  
 Quo quicumque sue sisus molimine mentis,  
 Vel solam tentare viam contendat, in alias  
 Precipiti casu tenebras miser excidet, atque  
 Insani Phaëthontis aget miserabile finus.  
 „Dum quicquam lex ergo iubet diuina, nefas est  
 „Si ratio humana id non approbet, hiscere contra.  
 „Namq; satis dixisse Deum fuit, ulterius nil.  
 Tu studium curamq; adhibe, numenq; precare,  
 Obscurus ut te sensus obscuraq; verba,  
 Atque viam veri doceat: solet esse benignus  
 Querenti facilisque Deus, ducitq; sequentes,  
 Illustratq; animos, reseratq; arcana docendo.*

Repetit id quod dixerat, rationem legum condendarum inspiciendam esse, à quo tamen documento diuina lege excipiuntur, in quibus non sen per ratio, sed conditoris auctoritas semper expectatur.

In obscuris diuinorum rerum mysticis non oportere ingenium experiri, sed supplicibus votis à Deo intelligentiam petendam.

*Discipulos facit ipse suos, qui mente valere  
Iudicioque solent tantum, tantumque disertis  
Vocibus erudiunt homines populosque pauentes,  
Ut cadat stupefacta hominum sapientia, sequē  
Miretur victam, atque Dei iam numina noscat.  
Hoc iter ingressus, diuino hoc lumine doctus*

Sacrarum scriptu-  
rarum interpretan-  
di optima ratio, &  
ex aliis locis alia e-  
narrentur.

Hactenus de legi-  
bus diuiniis.

*Iam poteris monstrare Dei responsa, magisque  
Obscurum hoc magis hoc claro componere dicta,  
Et conferre simul; populosque docere probando.  
Cetera non raro ambiguum proponere sensum  
Verba solent, legesque hominum penitusque legentē  
Incertum dubiumque tenent, ut utramque probare  
Non possit dubij faciem, sed & alterius non  
Audeat, inque pari timet inconstantia lance.*

In humanis legibus  
interpretandis sen-  
sus communis con-  
sulendus, & sermo-  
nis ratio, & confi-  
miles leges, aut pe-  
ritorum interpreta-  
tiones, & artium circa  
quas leges versan-  
tur, notitia.

*Iudiciis adsit sensus communis in illis,  
Et ratio, & vocum species, sermonis & usus,  
Multaque dicta virum similem referentia sensus,  
Quem tu concedas; legumque iuuantia verba  
Artibus ex ipsis non unquam dispicitur vis,  
Ut quod in arte decens magis est, illud melius sit.  
Multum etiam Logice partes hic saepe tulerunt  
Auxilium, si quis causas finesque peritus  
Excutiat, quid diuinet, quid suggerat ipse  
Euentus, sic ambiguum constare videmus.*

Dialecticæ partes  
multum valere ad  
legum interpreta-  
tionem, videlicet  
diffinitionis & cau-  
sarum excussio, de-  
inde euentus quibus  
expectari possit.

*Est aliud rationis opus, quod & indiget alto  
Discursu & mente, hunc tantum prudentia ducit.  
Sepe noua occurrunt referenda negotia nobis,  
Quorum non vlla est lex, & quæ nulla notarunt  
Innumeris contenta libris ciuilia iura:*

Causas quæ nullis  
legibus continentur,  
ad proportionem  
similium causarum  
iudicandas esse dicit

*Nec veterum aut exempla virū monumētāq; nulla,  
Hæc ego consultus propria in ditione locabo.*

*Nil etenim esse nouum credendum est, atq; recēs nil,  
Usque adeo, ut veniens in nostram denique mentem*

*Proti-*



*Protinus exclusum cedat, nec iuris in vlla  
Parte locum teneat, neque porrò conueniens sit,  
Nec cuicquam legi affine id, sed & exulet ergo;  
Dequē ipso nil iudicio statuatur in vlllo.*

*Quin potius multa inueniet cognata recens quod  
Adueniet, multa id socium petet actio, multa  
Asciscunt leges, permittunt partibus iisdem  
Iudiciisque frui, sedemque locumque parabunt,  
Si modò non desit sapientia, si modò rectum  
Consilium cura, & si non industria cesset.*

*Vt si quis noctu expoliet, mediamque per urbem  
Non tutos sinat ire homines, aggressus ut hostis  
Incautos feriat meritos nil, nilque timentes,  
Hoc facinus lex nulla notat, sed iuris in ipso  
Limite clauduntur leges, quibus esse propinqua  
Pœna queat scelus audenti, & quæ pondera præstent  
Et trutinas, quibus id facinus dignoscere possis.*

*Nocturnos etenim fures lex una coercet,  
Et damnat: grassatores, fauosque latrones,  
Per quos non possit securus abire viator,  
Ius aliud punit; medium tenuere locum, qui  
Porticibus mediis urbis vel compita propter  
Aggressi expoliant clamantes vel pueros, vel  
Imbelles quoscunque videbant, inque paratos.  
Hanc veteres partem multum rationis habentem &  
Iudicii, rationis opus munusque vocabant.*

*Est locus vnus adhuc quo possis tutior esse,  
Si petis hunc cantus, semel hunc si doctus adibis,  
Ingressusque semel contendas fortius inde  
Non facile euelli, sed prouidus ostia serues,  
Nec patiare aliquem tecum descendere, solus  
Obtineas, nulli cedas, non testibus ipsis,  
Iudicibus, delatori, non temporis horis:*

Exemplum causæ  
antiquis legibus  
non contentæ.

Hæc pars & locus  
diffinitiuus status, ra-  
tio cinatio dicitur.

Translatio criminis  
alius huius status lo-  
cus is est, quo crimi-  
na fugimus, & iudi-  
cium quacunque ra-  
tione vitamus.

*Omnia*

Omnia contendas disbellere protinus abs te.  
 Ut melius quid agam cognoscas discito nomen,  
 Hic locus est patribus quondam Translatio dictus,  
 Expressam signante nota vim & pondera facti.  
 Nam quoties aliena cupit tentare loquendo  
 Orator, nec rem tractat, nec iura, nec ullas  
 Criminis aut causæ partes, sed transilit ipsum  
 Iudicium, & tensis laqueis elabitur, illuc  
 Tendit, ut obiecta effugiat discrimina prudens,  
 Ut si te index compellat dicere causam,  
 Obijcias quicquam quod causam & temporalis  
 Excipiat, seu quòd tali non iudice, seu quòd  
 Tempore non sacro fas sit te dicere, sine  
 Quòd tibi legitimus non aduersarius astat.  
 Aetatem vel proponas, vel tu ordinis atque  
 Fortuna seriem diuersam, denique quiduis  
 Cantus agas potius, quàm quod cogaris agendum,  
 Causidicis notus locus hic & saepe petitus.  
 Arte parant causæ vitare pericula: nam dum  
 Iudicia & lites cessant, causaquæ trabuntur,  
 „Permutat fortuna vices, atque exitus omni  
 „Tempore, non unus rebus contingit eisdem:  
 Interdum cessare solet dum tadia vitat  
 Delator, index nonnunquam vertitur, ipsa  
 Temporaquæ abscondunt causas, & fœdera partes  
 Interea & feriere, solent fregisse cathenas,  
 Compedibusquæ rei elapsi custode remoto  
 Per tenebras, & per siluas, perquæ inuia gratam  
 Querere præcipites vultu fallente salutem.  
 „Longa dies nihil est quod non promittit, & illa  
 „Non nihil exequitur promissorum. Ergo petitus  
 Ut causam dicas, transferto, atque excipe, quantum  
 Ipse queas, testes, prætorem, & cætera, si non

Translationis com-  
 moda exponit.

Transf-

*Transſtuleris, ſaltem quantumvis tempora differ.  
Hac tibi pauca quidem atque breui compēdia curſu  
Sint peragrata, quibus facile argumenta locorum  
Venari in cauſas quaſcunque, & ducere poſſis.*

De locis communi-  
bus diſputatio.

*Nunc autem egreſſo hos fines patet exitus amplam  
In ſiluaſque denſis plantis multiſque virentem  
Arboribus, nec prata tibi, nec florida deſunt  
Paſcua, non liquidi fontes, non flumina magnis  
Gurgitibus, placido & labentes murmure riui.  
Hic tu quid cupias, quid captes, elige: nam ſunt  
Plurima quæ occurrant paſſim, nec plenior ullus  
Eſſe locus quocumque poteſt, venatio multa  
Se dabit ante oculos, adeo ut te fortè morentur.*

In locis communi-  
bus prudenti ele-  
ctione opus eſt.

*„Hæc loca ſunt noſtris communia dicta magiſtris:  
Dicenti immenſum pelagus fuit, omnibus ingens  
Materies, nunquamque ullis exauſta loquendo  
Ingeniis, campus numquam intentatus agenti.  
Nam poſtquam in propriis luſtris ſunt cōmoda rebus  
Eruta præſcriptis, tunc quid communis ad hæc res  
Silua ferat, quod coniungi, quod non alienum  
Eſſe queat, penitus querunt: atque inde petitas  
Adiiciunt & opes rerum, iocundaque verba.*

Adhibentur loci co-  
munes ad proprio-  
rum locorum illu-  
ſtrationem, ad res  
amplificandas.

*Vt ſi Socraticæ menti ſuadere ferendam  
Eſſe cupis mortem, populus quam durus & ipſe  
Discipulus tentat, corruptus & arbitet. Hic tu  
Non ſatis eſſe putes oſtendere, quæ modò ſoli  
Apta viro huic fuerint, fugienda ut tædia vitæ  
Tam longæ, haud ciues tales taleſque ferendos  
Discipulos, indigna viris hæc tempora ſanctis  
Aſpernanda; Dei conſortia nempe petenda  
Artificis mundi & cæli quo cuncta tenentur,  
Qui res humanas curat, qui præmia iuſtis  
Seruat, in iniuſtos molitur fulmen, & iras*

Exemplo res illu-  
ſtratur.

Con-

Concipit, at differt. sed nil tamen effugit altum  
 Consilium, & certas leges quibus omnia tractat,  
 Pro quo se vinculis ultro dat, proque tuenda  
 Religione gravis pedibus non vincula ferri  
 Extimuit, quare timeat de carcere solui?  
 Non satis hoc quod personam conducit ad ipsam  
 Dicere, sed quadam communia saepe cientur,  
 Utque hominum vita hac tam multis plena querelis,  
 Plena malis, ubi tanta oculos inscitia veri  
 Obtenebrat, sed mors natura munus honestum est,  
 Qua miseram claudit vitam, finitque dolores,  
 Quaeque animum soluat vinculis, & carcere lapsum  
 In superum sedes cognataque sidera mittat;  
 Ut diuinarum concepta obliuia rerum  
 Exuat, atque sciat penitus quod nouerat ante:  
 Iamque sophis non esse nouum, nimiumve timendum  
 Velle mori, cum toto aeu conetur id unum  
 Viuenti gratam meditari in corpore mortem.  
 A propriis igitur sic te ad communia transfer  
 Interdum, quoniam vincendi multa patebunt  
 Argumenta locis communibus, atque decori  
 Non modicam hinc sumes partem, tum longior ut sit  
 Dicendi ratio, seseque extendat & arctis  
 Respiret deducta locis, sed & utile multum  
 Hinc capiunt populi sermones, atque theatrum  
 Plurima saepe capit rerum documenta suarum.  
 Namque obiter vel cura domus, sanctaeque docentur  
 Coniugij lex atque fides, seruandaque magna  
 Foedera amicitiae, iam de virtutibus altis  
 Fit sermo, iam quae curet prudentia mundum,  
 Atque regat, populus de religione loquentem  
 Audit, & in superos animumque & pectora flectit;  
 Denique ieiuna est sterilisque oratio, si non

Alludit ad illud, Phi-  
 losophiam esse mor-  
 tis meditationem.

Locorum commu-  
 nium utilitates.

Theatrum, pro con-  
 cionum siue oratio-  
 num auditoribus  
 hic usurpatur.

Communi-



*Communi è silua quicquam affert: reddere doctum  
 Imprimis gratumque potest hac cura loquentem.  
 Illa etiam iucunda solet ratio altera nostris  
 In verbis esse, exhilarans conuiuia dulci  
 Gustu, conuiuas magno inuauit illa lepore.  
 Cum quis multa tenet sapientum dicta, sua quæ  
 Vel grauitate mouent, incundo vel sale mordent;  
 Vel veteri arrident sonitu, structu quoque præstant,  
 Atque hæc ceu gemmas seu puro sidera calo  
 Collocat interdum, penitusque decetia fingit;  
 Hanc partem variis auctoribus elige, at illam  
 Quæ loca præscribit communia, poscimus omni  
 Ex usu doctrinarum rerumque corona.  
 Nulla etenim res esse potest, ars nulla docetur,  
 Quæ mentem fugiatque viri fallatque disertum,  
 Cuncta videt, cuncta & discit, tentatque rogatque  
 Omnia, qui famam cupit Oratoris & optat,  
 Ac studio assiduo præstans vigilique labore  
 Dispicit hos saltem fines, quos quaque tuetur  
 Ars, & quam rerum partem sibi vendicet illa.  
 Ast ego iudicium eximium hic impensius optem,  
 Ingentem censendi usumque, locosque legendi,  
 Quisquis erit, qui dicendo communia transfert  
 Præsentem in rerum structuram, qui noua miscet  
 Cum veteri iam argumento, & iam sapius actio:  
 Namque ut iucundum interdum miscere recenti  
 Cum causa commune genus, sic sæpe molestum est,  
 Sapius & stomachum mouet, & fastidia gignit,  
 Ni ratio multum atque diu perpendat, ab omni  
 Communi silua quid nunc producere, quid non  
 Tentari deceat, quibus illud dicere opus sit  
 Vocibus, ut saltem dispar sit forma loquendi,  
 Et placido deducta modo permulceat aures,*

Præceptum de sen-  
 tentiis aliorum au-  
 ctorum inferendis.

Ad sententiis com-  
 parandas multi au-  
 ctore legendi sunt,  
 ad locos commune  
 multarum rerum  
 perina opus est.  
 Non esse negatum  
 hominibus multa  
 cognoscere.

Nō exigitur ab ora-  
 tore exacta omniū  
 artium peritia; sed  
 quædam earum co-  
 gnitio tantum, quæ  
 scilicet sit artium  
 finis, quod subiectū,  
 quæ ratio.

Maximum iudiciū  
 adhibendum ad ac-  
 commodandos lo-  
 cos communes.

*Multa mihi occurrunt in silua, paucaque prudens  
Eligo, multa adeò prateruolo, multaquē linquo,  
Ne cumulata graui multarum pondere rerum  
Protinus impedian animum dicentis, & ipse  
Mole miser nimia procumbat; & excussuros  
Omnes, quisquis adest, obtundat, & impete ladat.*

De elocutione, quæ  
propria huius artis  
pars est, nam inuen-  
tio ad dialcticam  
pertinet, dispositio  
etiam memoria na-  
turæ maximè acce-  
pta tribuitur. t. locu-  
tionis nō omnē par-  
tem hic tractat, sed  
eam quæ affectibus  
seruit, qui affectus  
vel ex gestu & pro-  
nuntiatione mouē-  
tur, vel ex verbis ip-  
sis hoc in loco de  
affectibus qui ex  
verbis ducuntur  
disputat.

Elocutionis virtus.

*Restat ut hanc doceā partē, quæ Rhetoris vsum  
Nomine precipuo sibi vendicat, unaquē sese  
Rhetorices finem nunquam progressa fatetur:  
Hic sua regna tenet, nulli seruire coacta,  
Præterquam propriæ qua gaudet nata parenti,  
Scilicet huic arti. Nonnullis cætera forsân  
Artibus annumeres, alijsquē accepta referre  
Sæpe queas, ast hanc formam non ulla parabit  
Ars, alibi numquam inuenias, sed maximus usus  
Est huius, totam solet hæc peruincere causam,  
Sapientius & magni moderari frena theatri.  
Est autem (tandem ut noris quo tendimus) est hæc  
Pars ea quæ mentem turbat spectantis, & ipsum  
Pellicit in nostrum studium qua sæpe mouetur.  
Præcipiti cûrsu atque gradu trepidante voluntas,  
Ac sociæ rationis opemquē aciesquē relinquit  
Transfuga, & aduersos non raro fertur ad hostes,  
Affectus mouet illa omnes, turbatquē quietem  
Mentis, & in quamuis potis est propellere partem.  
Utitur officio duplici hæc, loca bina frequentat,  
Ut faciat, quodcunque parat; namquē occupat ipsum  
Dicentem, atque suo versat pro iure loquentem,  
Et faciem, & vultus fingit, vocemquē sonoram  
Temperat, ut morē in similem trahat, usq; theatrū.  
Præterea in totis verbis dicentis, & omni  
In sermone sedet pars hæc, sesequē videndam  
Exhibet, atq; animos inde expugnatquē trahitquē:*

*Iam-*

*Iamq̄, alibi dicam quo vultu formet agentem,  
 Quoq̄ue sono, quali & gestu, nunc accipe paucis,  
 Qua ratione ipsum sermonem temperet, ut sic.  
 Instructos Oratores victricibus armis  
 Producat, donetq̄ue sacram meruisse coronam.  
 Non solum narranda tibi sunt gesta sonoris  
 Vocibus & propriis, & quas res postulat ipsa:  
 Ast è communi quam diximus ante locorum  
 Congerie tragicas voces, & magna parabis  
 Nomina, quæ stupidis immittant auribus ignem,  
 Frigidâq̄, incendant paulatim pectora, donec  
 Aestuuet, impatiensq̄, tremat, nec murmure paruo  
 Obstrepat, atque tuis videatur cedere votis  
 Turba omnis: Tu quàm possis dic maxima verba,  
 Quæ furias, iram moueant, sedent ve dolorem,  
 Vel pietate animos tentent, miserandaq̄, pones,  
 Vel quæ ex natura, vel sorte vocabula constant:  
 Qualia sunt, praeceptoris, sanctiq̄, parentis;  
 Qualia sunt nati, sponsi, fraterq̄, sororq̄,  
 Templaq̄, sacra Deum, violatæ numinis ara,  
 Diuinas iras, contemptaq̄, fulmina, calum  
 Insensum, terras pollutas: amplius illud  
 Esse solet, quoties ipsum depingimus in quem  
 Dicimus, aut pro quo & viam proponere formam  
 Ante oculos populi aut pratoris nouimus aptè,  
 Ut scui imprimis mores, natura, rapaxq̄  
 Deformi vultu monstrum, nec voce modesta  
 Non hominis quicquam, nisi vox bipedisq̄, figura est:  
 Has igitur voces queres; proprioq̄, locabis  
 Tempore, ut affectus incendas, cordaq̄, pulses.  
 Sed mea nunc tristi torquentur viscera luctu,  
 Et subito lachrymæ exundant, suspiria pectus  
 Ecce cient, penitusq̄, artus tremor occupat omnes.*

Differt disputationē  
 de affectibus quæ  
 ex gestu ducuntur  
 in alium locum.

Ad affectus mouen-  
 dos maximam opē  
 conferre locos com-  
 munes.

Magnis verbis &  
 grauiusinis ad rem  
 tamen accommo-  
 datis est utendum.

Parecbasis qua su-  
 bito nuncio turba-  
 tus Poëta, Ludouici  
 Cathenæ Complu-  
 rensis cancellarij  
 obitum deflet; qui  
 in Almerix Episco-  
 pum fuerat electus.

*Ad solitos mea Musa elegos miserabile carmen  
Prouocat, infelix venit modò nuncius. Ergo,  
Ergo erit, ut quantum vitæ mihi fata pararint;  
Luctibus impendam miseris! nulla hora dolori  
Non vacet! atque nouis veteres iungantur, & omni  
Tempore lugubres fundam tristesq<sub>3</sub> querelas!  
Non satis ô superi sanctos condisse parentes  
Sanguinis & chari tantum, tantum sociorum?  
Non & amicorum tanta caruisse corona?  
Non satis hoc? etiam ne meum rapuisse Cathenam  
Defuit? heu cali facinus, proh crimina sæua!  
Viuere quis tantum meruit? cui fila sororum  
Candidiora trahi decuit maioraq<sub>3</sub> semper?  
Quem vidit nostro meliorem tempore totum  
Hispanumve genus, doctorum aut Gallia nutritrix?  
Quemve magis stupuere virū, seu carmina pulchra  
Condisset, quæcumque modis, siue ore sonasset  
Liberiore, viris quoties insignia doctis,  
Et virides lauros donaret, quem magis acrem  
Spectasti, quando certamen inire pararet,  
O mea Complutum? siue hic mysteria magna  
Natura, rerum causas tractaret, & alta  
Principia, & fines mundi, seu sacra Deorum  
Numina, & arcanis quæcumque latentia libris,  
Tradidit à superis demissus spiritus oris.  
Siue pias leges, & Patrum scita piorum;  
Nemo fuit nostro magis admirabilis æuo,  
Nemo suis facilis magis, aut incundior usquam,  
Charior & nobis nemo: sperauimus illo  
Preside, barbariem fœdam, stupidosq<sub>3</sub> sophistas,  
Fimibus è nostris cessuros, nostraq<sub>3</sub> regna  
Musarum cultis donis, & munere Phœbi  
Non caritura diu, sed spes fata inuida nostras  
Fregere,*



*Fregere, aut seclum non felix numinibusq;  
 Inuisum, & genus incultum, vel barbara semper  
 Natio non meruit tam pulchræ munera laudis.  
 Ergo vir nobis raptus lugendus, & omni  
 Concilio vatum, & si quem felicis astrum  
 Finxit in excelsâ propensum ardentius artes.  
 Nam quid agas tanto Matamore orbatu amico  
 Alfonsè ô nostræ decus Hispali, & mihi vita  
 Charior, & nostro mecum constrictæ Cathenæ?  
 Quas lachrymas fundas tristis, quæ flumina mæstis  
 Sufficiant oculis? quis te locus, aut quæ mundi  
 Pars capit hoc solitum gremioq; sinuq; foveri?  
 Scilicet heu nostrum decus una amissimus, illo  
 Ob quem vita olim fuerat dulcissima, raptò.*

Alfonsum Mata-  
 morum alloquitur,  
 & sui & Cathenæ  
 amantissimum.

Exorditur ab executione dilati operis ob amici mortem, & morbum quo ipse Poëta laborauerat Hispali in ædibus Gasparis Velezij.

INTERMISSA diu atque graui dilata dolore,  
Dum casum tanti Gaspar lugemus amici,  
Carmina nunc redeunt, sed qualia? nempe dolenti  
Ex animo, post tot planctus, post longaq<sub>3</sub> morbi  
Tempora difficilis, cùm iam mediciq<sub>3</sub> timerent,  
Tuq<sub>3</sub> domusq<sub>3</sub> tua, & mater dulcissima, quæ te  
Exhibuit nobis, quæ me sibi vinxit, & omni  
Officio veneranda mihi, & pietate colenda  
Suscipitur, ceditq<sub>3</sub> loco genetricis ademptæ.

Inuitæ veniunt ad carmina nostra sorores  
„Pierides Gaspar, mentem nam Musa quietam  
„Postulat, & stabiles sedes, & gaudia longa,  
„Sollicitos tristesq<sub>3</sub> animos; atque anxia vitat  
Pectora curarum variis districta catenis.  
Sed vocat officium promissa & debita tantis  
Temporibus, studiumq<sub>3</sub> tui, lex sanctaq<sub>3</sub> nostræ  
Gaspar amicitia, & quæ te cura intima versat  
Discendi, qua tu nostros quoscumque lauat nunc  
Bethis oliuiferis redimitus tempora sertis,  
Exuperas iuuenes, quibus (heu dolor & pudor ingēs)  
Et vita & vires fugiunt, auiq<sub>3</sub> virentis  
Flos operæ pretium magnum facturus inertis,  
Marcescens torpore perit, vel sentibus altis,  
Damnosa aut tabula, aut insani vulnere amoris  
Obruitur, misera indicium præbetq<sub>3</sub> senectæ,  
Et fœdam de se speciem tetrumq<sub>3</sub> remittit,  
Quo nares superum puras infestat, odorem,  
Frrit atq<sub>3</sub> truces iras, & fulmina magni  
Numinis inuito cogit descendere iactu.

Hispalensis iuuentutis educationem improbat, vtpote parum virilem ac infrugiferam.

*Quos igitur nunc Musa negat mihi; cura tui det  
Incepto numeros operi, tibi grata futura  
Carmina, & eximios usus paritura legenti.*

*Haftenus ergo locos dedimus, quibus eruta cunctis  
Argumenta patent rebus, quo fomite flammis  
Interdum incendas animos & turbine vertas.*

De inuentione ha-  
ciens: nunc verb  
de dispositione a-  
gendum est.

*Nunc igitur formas dicendi texere disce,  
Ordināq; omnes, neque enim mihi fila satis sit  
Plurima monstrasse, & vario de vellere ducta,  
Nī formam, finesq; operis, & corpus agendi,*

*Quae patribus quondam dicta est Oratio, monstrē,  
Proponamq; omnes partes, quoque ordine sese*

Oratio dicitur O-  
ratoris opus, quae  
suas partes habet.

*Qua serie nectant, quo tempore cuncta sequantur,  
Ne sine principio incipias, sine fine quiescas,*

*Aut medium nullum inuenias. ut plurimus olim  
Orator, qui dum naturae negligit amens*

*Effigies, artemq; fugit, traducit inerti  
Tempora clamore, atque ingratas protrahit horas:*

*Efficit atque nihil, nisi tantum fallere seq;  
Atque alios, qui nec capiunt, quo tempore primum*

*Inchoet, aut quando dicendo finiat. idem;  
Cum tamen audirent & testes vocibus essent.*

*Namq; caput rebus dedit omnibus ipsa creando,  
Et certo natura parens in fine reclusit:*

Quemadmodū na-  
tura omnibus rebus  
principium, mediū,  
& finem tribuit, sic  
etiam ars easdem  
partes in suis ope-  
ribus quærit.

*Iamq; modos certos semper, numerosq; secuta est,  
(Iudicio inducta eximio) quibus omnia finxit;*

*Nec quas principio leges ea condidit, unquam  
Transtulit, atque alias inijt, sed fœdere certo*

*Perq; suas olim formas solex ipsa referre  
Singula, non caput immensum sine corpore condit,*

*Nec caput usque breue ingenti dat corpore iunctum,  
Prouida componit res cunctas, singula membra*

Monstra sunt, quæ  
secundum naturæ  
ordinem non eue-  
niunt.

*Digerit, & quæ sunt contraria, monstra putamus,*

D 3 Non

*Non ex naturæ serie, sed sorte parata,  
Materia turbante vices, & mole grauante  
Artificem formam: sed contra legibus ipsædem  
Atque modis non iniustis formata nitescent.*

Natura mensura to-  
lerat, ars verò nun-  
quam monstra sibi  
amizanda proponit,  
sed exactas naturæ  
formas.

Artem non esse eam  
quæ à barbaris tra-  
ciatur, sed quæ ab  
eruditis excolitur.  
quare ab arte rei-  
ciuntur illa, quorū  
materia potius mi-  
rabilis est, quàm  
forma.

*Aemula naturæ ratio, quam dicimus artem,  
Has sequitur leges, cuncta hæc vestigia seruat,  
Ambitiosa adeò, ut numquam sibi monstra putarit  
Effingenda, magisq; legit pulcherrima quæque,  
Hæcq; refert totis studiis, hæc sola frequentat,  
Si modò culta sit ars, & munere fungier illo  
Si cupit, ut ponat nomen famamq; disertæ:  
Namq; per occidui fluctus maris omnia nuper  
Diuitibus nobis quæ portabantur ab Indis,  
(Cum primum immensum pelagus, nec cognita priscis  
Aequora ab Hispana primum tentata carina)  
Materia forsàn fuerant miranda; sed omni  
Arte tamen vacua, & nullam referentia formam,  
Ingens sæpe caput specie deforme tenebant  
Inualidi ceruix colli, & tenuissima crura;  
Atque anibus plantisq; eadem, reliquisq; animantium  
Effigies formis, populi testata vetustam  
Barbariem penitus, cultuq; atque arte carentis.  
Sic igitur quæcumque voles orare, paratam  
Materiam in formas rediges, & finibus illam  
Compescas certis, & singula membra locabis  
Artifici ingenio, & numquam rationis egente;  
Et caput imprimisingas, exordiaq; apta  
„Constituas: nam sic caput hoc dixere priores.  
Hinc narres, & proponas, firmesq; probando,  
Confodias quodcumque timebis obesse, perores  
Postremo; officio sic persurgere petito.  
Partibus his etenim bis ter persoluerat omnem  
Dicendo effigiem, quisquis iam Rhetoris artem*

Exordium oratio-  
nis caput, deinde  
narratio, & propo-  
sitiō, confirmatio, cō-  
futatō, peroratio.  
hæ sunt orationis  
partes.

Natu-



*Natura monstrante modum, didicit, retulitque.*

*Omnis cura tibi imprimis studiumq; laborq;  
Dum causam ordiris, prudensq; exordia texis,  
Conciliare animos, seu iudex sit tibi, apud quem  
Orabis, seu concilium, populive theatrum;  
Te gratum exhibeas cunctis, venare favorem  
Viribus & totis & totis artibus illis,*

*Quas locus, & quas causa queat monstrare: parata  
Gratia, habes magnum rebus iam pondus agendis.  
Tunc facile audimus dicenti, credimus atque,  
Tunc cupit, ut vincas, iudex omnisq; corona,  
Emendatq; animo, & patitur magis omnia, cum tu  
Laberis errore exiguo, fert longior ut sis  
Dicendo; tandem magnæ victoria partis  
Principium est habuisse decens, & pulchra locasse  
Fundamenta suis numeris ornata modisq;.*

*Multa monent Oratores, & multa frequentant  
Dum causam incipiunt, tamen omnia nempe duobus  
Conspicimus deprompta locis; namq; altera pars est,  
Cum nos officium nostrumq; animumq; probamus,  
Et quæ nos ratio compellat dicere, & illud  
Suscipere officium, communia commoda nempe  
Nos agitant, sanctæ leges, Astraq; diua  
Quæ iacet, atque suis queritur deserta ministris.*

*Prætoris tum fama etiam, cui tendimus ipsi  
Consulere; & ne per populum rumore sinistro  
Immerito pereat neglecta & fæda, cauere.  
Iamq; etiam diuinus honor, iam numina celi,  
Religioq; Patrum nobis suscepta docentur,  
Pro quibus hand dubitas, dulcis discrimina vita,  
Exilium, gladiosq; truces, & cuncta subire.  
Ipsius pietas turba percutis, & iras  
Numinis in sese vitius quæ pronocet, atque*

De præceptis ad exordium pertinentibus: exordij finis esse debet auditorum animos sibi conciliare.

Quæ alij Rhetores de docilitate attentione & benevolentia præcipiunt, hic ad unam benevolentiam refert,

Benevolentia captatur vel a persona dicentis, vel ab auditoris persona.

A persona dicentis captatur benevolentia commemoratio officij sui, cuius præcepti varia ponit exempla.

Criminibus, nos saepe mouet cogitq<sup>3</sup> profari.  
 Altera pars in dicendo exorditur ab ipsis  
 Iudicibus, seu personis, quasumque pararit  
 Instruere, inq<sup>3</sup> suum studeat perducere votum.  
 Inflammaré solet concepta aut crimina facti,  
 Iustitia aut munus proponere, ut arbiter ille  
 Nil prius aut maius credat, quàm iura tueri;  
 Exercere pias leges, patriaq<sup>3</sup> tyrannos  
 Ejicere, atque bonis requiem prestare piisq<sup>3</sup>.  
 Hac me, inquis, iudex spes, hac fiducia cogit  
 Suscipere ingentem causam, tantumq<sup>3</sup> pericli,  
 Aduersus tot opes, aduersusq<sup>3</sup> improba tanti  
 Facta hominis, tantasq<sup>3</sup> minas timuisse, nec vllum  
 Discrimen, meq<sup>3</sup> actorem prestare fidelem,  
 Iudice tam sancto confisus, tamq<sup>3</sup> fideli.  
 Te studio populi verum cupientis & æquum  
 Noscere, & ardentis Diuûm pietate, parare  
 Suscipienda tibi durissima munera, onusq<sup>3</sup>.  
 Dicere de cultu Diuûm, de religione,  
 De magnis voluisse etiam virtutibus, ipsum, &  
 Premia quæ iustis certa, & qui fontibus ignes,  
 Quæ superûm regna, & quæ sint inferna, docere.  
 Tandem si paucis cupias rem noscere verbis,  
 Ostendisse libet caput, unde exordia cuncta  
 Ducantur, tunc permittam tibi cetera docto  
 Cernere iudicio, variare, & tempore in ipso.  
 Eligere optandas partes, & commoda causis.  
 In tota quæ circumstant te saepe corona  
 Conspicitur persona duplex, tua scilicet una  
 Orantis, reliquiq<sup>3</sup> omnes sunt altera, apud quos  
 Verba facis; iam personæ exordire, licebit,  
 Respectu alterius, quam scilicet eligit ipsa  
 Causa magis; tua sit, sine adiutoris ab illa

A persona etiam au-  
 ditoris captatur a-  
 nimi conciliatio of-  
 ficii cominemo-  
 rando.

Exemplum exordij  
 quod ad personam  
 auditoris refer-  
 tur.

Aliud exempli ex-  
 ordij populum con-  
 ciliantis.

Repetit quæ supe-  
 rius præcepta sunt.

Argu-

*Argumenta petis, animosq; incendis amore  
 Siue tui, siue & causæ; vel vertis in iram  
 Conceptos forte affectus: sed si potes, illud  
 Plenius ac melius fuerit; si ducis utrisque  
 Principium de personis. Hæc summa locorum,  
 Vnde pares gratos orsus, primordiaq; aptes.  
 Sed non una tamen dicendi occasio, nullum  
 In numerum cogas formas, quibus incipit omnis  
 Orator, quoniam quidam deducit ab ipso  
 Tempore, & à festis, quidam mirantur & altum  
 Iudicium laudant veterum, qui iura tulerunt  
 Talia, tam iusta: ac sunt qui sua munera sæpe  
 Excusant, utq; inuiti multumq; rogati  
 Pulpita conscendant: tandem si audiueris omnes  
 Quotquot agunt causas, multa obseruabis agendi  
 Principia, nullos legum subeuntia fines.  
 Que tu imitans disces multò, quàm nempe docedo,  
 Promptius & melius, nec enim turbare minutis  
 „Discipulum cupimus præceptis. Ars breuis ut sit,  
 „Indicet & veterum referenda exempla, paratur.  
 Iamq; monendus erit nobis Orator, ut illud  
 Cogitet imprimis, memoriq; in corde reponat.  
 Præcipuam officij partem momentaq; magna  
 Ut succedat opus, fructus referatq; petitos  
 Esse opportunis affectibus insita: namque  
 Ut vincas ratione omnes contingit, & vsque  
 Viribus astrictos veri teneasq; ligesq;  
 Sed tamen exhausto ingenti plerumque labore  
 Nil tandem efficias, victos victosq; catenis  
 Cum teneas, nec iam arma queant obtendere contra,  
 Nec mutire quidem, lassus tamen omnia frustra  
 Aggressus sede immotos fixosq; relinquo;  
 Quiq; premi sese patiantur, cedere nolint:*

Exordium effica-  
 cius est quam ab  
 utraq; ducitur per-  
 sona dicentis & au-  
 ditoris.

Finem exordij &  
 intentum vnum es-  
 se dicit, occasiones  
 multas: quarum ex-  
 pla proponit ali-  
 quot.

Magnam dicendi  
 partem & bonâ in  
 prudentibus & com-  
 modis exordiis esse  
 sitam, in quibus af-  
 fectus mouendi vel  
 saltem excitandi  
 sunt.

Docet, non tam re-  
 ferre ad persuaden-  
 dum, quàm verissi-  
 mē dicas, sed quàm  
 maximè moueas.

Docemus intel-  
le-ctu, persuademus  
voluntate.

*Nimirum quod se victos ratione fatentur,  
Mente negant atque affectu: verum utraq; pars est  
Peruincenda, etiam magis hæc, cui ceca voluntas  
,,Præsidet, huic hominū quoniā pars maxima seruit.  
Dum colit ergo suis rationibus omnia, latos  
Et disponit agros sermonis Rhetor habendi,  
Differat, & mentis valdè opportuna mouenda.  
Semina, multa quidem, sed non perdentia cultum.*

Vnam rem frequē-  
ter præcipit hoc in  
opere Poëta, videli-  
cet vt ars nunquam  
à dicentibus dese-  
ratur, sed quā ma-  
xime possit dissi-  
muletur, vt tota o-  
ratio & actio ex a-  
nimo potius, quàm  
ex arte procedere  
credatur.

Affectibus locū esse  
in tota oratione, fre-  
quentioribus autem  
in exordio, frequen-  
tissimis in epilogo.

*Alterius partis magis atque iuuantia certis  
Disposita in spatius, vt non sibi retia tendi  
Sentiāt auditor, vel non fastidiat artis  
Consciū, aut cumulo nimium compressus inertis.  
Certa solent Oratores sibi tempora docti  
Captare his disponendis affectibus, atque in  
Principio primo dicendi semina spargunt,  
Per q̄ aditus ferme totos tamen abditi ponunt,  
Nec nimium q̄ fouent, quantum vel pectora tentent,  
Et subeant auditorum, celata q̄ linquunt  
Interius, repetunt q̄ etiam quandoque mouent q̄:  
Eximius cultus tamen atque potissima cura  
Differtur finem vsque ipsum; tunc viribus illos  
Omnibus affectus tractat, recolit q̄ fouet q̄,  
Quos in principio disperferat. Ergo memento  
Plurima fila tibi, quando exordire, trahenda  
Partibus ex illis, quæ perturbare quietam  
Sufficiunt mentem, nostris q̄ inducere votis.  
Prætereā ne longa nimis tu exordia ponas,  
Deceptus dulci inuento seruire q̄ primo  
Dicendi: nam sunt quibus ipsa oratio sæpe  
In caput omnis abit, sed cætera corpore membra  
Exigua, & tantis non respondentia cæptis,  
Ridiculum q̄ parant & opus, subeunt quæ laborem:  
Sunt quibus vsque adeo crescunt primordia, longam*

Breuitati in exor-  
diis consulendum  
esse.

In



*In reliquas etiam partes minitanti molem,  
 Ut nemo assistens spectandum ducat, & aures  
 Obturet, metu atque sibi, & subsellia linguat:  
 Aut saltem si hunc religio teneat, ve pudor ve,  
 Officii ve fides, populi, aut reuerentia legum,  
 Omnia agit potius, quiduis meditat, & intra  
 Se tacitus voluit placidas quam commodet aures  
 Dicenti, attentos oculos, animumque fauentem.  
 Iamque adeo vulgus, iam plebs, ignaraque turba  
 Metiri didicit iam fastidire priora  
 Verba salutantum sacro in sermone, nimis si  
 Prolixa, atque nouo sint ostentata reperto.  
 Ergo breue incipiat, pro tempore scilicet, atque  
 Pro modulo causa dicende, ac quadret in ipsa  
 Membra caput, quisquis nostris attendere curat  
 Preceptis; namque huic etiam parere iunabit.  
 Grandia præterea ne sunt exordia, magnis  
 Ampullata modis, & vocibus usque petitis,  
 Quae tundunt aures sonitu, sed sensa ministrant  
 Exigua, atque animos fallunt sperantis ab alto  
 Principio montis partum, ridendaque tandem,  
 Aut quibus & caruisse velis spectacula promunt.  
 Unde parens Latij tantumque furoris in illos  
 Diffudisse animos? tam saeva que vulnera nostris  
 Urbibus & populis ferro grassante Latinum  
 Imperium vertisse feres? dictataque quondam  
 Roma caput mundi trunco iacet inq. sepulto.  
 Talia sunt nostris nonnunquam vatibus orsa;  
 Cum tamen ardenti committunt praelia Marte:  
 Ille timens magnos vadit fugiendo per agros,  
 Alter equo sequitur per crura, & conijcit hastam.  
 Ast aliter noster Chirofius, unica Bethis  
 Gloria, Castalidum decus, atque optanda Poëtis*

Longa exordia & fastidium pariunt, & reliquis orationis partibus odium.

Probat experimento quod dixerat: namque hodie nimis otiose sunt in sacris concionibus prolixæ salutationes, quas vocant.

Modestiam in exordiis seruandam.

Exemplum tumidi & inanis exordij.

Exemplum exilis processus magno exordio non respondentis.  
 Chirofij Hispalensis poetæ exemplo docet modesta exordia & altiores progressus maxime decere.

Mens

*Mens priscis, optanda viris, qui liberiore  
 Eloquio nomenq; sibi famamq; pararunt.  
 Nec satis in patria notus, tamen inclyta fama  
 Buccina per Latium, per quos Germania fines  
 Extendit, Gallos populos, extremaque nostra  
 Hesperie auditur per littora, mirus utroque  
 In genere, Hispanum seu tentet condere carmen,  
 Humana & celebrare pius monumenta salutis  
 Tartareo quondam partos ex hoste triumphos.  
 Attonitas reddit mentes, & viscera sacris  
 Ignibus ardere, & lachrymas diffundere cogit:  
 Sine canat latum Gasca redeunte trophæum,  
 Atque acie tantum visa, pavidumque tremore  
 Pizarrum dare terga ferat, pacataque magni  
 Littora Neptuni sæuo usurpata tyranno;  
 Sive etiam clarum in sua carmina Pontion armis  
 Aduocet, indomitis figentem colla iuuenis:  
 Argumento omni, atque omni mirabilis ausu,  
 Non tamen inceptis turgentibus, atque maligno  
 Progressu, potius grauis atque modestus in ipsis  
 Principiis, prudens paulatim surgit, opusque  
 In mediumque decens, & finem protrahit altum.  
 Pontius Hesperio genus alto à sanguine regum  
 Antiquo longoque gerens se stemmate dignum,  
 Luditur hic, tenuem non dedignatus auenam.  
 Dum tamen in tristes sedes Plutonia regna  
 Inuidia tactos iuuenes descendere cogit,  
 Nigrantes aduunt Herebi fuligine portas,  
 Admotaque manu bis terque quaterque trementes  
 Pulsant, ac magico tentant aperire susurro.  
 Quid melius priscis dictum, quid pulchrius? ergo  
 Principia omnino clara, atque modesta decebunt.  
 Mox aliud tibi constat opus voluendaque moles,  
 Sed*

A

B

C

D

E

F

Chirosius Hispanū  
 poemā de Christi  
 redemptoris passio-  
 ne composuit, quod  
 æditum est, & à do-  
 ctis & piis multum  
 laudatum.  
 Idem Chirosius Sil-  
 uam Latinam de  
 Gasce apud Occi-  
 dentales Indos tro-  
 phæo condidit, ma-  
 xima ingenij dexte-  
 ritate.

Aliud opus signifi-  
 cat ab eodem Chi-  
 rosio eleganti car-  
 mine compositum  
 in laudem Petri Pō-  
 rij Leonij, qui ma-  
 xima ob stratos in  
 arena tauros cele-  
 britate apud Hispa-  
 nos claruit: cuius o-  
 peris exordium hic  
 citatur in illis ver-  
 sibus, A, B, C. dein-  
 de progressionis ex-  
 emplum ostendit  
 in illis, D, E, F.

*Sed quæ non egeat tantis iam viribus, & non  
 Postulet ingenij conamina tanta disertij;  
 Ipsa trahit quoniam sese, paret quæ volenti  
 Dicere, & ostendit formam certam quæ figuram,  
 Et speciem fert ipsa sui, quam scilicet ornet  
 Orator, proprio quæ paret componere cultu.  
 „Hæc pars antiquis dicta est narratio; facti  
 „Scilicet aut dicti series, ostensa quæ forma.  
 Nam quæcumque forum admittit, vel concio plena,  
 Orator quæ agit at, sunt omnia factave dictave,  
 Humane si sint causæ, partesve decorum,  
 Quas agis, in duplici natura hæc cuncta feruntur:  
 „Dictum est, aut factum, quidquid cõcluditur orbe.  
 Hanc partem res ipsa dabit, nec ab arte petendũ est  
 Quid narres, quali ornatu dicenda parentur,  
 Artis opus fuerit; quoniam querimonia vestit  
 Interdum rem dum narro, quam narrat & alter  
 Irato sõnitũ & verbis, fingit quæ loquendo  
 Quos habitus prodesse sibi putat, induit unam  
 Rem vario cultu, atque refert, Orator eandem.  
 Hic facinus misero narrat sermone parentem  
 Occisi, aut natum vultu præferre paratus,  
 In quæ reum culpas, & causam conijcit omnem:  
 Et quæcumque reus peccauerit omnia profert.  
 Ille tacet quæcumque sibi nocitura putauit;  
 Et narrat factum leuius, sanas quæ querelas  
 Fingit in occisum: sed crimina dirigit illuc,  
 Vnde sibi delata videt, ipsum quæ nocentem  
 Narrando innocuum penitus monstrare laborat.  
 Ergo habitus quales deceat, pro tempore, pro quæ  
 Persona, & causâ, Orator narrando subibit.*

*Ordinis imprimis esto non vltima cura;  
 Temporibus quæ suis prudens distinguo cuncta,*

*Quid*

Narratio facti expositionem continet, quæ non tam ab ingenio, quàm à veritate petitur: ea tamen veritas distinctio ne exornanda est.

Omnis controuersia circa facta aut dicta versatur.

De narrationis ornamentis.

Ordo maximè expetendus in narrationibus oratoriis.

*Quid primum, quid sit mediũ, quoquẽ ordine tandẽ  
Res fuerint gesta, ostendat: nam plurima lucis  
Incrementa parant, series, & tempora, rebus  
Dicendis, tantum & fidei venantur, vt olim  
Commenta humani ingenij, meditataquẽ rerum  
Fabula & à doctis verba ementita pœtis  
Ordine narrandi ac serie disposita decenti,  
Et species veri magnas, laudemquẽ pararint,  
Atque fidem; tantum series iuncturaquẽ & ordo  
Dissimulant falsi, tantum mens nostra docendo  
Afficitur certo diductis ordine rebus.*

*Hoc igitur studio dicas, vt tempora cuncta  
Obserues & proponas, numeresquẽ loquendo  
Cuique suum, quo gesta patent: nam rebus in ipsis;  
Ut nihil absque suo sit tempore, sic narratur  
Nil bene temporibus turbatis ordinibusquẽ:  
Hoc agit historia scriptor; sed concio tota,  
Atque etiam index audit quicumque profantes  
Poscit idem iam Oratores, sed turba loquentum,  
Et pueri, & vetula indocta, & quicumque pararit  
Dicere quid, facilesquẽ aures narrando cupiunt,  
Natura stimulante solent distinguere rerum  
Momenta, atque pari coniungere tempora ductu  
Cum rebus, partemquẽ simul componere utramque.*

*Libera sed vatũ mens est, nec legibus illa  
Paruerit semper nostris: namque altius audent  
Transferri, quocũque animum sacra Musa vocarit,  
Ducuntur stimulante Deo, & transcendere limen  
Sape solent, nec natura, nec iam ordine sese  
Includunt, medias interdum spiritus in res  
Arripitur subito, atque mouet penetralia cantus  
Intima, & incipiens ex gestis vltima tractat:  
Inde in principium rursus diuertitur, atque*

Temporum & suc-  
cessionis ordo ab  
Historicis semper  
exigitur.

Pœtas non esse a-  
fictos legibus nar-  
rationis; nam inter-  
dũ à medijs rebus;  
interdum verò ab  
vltimis narrare in-  
cipiunt.

Ordi-



Ordinis oblitus, rem complet, primaquē sēpe  
 Fundamenta notat, nunc velox peruolat usque  
 In medium, textitquē suam narrando Camenam.  
 Non tamen imprudenti animo peruertere totam  
 Aspicias historiam, seriem quandoque canendo  
 Negligit, ast tempus certum quo cuncta gerantur,  
 Obseruat, redditquē docens, ut numina Diuūm;  
 Quæ quamuis nullis momentis subdita, nullis  
 Temporibus subiecta, tamen quæcumque ministrant,  
 Quæ generi donant hominum, per tempora certa  
 Disposuere, illis præsentia cuncta beatis,  
 Paulatim nobis donantur, pro modulo, pro  
 Exigua mentis captu, proquē ordine rerum.  
 Id verò nunquam narratio negligit, immò  
 Obseruare solent & semper tradere, siue  
 Orator, seu gestorū rerumve probatus  
 Scriptor, & historiae addictus, liberue poëta:  
 Scilicet ut ratio ipsa locorum reddita constet,  
 Depicta in propriis spatiis, seriemquē secuta,  
 Quam tenuere rei momenta, quamquē viarum,  
 Aut iter, aut ordo gestorū elegerat ipse.  
 Siue per immensum pelagus scopulosquē sonantes  
 Res fuerint gesta, aut per terram, flumina pingunt,  
 Vel fluuios, siluas, fontes, puteosve perennes,  
 Nil variare decet; sed cuncta in sede locare,  
 Quam dederit natura parens: res nulla probare  
 Tam solet historias, nec conciliare fauorem  
 Atque fidem, quàm certa loci pictura modusquē.  
 Nec subito pelagus totum transcurrere debet  
 Historicus, nec multa vna præternolat hora  
 Millia terrarum atque viæ, neque in æquore pingit  
 Venantes catulos aprumquē, aut lustra ferarum,  
 Nec pisces alit in terris, vitulosquē marinos,

Monti-

Docet poëtas non  
 peruertere narrandi  
 rationem, sed tēpo-  
 ra obseruari ab illis,  
 ita vt quæ primum  
 gesta sunt, non pri-  
 mum dicantur, sed  
 tamen non tribuūt  
 vltimo tēpori quæ  
 in primo sunt gesta.  
 Deus quanuis tem-  
 pori subiectus non  
 sit, omnia tamē suis  
 tēporibus disponit.  
 non enim eodem  
 tempore pluit, nin-  
 git, serenat. & c. ita  
 & Poëta temporū  
 rationem in rebus  
 narrandis obseruat.  
 Deum hac in parte  
 imitati.

Quamuis rerum ge-  
 starum ordo non-  
 nunquam negliga-  
 tur, nunquam tamē  
 locorum in quibus  
 gesta res sunt, ordo  
 & certa descriptio  
 negligitur.

Chorographia plu-  
 rimum ad narra-  
 tionum fidem valet

Nunquam locorum  
ratio mutatur, nisi  
diuino miraculo oc-  
currente.

Dñat ineptissimos  
fabularum libros,  
qui in Hisparia le-  
guntur, frequenti  
titulo, Equitum er-  
rantium, quos vocant;  
utpote qui non ve-  
ritate modò, sed ar-  
te atque iucundita-  
te omni careant.

*Montibus aëreis transmutat; pascua leta  
Non petat in rupes, sterili neque quærat arena:  
Nemo hæc (ni portenta canat vires ve deorum,  
Mutatasque vices rerum, signa adita celo  
Humanum doctura genus) peruertere debet,  
Nemo, inquam, ratio cui contigit, ullave sani  
Portio indicij. Nam quæ per nostra frequenter  
Regna libri aduntur, veteres referentia scripta,  
Errantesque equites, Orlandum Splandina Gracū,  
Palmerinūque duces, & cætera, monstra vocamus,  
Et stupidi ingenij partus, facemque librorum,  
Collectas sordes in labem temporis; & quæ  
Nil melius tractent, hominum quàm perdere mores.  
Temporis hic ordo nullus, non vlla locorum  
Seruatur ratio: nec si quid fortè legendo  
Vel credi possit, vel delectare, nisi ipsa  
Te turpis vitij species, & fæda voluptas  
Delectat, moresque truces, & vulnera nullis  
Hostibus inflicta, at stolidè conficta, leguntur.*

Geographiæ laus.

*Ergo loci ratio & nomen, speciesque, situsque  
Observanda tibi, memorique in mente tenenda;  
Et spatium, & natura etiam terræve marisve,  
Ut quadrent rebus narrata ostensaque factis:  
Hic ego non dubitem multum laudare docendi  
Partem illam, quam prisca homines intentaque fama  
Pectora liquerunt scriptis, dum singula lustrant  
Immensæ terræ spatia, & dum flumina tranant,  
Dum pelagique vias vestigant, stagnaque, portus,  
Quidquid & in toto norunt memorabile mundo,  
Depingunt formasque breues, facilemque figuram  
Orbis, & in partes disponunt, ut tibi tandem  
Non sit opus peragrarè maris terraque iacentis  
Difficiles nimium cursus; sed iam pede sicco*

*Iam-*

*Iamquæ domi residens patriæquæ intentus amata  
 Omnia perspicias latus loca, quæ tibi cumque  
 Sint audita semel, siue illa illustria gestis  
 Induperatorum, monumentaquæ prisca referuent,  
 Siue loci genium, fuerit mirabile, raris  
 Ostensis, seu quid teneant, quod fama frequentet,  
 Nec visus mihi formam hominis nomenquæ tucris  
 Quisquis inexpertus pelagi nulloquæ labore,  
 Sed facili studio cognoscere negligit orbis  
 Mirandam speciem, partes, formasquæ, situsquæ:  
 Namque hominis natura olim formata probatur,  
 In pelagi & terræ imperium, totusquæ per ævum  
 Mundus erat sedes nostra, atque armenta feræquæ  
 Et volucres, & monstra maris, quæcunque sub undis  
 Neptunus pascit, Triton Proteusquæ recensent,  
 Nostra olim fuerant, nobis sunt edita cuncta:  
 Quod si hominum crimen, si læsi numinis ira  
 Tantarum imperium rerum fructusquæ, vetabant,  
 Interdicta tamen non est vel notio nostris  
 Mentibus, at potius sit commendata videndi  
 Copia, vel saltem noscendi, ut scilicet ipsum  
 Cunctarum auctorem rerum miremur, ut altè  
 Crimina tam dulces nobis perdentia fructus  
 Detestati, ipsas flectamus numinis iras,  
 Et meliora etiam maioraquæ dona petamus.  
 „ Hoc satis ad causas narrandas credimus esse,  
 „ Ut brevis, & distincta suis ut temporibus sit,  
 „ Atque locis: ut cauta etiam narratio rerum,  
 „ Partibus his constans, tibi quas prodesse putaris.  
 Hæc tamen haud raro fuerit dicentibus olim  
 Prætermissa; etenim cùm res iam constet, & omni  
 Indice se moto sese præferre videndam  
 Possit, inexpertus fuerit consumere tantum*

Homo in orbis do-  
 minū formatus est;  
 qui, tamen ob pec-  
 catum possessione  
 totius orbis detur-  
 batus sit, non est ta-  
 men ab orbis cog-  
 nitione prohibitus.

Summa narrationis

Nonnunquam nar-  
 ratio prætermitti-  
 tur, cùm scilicet res  
 constet ipsa.

E

Tempo-

*Temporis, ut tandem iam auditor dicat, id ante  
Constituerat melius: namq<sub>3</sub> ipsi vidimus, atque  
Adfuimus, fuerit quare prudentia sepe,  
Narrandi studio, cassoq<sub>3</sub> vacare labore.*

Quamquam narra-  
tio aliquando prae-  
termittitur, nūquā  
tamen propositio  
prae-termittitur. est  
autem propositio  
brevis oratio indi-  
catus, summā eius  
rei continens quam  
Orator probare in-  
tendit.

Propositio commu-  
nis est Dialectico &  
Rhetori.  
Dialecticæ peri-  
phrasis.

Eadem quæ primo  
propositio dicitur,  
postremo conclusio  
appellatur.

*Ast omissa fuit numquam pars illa loquendi,  
Quæ totum concludit opus, quæ finis agenti est,  
Inq<sub>3</sub> unam hanc omne & studium curaq<sub>3</sub> parantur,  
Cuiq<sub>3</sub> orantis opes cuncta seruire iubentur,  
Propositum dicta est Logice, pars scilicet illa,  
Quam sibi proposuit dicendo quisque probare,  
Sive breui ac tenui dicat molimine solum  
Contracto sermone usus, viresq<sub>3</sub> secutus  
Dicendi, & veri nervos & pondera quærens,  
Qualem dicendi observant gymnasia formam,  
Sive etiam maiore sono popularia tractet  
Munera, perq<sub>3</sub> forum, per templa & pulpita latè  
Exercere parat multis certamina verbis;  
Affectusq<sub>3</sub> petat, vel vulgi pectora tentet,  
Quidquid agat, quocūque modo quis dixerit, & qua  
Arte, quibus verbis cumq<sub>3</sub>, & quocumque tenore,  
Propositum imprimis ostendit, propositumq<sub>3</sub>  
Collocat, obq<sub>3</sub> ipsum certat: nam finis agendi  
Ipsam illud firmare fuit, dictisq<sub>3</sub> probare:  
Hoc parat, huc tendit: nam qui proponere dictis  
Neglexit certum votum finemq<sub>3</sub> petendum,  
Non minus insanit, quàm si undique comparet omnē  
Materiam, atque trabes, cæmēta, & maxima saxa,  
Aes, calybem, fabros, & marmora: nesciat autem  
Quam molem sibi describat, quæ mœnia plantet,  
Aedificet ne domum, turrim, vel pyramidem ve.  
„Ergo tibi proponendum sit semper, & unum,  
„Sen tu multa petas, votum perducere ad illud,  
„Quod cupis imprimis expleri, hoc propositum sit  
Cum*



*Cum factum infectumve paras ostendere quicquam,* Propositionis summa indicatio.  
*Cumve optas fieri, cumve auersaris agendum:*  
*Quidquid aues tandem vel confirmare, negasve,*  
*Vel suadere paras, vel dissuadere, vocamus*  
*Propositum. prima in fronte sermonis, idemq;*  
*Cum confirmatum fuerit, Conclusio dicta est.*

*¶ Cura etiam, dum proponunt, fuit illa patronis,*  
*Non ingrata umquam, sed maxima comoda semper* Propositionem sequitur partitio, quam afferens in dicendo lucem.  
*Promittens, si quam causam, & quacumque pararet*  
*Dicere, dispositis monstrarent partibus, ac sic*  
*Quidve tacere velint, vel quid tractare, professi;*  
*Consulerentq; simul cause, toti q; corone;*  
*Plurimum enim intererit, seu tu turbata relinquis,*  
*Et cæco confusa modo, seu singula prudens*  
*Disponas, quacumque tibi dicenda parantur:*  
*Hoc meus in templis nolim desideret umquam*  
*Auditor, sed cum nos de pietate colenda,*  
*De superum donis dicentes audiat, ante*  
*Prauideat, quam multa sibi quam commodarum*  
*Tractentur, si verba tamen non singula mente,*  
*At capita & partes saltem, certasq; figuras*  
*Contineat, secumq; ferat, tacitusq; reuoluat.*  
*Non omnes Villega tuum qui nomen & artem*  
*Mirantur, quando magni sacraia templi*  
*Ingressi sacrum prospectant fornice leua*  
*Munus, & erectas in cultum Virginis aras,*  
*Et templi effigies, quod Dorica sustinet Ancon,*  
*Singula non omnes operis perpendere norunt*  
*Momenta, & partes cunctas, connexaq; membra*  
*Artis, & in minimis numquam fallentia rebus,*  
*Naturaq; parem curam, similemq; decorem.*  
*Aitamen in superos pietas concepta, tuiq;*  
*Et studium, & laudes, spectantum in fronte leguntur:*

In concionibus facris partitione necessaria est, ut auditoribus consuletur.

Probat rerum partitionem & distinctionem plurimum iuuare auditores, qui quamuis singulorum rerum & omnium ornamento-rum capaces non sint, tamē præcipua rerum capita secū referunt, quibus sibi consulunt. quod probat exemplo artificialis picturæ, in qua quædā ad monumentum rerum, quædam verò ad artis admirationem pinguntur: in cuius picturæ exemplum laudatissimū proponit opus Petri Vileghii pictoris Hispanensis, quod in templo magni sacratio D. Mariz de Loreto consecratum est.

*Quandoquidem cuius facile est cognoscere vinum  
Virginis os, pueriq<sub>3</sub> sacri salientia membra,  
Ipsū praterea diuini infantis alumnū  
Felici puerum gaudentem ducere dextra,  
Ceteraq<sub>3</sub> exiguū in spatio conclusa, quibus iam  
Iam manus inuideat Paphus celebrata tabellis.*

In partitione illud  
obseruandum est, vt  
proponamus quid  
nobis cum aduerfa-  
rio commune, quid  
concedere velimus,  
quid nō: quam par-  
tem Seiuunctionem,  
vel Separationem  
vocat Rhetores.

*Illud in hoc genere & cupio te discere lector,  
Quod breuiter lucem admoueat, ducatq<sub>3</sub> parantē  
Partiri, & gratis ostendat partibus vti.  
Omnis cura tibi cū vis partire, laborq<sub>3</sub>  
Sit primum statuisse modos, momentaq<sub>3</sub> causā,  
Quaq<sub>3</sub> tibi imprimis fuerint communia & hosti,  
Quaq<sub>3</sub> vltro concessa velis, nec tendere contra  
Coneris: cū sint cunctis manifesta, nec illa  
Posse negare datur, vel nil concessa nocebunt.  
Hac primum statuas breuiter, breuiterq<sub>3</sub> remittas,  
Vt facile hac donare feras permittere & hosti.*

Seiuunctio.

*Prima igitur pars hac dicta est Seiuunctio, cuius  
Officiū causā admissas seponere partes,  
Alterā cura tibi sit, quas tu vis ipse tueri,  
Exposuisse prius partes, breuiterq<sub>3</sub> tulisse,  
Et numerasse etiam, docilis sic namq<sub>3</sub> paratur  
Auditor, facile atque tenet molimina causā:  
Hac mihi posterior pars est Diuisio dicta:  
Vt si concedat mortem genitricis Orestes,  
Sed neget esse scelus, promittens acta parentis  
Dicturum sese, thalami violata iugalis  
Iura, & adulterium, patris & crudelia fata,  
Atque nephas legem sociam prodentis amici.*

Tertia orationis  
pars est Confirma-  
tio, de qua hoc in  
loco.

*Tertia dicentem sequitur, sed maxima cura  
Confirmare meas causas, intentaq<sub>3</sub> dictis.  
Constabilire, omnes vires hac poscit, opeſq<sub>3</sub>,  
Argumentorum nervos & pondera, quaq<sub>3</sub>*

*Arma*

*Arma parat ratio, & vis inuenit ipsa diserta  
 Artis, in hanc videas obnixè incumbere partem,  
 Et studium mirere illud vigilemq; laborem,  
 Et trepidatē operam, quā Rhetor præstat anhelus  
 Undique dum munit causam, dum fulcit & altè  
 Aedificat vallum, dum propugnacula plantat:  
 Ne quid inexpertum, non tentatumq; relinquat;  
 Scilicet ut causam firmetq;, animosq; fidemq;  
 Conciliet, veramq; probet partem, aut potioris  
 Momenti, superetq; ipso certamine causam  
 Alterius, quicumque paret contendere contra.  
 Hæc pars à nostris iam Confirmatio dicta est  
 Causidicis: huic tota subest contentio, quando  
 Hic rationis opes, atque hic victoria partis  
 Principis humana mentis proponitur: ergo  
 Huic multum incumbas Orator, quisquis haberi  
 Doctus amas, immortale, & per secula nomen  
 Queris, & à nullis culpanda relinquere doctis  
 Scripta, pares vulgo affectus mentisq; quietæ  
 Impulsus, ratione pares pervincere doctos.  
 Hanc partem gemino potis es soluisse labore,  
 Nec sequitur plures curas Orator agendo,  
 Dum parat & causam firmare, & viribus ipsam  
 Constabilire suis, primum est producere multa  
 Argumenta locis, tibi quos signauimus ante;  
 Nec vacat hos cursu rursus monstrare peracto:  
 Sat puto teq; viam & vestigia cuncta notasse.*

*Altera cura tibi fuerit, quacumque pararis  
 Argumenta, sua ut deceat finxisse figura,  
 Atque modo tali, qualem ratio ipsa loquendi  
 Exigat: hæc etenim momenti maxima pars est,  
 Scire quibus torquere queas tua tela modis, ut  
 Viribus, & cunctis facile ut sis dexter in armis.*

In confirmatione  
 proposita est victo-  
 ria intellectus, qui  
 humani animi po-  
 tissima pars est.

Docti rationibus  
 superantur, vulgus  
 affectibus.

Confirmatio dua-  
 bus rebus perfici-  
 tur, argumento &  
 argumentatione.

Argumentatio, est  
 argumenti in debita  
 figura & certo mo-  
 do dispositio.

Argumentandi rationem & vsum gymnasia maximè docent.

*Hanc assueta tibi dederint gymnasia partem,  
 Illic nam iuuenum ratio exercetur, & illic  
 Ludicra proponunt Logici certamina, causis  
 Grande operaprecium in veris factura, nec vsquam  
 Palladia meruit quis maxima premia palma,  
 Ni docti primum deductus ab arte magistri  
 Ingenij leuibus vires exercuit armis  
 Edoctus iaculum torquere, & cedere, & hostis  
 Opposuiq; minas atque intentata cauere  
 Vulnera, quaeque fuga fuerint momenta, quibuscq;  
 Temporibus premere, & constanti pectore pugnam  
 Clamoresq; truces, atque ardua cuncta subire?  
 Non igitur magnos debet contemnere ludos  
 Orator, doctisq; operam prestare magistris,  
 Quisquis erit qui nostra legat, nostrisq; moneri  
 Consiliis putat esse aliquid: nam si modò non te  
 Quicquam aliud possint gymnasia docta iuuare,  
 Illud non magnum credas dignumq; petitu,  
 Quod trepidantem animu confirmant, quæq; pauore  
 Ingens turba solet dare circumspecta volenti  
 Dicere, seu quicquam in medium proponere, nullus  
 Hac timeat, primis quicumque assuevit ab annis  
 Certare in magnis ludis grandemq; coronam  
 Doctorumq; senum cernat, iuuenumq; virentum  
 Ora, & amicorum cæuis peccata paratos  
 Seruare, & lapsum exiguum ridere sodalis;  
 Despiciat tamen hæc cuncta, intrepidusq; ruborem  
 Exuat, & dicat, maioremq; esse cateruam  
 Iam cupiat, vacua ac doleat subsellia partis.  
 Argumenta igitur dicendi quaruo nostris  
 Præceptis, loca cuncta tibi monstrata notabis,  
 Eruerisq; & opes ingentes, commoda magna:  
 Illa tamen qua formentur ratione modog;*

Laudat scholasticas exercitationes, tum ob multa, tum etià quòd in illis pudor ille rusticus exuitur, qui in rebus agendis & frequentu conuentu obesse solet.

Dicit Poëta se locos proposuisse unde argumenta eruantur, quæ autem ratione hæc in argumentationem componantur non esse suum præcipere, sed dialëticorum, & eorum, qui in scholis versantur.

Consule



*Consule doctores Logices, qui cuncta docebunt  
 Argumentandi molimina, certius illos  
 Hanc partem tractare vides, breuibsq; docere  
 Exemplis, breuibsq; modis: nam semper in arctum  
 Proponunt contracta tibi argumenta, sed hac tu  
 Liberiora dabis. namq; hac contracta loquendi  
 Forma valet partem rationis vincere, sed non  
 Afficit interdum, ac visa est nimis arida multis,  
 Conuenit atque scholis tantum, quibus usq; laborant  
 Discipuli sermone breui perdiscere multa:  
 Nuda igitur ratio ac tenuis proponitur illic,  
 Verbaq; parca nimis, tantum referentia rerum  
 Naturam exiguo molimine, nudaq; ab omni  
 Ornatu, nostro presertim tempore, quando  
 Angustè effertur quauis sententia, quondam  
 Ipsa hac liberius multo grauiusq; fluebant:  
 Constat Aristotelis libris, potiusq; Platonis,  
 Plutarchi, atque etiam scribentis multa Galeni,  
 Quos simul utilibus videas incunda parare,  
 Et res miscentes doctas & dulcia verba.  
 Et refert multum id, nam libera pectora tangunt  
 Impulsu dulci dicendi, & vincere mentem  
 Conantur, redduntq; bonos doctosq; vicissim  
 Discipulos, moresq; regunt, animu quoque lustrant:  
 Hinc doctos iuuenes videas, qui plurima passim  
 De rebus didicere sacris, de moribus usque  
 Plurima: sed tenui ac dura sub imagine vocum  
 Hac didicere, nec integris sunt moribus ipsi,  
 Nec populos sermone queunt perducere in alta  
 Mocnia virtutis, vel vitæ exempla probare.  
 Non igitur sola est ratio discenda, sed omni  
 Dicendi ornanda est specie suauiq; decore,  
 Ut placeat, subeatq; iuuans penetralia nostri*

Scholastica disputa-  
 tandi forma nō tan-  
 tum ad persuaden-  
 dum, quantum ad  
 docendum apta est.

Comparat antiquā  
 disputandi formam  
 cum ea quæ nostro  
 tenetur tempore.

Doret dialectici ser-  
 monis ariditatem  
 in causā esse, ut iu-  
 uenes qui in scholis  
 versantur etiam si  
 eruditi sint, mori-  
 bus tamen sint ne-  
 gligentiores. idcirco  
 contingendam esse  
 sermonis elegantia  
 cum veritate.

*Pectoris, atque paret sedes, intusq<sup>3</sup> medullis  
 Hereat, ut nullis vellatur viribus; inde  
 Membra regat, cogatq<sup>3</sup> sequi pulcherrima quaque:  
 Hoc meus Orator curet, rationis habere  
 Fundamenta, modos logicos, formasq<sup>3</sup> disertas;  
 Liberiore tamen campo spaciatur, & ipsam  
 Non sit contentus rationem vincere, tentet,  
 Tentet & hanc partem mentis, quæ libera nobis:  
 Et iuuet imprimis sensus, specieq<sup>3</sup> loquendi  
 Alliciat, gratis commendans omnia verbis.*

Voluntatis descrip-  
 tio.

Cōfirmationis par-  
 tes tres: prima est ar-  
 gumētorum copia,  
 argumenta vel vera  
 vel saltem probabi-  
 lia sint.

*Confirmare tribus continget partibus, una est  
 Undique collatis causæ fulcimina rebus  
 Atque fidem præstare tuæ, quocumque probari  
 Posse putes, illud non prætermittere, quamvis  
 Non manifesta tibi reddatur causa, tamen sit  
 Iuncta probabilibus rebus, quas scilicet ipsa  
 Aut ratio dederit causæ, ingeniumve pararit  
 Undique, & in tempus præsens produxerit, ut sic  
 Ipse fidem faciens vincas, palmamq<sup>3</sup> reportes.*

Alteram confirma-  
 tionis partem pon-  
 dus appellat, cum  
 scilicet validis argu-  
 mētis & certissimis  
 probamus, ut certū  
 a probabili distin-  
 guatur.

*Altera pars causam firmandi est, optima rerum  
 Ponere non ullos ictus metuentia duos  
 Fundamenta, quibus connixa est causa, negari  
 Quæ nequeant ullis rationibus, atque perire,  
 Hanc confirmandi faciem, quæ viribus usque  
 Nititur eximiis, poteris tu dicere pondus,  
 Pondus enim causa est magnum, nec cedere doctum.*

Tertia confirma-  
 tionis pars est Firm-  
 amentum, cum ad-  
 uersarii probatione  
 labefaciamus.

*Sed confirmandi pars tertia Firmamentum est,  
 Quæ nostrum non fulcit opus; sed concutit hostis  
 Crebro collidens fundamenta impete, nec non  
 Ictibus assiduis, inimicq<sup>3</sup> tela retundit.  
 Ut si se vitiis offensum sæpe queratur*

Exemplo præceptū  
 illustrat; labefactat  
 enim Lutheri ratio-  
 nes, quibus suā infa-

*Lutherus, & quædam non dissimulanda videri  
 Christicolūm populis, consingere qualia multa*

Ipse solet causas pratexens turpibus ausis  
 Criminibusq; suis, dicens quod scilicet illum  
 Vita sacerdotum quorundam offendit auara.  
 Accusator ego contendam: crimine turpi  
 Non careas Martine tamen; namq; omnia legum  
 Iuraq; fasq; vetant, paucorum crimina multis  
 Obijcere, & nullo discrimine perdere cunctos.  
 Magna sacerdotum pars est, (quod & ipse negare  
 Haud poteris) quibus officij est non infima cura,  
 Qui sanctè pureq; colunt mysteria Diuûm:  
 Vnde nephas tantum, confundere protinus omne?  
 Esto igitur, non iusta quidem sit vita malorum,  
 Nempe sacerdotum; sed quis tu Luthere vindex?  
 Num desunt sacriq; Patres, sanctusq; senatus?  
 Num supremus abest iudex, num denique iura  
 Non sunt, quæ iubeant diros punire nocentes?  
 Horum nempe fuit, cunctos quos vindice poena  
 Nouissent dignos compescere, premia dignis  
 Reddere, cuique suum ius & seruare decebat.  
 Stulte quibus causis aut quo vesane colore  
 Criminis euites aciem, scelerisq; notari  
 Effugias? si cuncta Deum tu iura hominumq;  
 Confundis? si iudicibus Patribusq; relictis  
 Seditione graui conturbas omnia? nec vis  
 Pontifici parère sacro, nec legibus ullis,  
 Exemploq; tuo ac verbo vis cogere vulgus,  
 Imperiumq; auersari, & contemnere cuncta  
 Iura hominum, diuina etiam sanctumq; timorem  
 Spreuisse, & laxas vitis effundere habenas.  
 Scilicet hoc pietas fuit & prudentia magna,  
 Atque sacerdotum compescere crimina? nullos  
 Esse sacerdotes, nullum voluisse senatum,  
 Pontificem nullum, prætorem denique nullum,

niam honestare hæreticus ille, conatus est.

Lutherus sic confirmat: Videbā multa in populo Christiano geri, quæ mihi visā sunt indigna Christiano nomine. Rationem Martini sic labefactat Poëta: Paucorum crimina non sunt omnibus afferenda; hoc enim maximè iniustū est. tu paucorum crimine omnes dānas, ergo iniustissimus es.

Aliud firmamentū: si maxime verum esset quod dicis, tamē tuum officium non erat vindicare. sequitur ergo te no uarum rerum cupiditate impulsū, maximos tumultus excitasse.

Colligit impium & imprudentissimum fuisse Lutherum. ab euentu arguit sic: Cū tu omnes sacerdotes & pontifices de medio tolle-

re coneris, sequitur  
te noluisse Christia  
nos mores corrigere,  
sed perdere: unde  
consequens est  
te mentiri.  
Inuehitur in Luth  
rum, quod maiore  
confusioem in re  
ligionem intuleris,  
quam quæ apud in  
feros est.

*Vindictibus populum priuare, ac religionis  
Vincula discutere, ac mundum sine legibus esse.  
Quod nec in infernis sæui penetralibus orci  
Posse manere putem: nam quamuis ordinis illic  
Nulla subest ratio, quamuis confusio cæca  
Illic sit, sua iura tamen seruantur & illic,  
Nec temere quisquam tenebrofi in carceris antro  
Aut patitur pœnas sæuas, aut tristia damna:  
„Omnia sunt firmata suis iam legibus, absque  
„Legibus ipsa etiam Plutonia regna perirent.  
„Tres igitur sunt hæ quas confirmatio partes  
„Versat agens: est una fides, est altera pondus,  
„Est firmamentum, quod semper percutit hostem.*

Summa.

De figuris quibus  
Orator in confir  
mando utitur: dux  
autem plerumque  
argumentandi for  
mæ sunt, altera est  
inductio, cum argu  
menta prudenter ac  
cumulamus, & ita  
disponimus, ut ab  
aduersario conce  
dantur; ex quo se  
quitur concedende  
conclusionis neces  
sitas.

Quid inter indu  
ctionem & exem  
plum differat.

Inductio minus ar  
tificiosa est, sed ad  
probandum fortis  
sima.

*Confirmat. Rhetor formis persæpe duabus  
Interdum formans geminis dicenda figuris,  
Quas disceptandi docta traducit ab arte;  
Ille quidem sæpe à simili vel compare rerum  
Natura accumulatur, quæ non timet esse neganda:  
Hæc ubi constituit, studioquæ latente probauit,  
Proposuit prudens hosti, iussitquæ fateri,  
Protinus incautum inuitumquæ opprimit, atque  
Propositam trahit in causam, & concedere cogit.  
Hæc nostris logicis Inductio dicta figura est,  
Sunt qui exempla vocent. Sed nos exempla vocamus,  
Quando à personis personarum quoque gestis  
Argumentandi vires inducimus: at cum  
Ab reliquis rerum naturis pondera, vimquæ &  
Argumenta trahis, simplex Inductio tunc fit:  
Hanc sequitur natura magis formamquæ frequentat  
Sæpius, & minimum pars hæc producitur arte:  
Nam facile & pronum est inducere: rustica turba  
Et pueri inducunt, dedit hoc natura benigna  
Omnibus expositum; quare & vis maxima in illo est  
Ordi-*



*Ordine, nec Veneris minimū minimumque decoris.*

*Altera forma licet natura in finibus orta est,  
Artis habet magnam partem, ingenijque disertum,  
Et vulgo semota magis, doctisquē propinqua,  
Non aliena tamen penitus, non abdita vulgo:  
Namque usus persape monet, tractatque frequenter  
Hanc formam pueros inter, turbamque minorem:  
Ut credas ē natura radicibus ortam:*

*Hac nomen vulgare tenens à fonte sororum  
Auersum, cupit efferrī numeris pedibusque  
Aptius, unde illi vates Collectio nomen  
Fecerunt, Gracas perdocti exponere voces.  
Ergo tribus constat collectio partibus; una est  
Maior, habens claram lucem, rebusque probandis  
Conueniens: sequiturque minor, quæ assumptio multis  
Dicitur, assumens quam vis convincere partem.  
Tertia pars vulgo logicis Conclusio dicta est;  
Dicta quoque à multis intentio saepe Poëtis.  
Has tibi ieiuno tradit sermone diserta ars,  
Quam Logicen dicunt, tantum confingere sueta  
Argumentandi nudas sine robore formas;  
Quas ubi Rhetoricis Orator saepe figuris  
Ornauit, dicens, verbisque modisque decoris  
Exhibuit, tantum Veneris præferre videntur,  
Ut cunctos moueant sensus, ducantque trahantque,  
Ac rapiant cunctos, cunctorum pectora pulsent:  
Ipsū præterea logicum magnūque probandi  
Artificem fallant; miratum tanta decoris  
Munera, qui non agnoscat sua fila, suū nec  
Inclusum sentiscat opus, sat Rhetoris omne  
Esse putet: tantæque exardeat artis amore.  
In genere hoc illud cupiam te advertere lector,  
Sæpe aliquam partem studio properante relinqui*

*Huius*

Altera argumenti  
di forma ratiocina-  
tio, à Poëta Collec-  
tio appellatur, vo-  
ce è Græco verbo  
Κυλλόγιον  
traducta.

Collectiōnem vo-  
cat, alludēs ad illud  
Persij: Mendose col-  
ligis, inquit Et lu-  
uēnal. Cōtinuò me,  
cum sic collige.  
Ratiocinationis  
partes secundum  
peripateticos tres  
sunt, maior siue  
propositio, minor  
siue assumptio, con-  
clusio quam com-  
plexionem vocant.

De Enthymemate,  
quod & ipsū rati-  
onatio, sed trun-  
cata est, altera ex  
duobus primis par-  
tibus deficiens.

*Huius, quæ nobis dicta est collectio, formæ;  
Sive quod id ratio variandi postulet ipsa,  
Seu vehemens petat id dicentis & impetus, ut qui  
Festinet, damnetq; moras, & feruidus hostem  
Urgeat, Enthymema genus hoc dixere priores,  
Nec genus aduersum est primis, ast curta secundi  
Et contracta modo species, sed viribus una:  
Ac librata pari momenti pondere, tantum  
Commoda & ad facilem captum & torquerier apta.*

De elocutione, quæ  
propria Oratorum  
est.

*Artis opus propriū tandē, & pars optima restat  
Nunc referenda mihi, cuius sine munere nullus  
Orator dicendus erit, fortasse disertus  
Quisquam erit, inuentis felix, atque ordine felix,  
Ceteraq; ingenij teneat præconia, laudem  
Orantis tamen huic numquam concedere nostra  
Musa velit, quicumque caret vel lumine tanto  
Dicendi: huic parti nomen fecistis Athena  
Sæpe ῥήτωρ, quam Romano sermone vocamus  
Eloquium, siue huic affinia nomina voci  
Tu tecum meditêre, meis non apta Camenis:  
Nec faciles cessura pedes in vincula nostri  
Carminis, obliquo cupiam seu tendere casu  
Retia, vel cupiam ductu præcludere recto,  
Effugient quocumque modo, labentur, & arctos  
In numeros numquam venient legemq; seueram.  
Unum igitur nomen, quo rem nos sæpe vocamus,  
Sit satis eloquium, dum rem cognoscimus ipsam,  
Et partes, viresq; omnes numeramus; id est, quod  
Conandum institui, non artis nomina cuncta  
Tradere, sed facilem ac dulcem pede carminis artem  
Efficere, at voces & nomina tu tibi magnis  
Cuncta voluminibus quæres, quæis prisca virorum,  
Et noua quæis constat sapientia, protinus artem*

Eloquium in car-  
mine quadrat; elo-  
cutio autem non  
quadrat neque in  
recto casu, neque  
in obliquo.

Cum

Cum teneas nostram, mox cunctas consule chartas:  
 Eloquij praecepta tibi discenda paramus,  
 Quam partem certè Orator sibi vendicat unam,  
 Cetera fortassis natura aut munera dicas,  
 Aut accepta alius referantur ab artibus: ast hanc  
 Qua eloquimur partem nulli debere fatetur  
 Orator, nisi Rhetorica studioq<sub>3</sub> perenni  
 Dicendi: hos tantum est assueta agnoscere semper  
 Nec fines alios emensa est, prima tuetur  
 Limina, priuatosq<sub>3</sub> lares; sed nomina tanta  
 Hic habet, ut meritò orandi sibi præmia palma  
 Sola olim tulerit, tantum & dicendo valeret  
 Quisque, huius quantum partis Veneremq<sub>3</sub> modūq<sub>3</sub>  
 Perciperet studio ac usu, atque in publica ferret  
 „Commoda, finis enim cunctis hic artibus unus.  
 Totum igitur genus hoc nostro quod nomine & arte  
 Dicimus Eloquium, cuius momenta putamus  
 Maxima, non multis id constat partibus; id tu  
 Mente animoq<sub>3</sub> queas facile ut comprehendere: namq<sub>3</sub>  
 Membra duo eloquij formam totamq<sub>3</sub> figuram  
 Perficiunt, unum est selectis omnia verbis  
 Dicere, quæq<sub>3</sub> tua non sint nimis absõna lingua;  
 Sed tu Romano cupias, seu dicere Graio,  
 Hispanumve forum dicens Gallumve frequentes,  
 Seu magis Hetruscum cupias impellere gentem  
 Dicendo, seu Germanos de religione  
 Compellare pares: namq<sub>3</sub> omnibus omnia linguis  
 Artifici proferre modo prohibet nihil, & si  
 Barbara, & à nostro nimium distantia celo  
 Gens fuerit, Graci penitus rudis atque Latini  
 Sermonis, tamen hæc numquam fraudata loquendi  
 Usibus egregiis, ipsorumq<sub>3</sub> auribus apto  
 Verborum dulciq<sub>3</sub> sono, suauiq<sub>3</sub> lepore.

Artium omnium  
finis, utilitas pu-  
blica.

Elocutio duabus  
rebus constat, ver-  
borum & senten-  
tiarum elegantiæ.

Nullam esse linguã  
quæ eloquentiæ  
non sit capax.

Hercu-

Probat in barbaris  
linguis elocutioni  
locum esse, Hercu-  
lis Gallici exemplo

*Herculeum quondam eloquium mirata vetustas  
Gallica, qui potuit propellere pectora dictis,  
Inque aures docta connectere vincula lingua,  
Frenaque in immanes populos, queis tota moueri  
Turba hominum, vocisque sequi moderamina dicta est.  
Barbara Theutonicis lingua est, collisacque multis  
Partibus, & nostris omnino dissona verbis;  
Sed tamen inuenit dicendo verba modosque  
Lutherus, heu dirum nostro quoque tempore monstrum,  
Religionis onus, pestis & terrima sancta:  
Quemque Giganteo conceptum semine tellus  
Sua paraturum in sanctos molimina diuos  
Aedidit, anguineo perfundens ora veneno:  
Hic ergo inuenit dicendo verba modosque,  
Queis falsum suadere nephas, corrumpere Christi  
Fus potuit, populosque suis erroribus actos  
Precipiti Stygios cursu propellere in omnes:  
Tantum igitur studium lingue patrique leporis  
Contulit huic, quamuis vocum sit barbarus usus,  
Ut non vera, tamen turpi temerarius ausu  
Suaferit, & multis populis persuaferit, usque  
Ad gladios ignisque rogi, & discrimina mortis  
Maxima, que nostro perpeffos cernimus auo.  
O superum veneranda cohors, auertite vestris  
E populis immane nephas, diramque furorem,  
Ne serpat contacta lues, atque impleat orci  
Non exoratas undas, Stygiamque paludem,  
Inque ipsum sceleris tanti fraudisque nephandæ  
Auctorem extremo conclusum carceris antro  
Fulmina, tela, faces saeuas, ignisque perennes  
Et volucres, furiasque omnes, atque omnia tandem  
Tormenta, & tristes cunctas immittite pœnas.  
Sed redeo, ne dum commotus pectore acerbo*

Probat idē Lutheri  
exemplo, qui cum  
non doceret veri-  
tatem, tamen ob e-  
loquētiam Germa-  
nis suam lizrefia  
persuasit.

Exclamatio cum  
deprecatione.



Tot maledicta, tamen minus hac expleant mentem,  
 Accumulem. Dabitur tempus, quo falsa profectos  
 Confringam, validisque impugnem multa lacertis.  
 Tu tantum dux esto meis Christe optime votis,  
 Nazaridum decus aeternum, verique bonique  
 Auctor, & infernis numen trepidabile regnis.

Eloquij pars una tibi constabit in ipso  
 Verborum satis electo cura que petuo  
 Iudicio, neque enim tibi quae sese obuia cuncta  
 Obtulerint, mox admittes, cupiesque referre:  
 Multa tibi pensanda prius, voluendaque multa,  
 Ut referas ipsis coniuncta & commoda rebus;  
 Cuncta quidem nouisse volo, vel & ultima nostrum  
 Verba Oratorem, tamen hac sibi condita certis  
 Discretisque locis cupiam, si quando parabit  
 Dicere, ut inueniat propriis quadrantia causis.  
 Nulla etenim vox esse queat, modo prodita constet,  
 Et certo signata usu, quae sola vagari  
 Debeat, incerta aut nulla sociabilis ansa,  
 Sunt propriae sedes cuique, & loca commoda cuique.  
 Hac igitur voluenda tibi non ultima cura  
 Traditur, in nostram quisquis diuerteris artem,  
 Ut tibi cunctorum verborum regula certa  
 Constet, & ad qualem legem, sinemque, modumque  
 Pertineant, prudens discernas; inque tuum ius  
 Dispositis promenda locis tibi cuncta recondas:  
 Tum metire, suo cum tempore res petet ultrò,  
 Quae rebus quadrent ipsis, iungantur & apte,  
 Ne rerum pars nuda breui sit nomine, & ultra  
 Promineat tenuis spectanda & voce minore,  
 Eleuet atque graues causas, & pondera rerum,  
 Neu maius nomen grauiusque & viribus impar  
 Indueris rerum, ex nano faciendo gigantem:

Prior elocutionis  
 pars, verborum ele-  
 ctio.

Vocum omnium  
 cognitio tenenda, sed  
 iudicio estimandū,  
 quae verba quo in  
 loco quadrent. una-  
 queque enim dictio  
 suam habet sedem.

Magnis rebus mag-  
 na, mediocribus  
 mediocria, exiguis  
 paria verba sunt  
 accommodanda,

Nec

*Nec deceat: sed & ipsa suo cum nomine parua  
 Res cadat, inq̃ sinu pendens reuolutaq̃ue lato  
 Ridiculam speciem, vanum quoque præbeat usum.  
 Verba igitur grauib⁹ rebus quadrare recusant  
 Exigua, & vitium magnūque admissa ruborem  
 Concipiunt, summas non attingentia partes.  
 At contra leuibus rebus componere magna  
 Nomina ridendum est, ceu tentes fundere longis  
 Utrib⁹ humorem exiguum, sonat intus, & vsque  
 Vertitur, extremas semper versatus in oras.  
 Cetera vel vento complex, vel inania linguis.  
 Sint tibi nota prius dicenda orandaq̃ue cuncta,  
 Alter & inde labor, quo sint sermone ferenda  
 Prospicere, & paruis componere tantula rebus  
 Nomina, sed grauib⁹ rebus coniungere magna.  
 Verba pares, formis spaciisq̃ue capacibus apta.  
 Si mediocris erit res, sint mediocria uocum  
 Pondera; ne, quando describis prælia, propter  
 Arbusta & salices glaucas lymphasq̃ue liquentes  
 Inter barbatos hircos capreasq̃ue fugaces  
 Hac pugnare feras quam forti pectore & armis:  
 Sed præstare canas saltu cornuq̃ue ferire:  
 Nen rursus regumq̃ue ducumq̃ue micantia dicens  
 Pectora, bellorumq̃ue vices, & vulnera seua,  
 Hic, dicas, fugit, hic currit, contingit, & illum  
 Percutit, atque manus imponit, calce feritq̃ue.  
 „Natura inuenit res nobis, nomina rebus  
 „Commoda nos ratio atque usus reperire coegit.  
 Iudicio querenda igitur, causisq̃ue probanda.  
 Sed tamen & propria voces & nomina lingua  
 Querere præmoneo, peregrinaq̃ue cuncta cauere  
 Absona sermoni, & nimium distantia vulgi  
 Auribus, illa etenim non intellecta parabunt*

Exemplis illustrat  
præceptum.

Magnis rebus mag-  
na aptantur verba.  
Humilia verba in  
magnis rebus ut  
deceant.

Utile

Utile nil, laudis dicenti prater ea nil,  
 Tantum affectantis nomen seseque parantis  
 Ostentare alias voces & nomina doctum;  
 Quod vitium fuge tu, quisquis mea carmina laudas,  
 Atque artem cupis orandi pertingere. Nam cur  
 Si suadere paras alijs res, vteris istis  
 Vocibus & Delio dignis interprete, vel quas  
 Respuat, elusum dum sese indicat abs te,  
 Auditor, tamquam cupias ostendere, voces  
 Quas tenet is, nimium communes, te modo doctum  
 Produxisse novas, quas non intelligat ipse?  
 Sic nuper iuvenes vanissima pectora nostri,  
 Quorum forte tibi sunt cognita nomina Gaspar;  
 Nescio quid magnum egregiis virtutibus ausi,  
 Scriniaque & folles defraudauere paternos,  
 Atque auri quodcunque senex contraxit auarus,  
 Eripiunt, cunctasque parant inuisere partes  
 Orbis, & immensos terra pelagique labores  
 Durare, ut tandem rerum prudentia maior  
 Visendi studio doctis cupidisque paretur;  
 Neue domi segnes rudis atque inopina senectus  
 Occupet, & vitam videantur ducere inertem.  
 Italiam fato profugi Ligurinaque vix dum  
 Littora calcarunt, cum iam remeare, laresque  
 Exoptant proprios saturi fessique laborum,  
 Dulcis amor patriæ, patriam repetamus amici,  
 Desertosque focos, & dulcia fercula matrum,  
 Quas nimis heu mœstas facimus, lachrymasque peren-  
 Cogimus & tristes pro nobis edere planctus. (nes  
 Iam satis audendo terraque, marisque, repertum est,  
 Dum vaga ter Phœbes minuit, ter cornua complet:  
 Iam tribus (heu nimium) lunaribus absumus annis.  
 Talibus inde domum dictis patriamque reuifunt,

Iranie,

 Annis lunaribus, id  
 est, mensibus.

*Miranturque alias facies, & pondera rerum  
Mutata, & quas virides liquere profecti  
Arentes nimium mæsses canescere, quodque  
Creuerit in longos tunc nata cucurbita ramos;  
Iamq; nimis docti inuenes rerumque periti  
Nil nisi inauditas voces, noua nomina rerum  
Italico accentu crepitant, damnantque paternos  
Sermones, & verborum formamq; struemq;  
Nostrorum inuidiamq; mouent, cum cætera turba,  
Turba puellarum & inuenum mirata loquentes  
Suspicit, & tales iam concrepat anxia voces.*

Redit ad commen-  
dandam sermonis  
puritatem.

Quando nouis ver-  
bis utendum sit.

*Nostra sit, at numquam sermonem linguere cura,  
Vocibus & patriis cuiusvis dicere linguae;  
Nec nisi vel rerum nouitas, cum nomina resque  
Sunt aliena, nihil noua nos inducere cogat:  
Vel saltem si pulchra subest sententia linguis  
In reliquis, veniam possit concedere quisquis  
Audierit, sed rara tamen, quæ præbeat usum,  
Nec sese ostentans, sed factis commoda nostris,  
Atque decens & mox dictis clarescat ab ipsis.*

Quis fructus perci-  
piatur ex nouarum  
vorum affectatione

*Quisquis eris vocum nimium studiose nouarum,  
Dedecus inuidiamque tibi denuncio, si non  
Sint accepta tuis inuenta vocabula curis;  
Et modicam laudem, si sint accepta; parabis  
Vitare ingentes igitur cassosque labores.*

De verbis antiquis,  
quare eos ea permi-  
tatur.

*In verbis tamen antiquis est gratia maior  
Et grauitas, si rara etiam selectaque si sint,  
Nec cura suspecta nimis, sed credita casu  
Oblata, aut proprio dicentis cognita in usu.*

De verbis compositis.

Græci felices in co-  
mpoendis verbis.

*Compositis seruanda eadem ratioque modisque;  
Unica compositis felix est Gracia verbis  
Pluribus una modis voces committere multas  
Ausæ, sed obtinuit longo usu, dum sibi laudem*

*Ambitio-*



*Ambitiosa parat, dum multaque dicere tentat.  
 Has sibi diuitias inuidit cetera turba  
 Linguarum, parcat multum componere sermo  
 Nomina Romanus, tantum compingere verba,  
 Non tamen & temere assuetus, nam temperat, & se  
 Cogit in angustas leges, contenta paratis  
 Vocibus, inuento cuius inimica recenti.  
 Itala lingua quidem vocum splendore, modisque,  
 Et numeris diues, tenuis componere tantum.  
 Gallia nominibus doctas imitatur Athenas  
 In componendis. Germanica barbaras nobis  
 Ignota, & de qua nullum promittere possum  
 Iudicium, tantumque paro proponere linguas,  
 Quas didici, & teneo. Patrij sermonis egestas  
 Nulla quidem, quamuis multis Hispania linguis  
 Diuisa est, at cuius tamen sua munera sunt sat,  
 Copia nulla deest verborum, nullaque rerum,  
 Dum modo non desit qui recte deligat usus,  
 Sed nimium tenuis concessa licentia nobis  
 In componendis tum verbis tum ve nouandis:  
 Utere iudicio in cunctis, penitusque memento  
 Orandi non esse tibi leue munus, ut inde  
 Securo liceat dormire, & stertere in aurem  
 Utramque: at nimio studio curaque paranda  
 Multa tibi non res solum, sed nomina, voces  
 Multimode, quorum causas & pondera doctus  
 Prospicias, & certa pares in tempora, quidquid  
 Perpersum lectumque, tibi vel compositum sit.  
 Nam quo alio speres pacto pervincere cunctos  
 Dicendo, magnamque tibi contendere palmam?  
 Cum pariter valeant omnes coniungere voces,  
 Et motus & cuncta animi meditata referre,  
 Si non assiduam curam, instansque laborem*

Latinis præter ver-  
 borum ex propo-  
 sitionibus compo-  
 sitionem res admo-  
 dum compeditorum  
 est usus.

Italorum verbo-  
 rum ratio.

Gallicæ voces, qua-  
 les.

Hispanorum verbo-  
 rum ratio & natura.

To diligentior es-  
 se debet cura be-  
 ne & ornate dicen-  
 di, quo plures hoc  
 munere superindis-  
 sunt. Namque loqui  
 omnibus datum est  
 hominibus, bene-  
 tem loqui his solū,  
 qui studio & cura  
 ceteros superato  
 student.

*Impendas verbis ac rebus protinus illis,  
 Quæ temere & nullo studio profunderè nouit  
 Cætera, vulgarem rapitur dum, turba, per vsum,  
 Vtere compositis tandem, componere parce.  
 Nec nimis auriculis credas, examina vulgi  
 Te fallent, nam sæpe solet noua nomina vulgus  
 Et modo composita prægrandi admittere plausu:  
 Post ubi iam ventosa videt, commentaq; tantum,  
 Verborum, cui nulla subest sententia, tandem  
 Negligit, & vacuas patitur diducta per auras  
 Protinus illa suo cum magno autore perire.  
 Vidimus in nostris (nec multum viximus) annis  
 Scriptorum ingentem cumulum, quæ vulgus inertè  
 Susciperet studio, nocturnæ diuque teneret  
 In manibus, caneretq; forent si carmina, si non,  
 Attamen assidue legeret quæ & lecta referret.  
 Illa autem nuper tantum laudata, videmus  
 Vilibus officium solum præstare tabernis,  
 Ut piperis thurisquæ ferant reuoluta maniplos,  
 Aut elementorum pueris inuisa rescindi,  
 Nempe sua leuitate perit, quodcunque sine arte  
 Est opus, & nullis innixum viribus, ut flos  
 Qui neque odore placens, nulloque probabilis usu,  
 Exhibeat speciem tantum gratumque nitorem.  
 Tantum operis tantumque perit cura atq; laboris,  
 Si non te ratio, ast vulgi sententia ducat.*

*Magnus in hoc genere est nostro quoque tempore Petrus  
 Veleius claro Gaspar tibi sanguine iunctus,  
 Et mihi amicitia, quo nunquam charior alter  
 Montano, cui Montano non charior ullus;  
 Constamus paribusque animis paribusque elementis,  
 Corporis imparibus modulis, tamen una voluntas,  
 Inque bonis una est sententia, nec male quicquam*

Prudentissimū do-  
 cumentum, ne sem-  
 pervulgi iudicium  
 expectetur. Vulgus  
 autem solet noui-  
 tate verborum de-  
 lectari, quam qui  
 sequitur, sui tandē  
 nominis iacturam  
 facit,

D. Petrum Veleiū  
 virum inter nobi-  
 les eruditissimum  
 & inter eruditos  
 nobilissimum lau-  
 dat, cuius scripta  
 eleganti dictionis  
 stylo commendan-  
 tur.

*Annuat is, quamvis male quid me velle putarit;  
 Ingenio quantum valeat cognouimus omnes;  
 Cum docto sermone libros componat, ubi omne  
 Et rerum decus eximium veneremque loquendi  
 Exhibet. Exposuit nuper sanctissima dicta,  
 Et vitæ præcepta, quibus sapientia sese  
 Insinuat, dulci eloquio blandoque lepore.  
 Maxima præterea Latio sermone parare  
 Ingenij monumenta sui non desinet usque,  
 Quæ legum & iuris nodos exoluere cacos,  
 Iustitiæ & faciem possint ostendere certam,  
 Grataque sermonis specie, quo cultior alter,  
 Quemue suum magis agnoscat pater ipse Latini  
 Tullius eloquij, & dulcis Polyhymnia, non sit.*

Alibi ad librum  
 quem Petrus Ve-  
 leius edidit, cui  
 titulus est, SE-  
 LECTÆ SEN-  
 TENTIÆ.  
 Idem Petrus utilif-  
 sima opera de iuris  
 & æquitatis ratio-  
 ne composuit, quæ  
 nōdum edita sunt.

» *Esto igitur semper proprii sermonis amator,  
 » Et conare nouas non intermittere voces,  
 » Nihil ratio & rerum nouitas id postulet, ut sic  
 Dissimules studium, & tantum dixisse puteris,  
 Quæ res ipsa petit pro causa & pondere causa,  
 Esseque sollicitum de rebus sentiat ipse  
 Auditor, ac pro vero certare paratum,  
 Non pro dicendi fūco contendere inani.*

Curandum esse va-  
 auditores maius  
 circa res, quàm cir-  
 ea verba studium  
 agnoscent.

*Idem unusque labor disquirere consona rebus  
 Nomina cum verbis, atque hæc connectere purè,  
 Structuramque aptam vocum & persæpe receptam  
 Usibus autorum aut populi in sermone referre.  
 Nam mens occultio connectit singula motu,  
 Connectitque alias res rebus, tempora, partes,  
 Atque modos varios, & cetera prospicit intus,  
 Coniungitque agitans, nec solum quæque docenda,  
 Quæque putat discenda, sed & quoscunque dolores  
 Sentiat, & curas, & quæ speratque, timetque,  
 Affectumque omnem mens concipit, inde proferri*

Hactenus de ver-  
 borum electione,  
 nunc vero de ipso  
 rum structura.

Animus suos intus  
 format conceptus  
 quos oratione ex-  
 plicat, nunc indi-  
 cando, nunc vero  
 optando, imperando  
 & alijs modis.

*Percupit, atque parat cognata vocabula rebus  
Conceptis, & quam seriem nexumve tenere  
Res videt, hac serie & nexu coniungere voces  
Curat, ut aequales motus similésque figuras  
Alterius menti insinuet, referatque loquendo.*

Constructio verborum vitata esse debet & communis loquenti & auditoribus.

Grammatici de Syntaxi agunt, quæ duplicem sermonis rationem considerat, videlicet simplicem & figuratam.

Sunt enim diuisionis figuræ suoloco positæ ornamenta non vulgaria oraticuius.

*Ergo opus est proprius verborum constet utriusque  
Vsu, & ex aquo referatur mentibus una,*

*Quæ res, quæ rerum species ostendat, imago:  
Hanc sibi Grammatici partem sumpsere probadam,*

*Syntaxim Græco dicentes nomine, per quam*

*Optima verborum series ordoque paratur;*

*Namque solæcismos cunctos docet illa cauere:*

*Nec solum plano ac proprio sermone proferri*

*Sit satis, interdum admittit vel schemata, vel quas*

*Ordinis appellant illi vocumque figuras,*

*Quales syllepsis varias, vel Zeugmata, dicunt,*

*Atque alias quibus utuntur persæpe poeta,*

*Quæque decent arcto constrictum compede versum:*

*Et nostros, si rara tamen productaque docto*

*Indicio, auctorumque usu; nam copia fandi*

*Liberior quanto fuerit, minus atque seueris*

*Legibus addicta, hoc simplex magis, atque modesta,*

*Atque minus petulans dicendo debuit esse.*

*Quodque datur venia, ne stulta licentia fiat,*

*Et decus in vitium vertatur turpe, cauendum est.*

*Sunt etiam quedam linguæ ornamenta, sonoras*

*Reddere quæ possunt voces, blandæque fluentes,*

*Quæ facile obseruare potest, præstareque quisquis*

*Non nimis obtusa voces præsentiat aure;*

*Nec labor hæc magnus curare est, magna tamen laus*

*Id curare fuit, quoniam fastidia multa*

*Ille cauet, quicumque sonum vocumque nitorem*

*Prospectit, & curat, ne se collidere voces*

Aliæ obseruationes in sermone non præmittendæ, ut sunt Cæophonix, collationum & sibilorum vitatio.



*Asperiore modo iuncta, ne offendere linguam,  
Dicentis possint, aurēsq̃ue ingratus vsque  
Tentare, ut quando se consona litera duro  
Multiplicat nexu, neque fit sociabilis ipso  
Concursu; exemplis hoc fiet clarius ipsis:*

- ” *Si dicam, præsens venias, præsēsque petenti*  
 ” *Auxilium magnum, magnisque & viribus adsis.*  
*Neue etiam crebris frangatur hiatibus ulla  
Formula dicendi, multis vocalibus ora  
Multiplici rictu diducat, & hiscere cogat:*  
 ” *Omni ego te officio atque omni tu amplectere amore,*  
 ” *Me ut reames simili affectu, ingenue atq; rependas.*  
*Et crebro repetita tibi sit litera nulla, ut*

- ” *Tanta tenet totum tristem turbatio mundum.*  
*Nulla eadem tibi vox fuerit repetenda frequenter,  
Assidue obtundens miseras cum mentibus aures:*

Eiusdem vocis ingrata repetitio.

- ” *Quod ratione nequit rationi ostendier, illa*  
 ” *Nec ratio dicenda quidem, aut ratione probanda.*

*Illud in his etiam vitij vitare memento,  
Ne simili casu voces lenitate laborent,  
Dum nimium affectas sonitu componere eodem  
Verborum fines: periit nam pondus & omnis  
Dicendi gravitas, ubi quicquam crebrius equo  
Ingeris; at varijs hominum natura animusq;  
Gaudet, & ex omni variatum parte probamus:*

Homioptoton, cum suo in loco decet, maximū tamen vitium est, si sit frequens.

- ” *Namque leue est nimium, nimium repetisse colentes,*

Varietatem ut in omnibus rebus, ita in dicendo iucundam esse.

- ” *Gaudentes, flentes, amentes, forte & amantes;  
Præterea concisa nimis si oratio constat  
Partibus exiguis membrorum & mole minori,  
Lassat dicentem crebro conamine, lassat  
Hunc quicumque audit, nec molli tendere gressu  
Permittit, trepido rapiens per singula saltu.  
Hoc Seneca vitium magna præconia laudis*

Periodi in oratione suum modum habere debent, ne nimis sit longi, aut concili nimis.

Anneus Seneca suum usalioqui

vir dum philosophicas disputationes tractat, crebris & concisissimis periodis laborat.

In dicendo semper à leuioribus ad grauiora procedendū, ad naturę imitationem.

Exemplum huiusmodi processus.

Pulchrè admonet vitia parua interdum in oratione decere naturę exemplū.

Vitium igitur in oratione exiguum & decet & ad fidem faciendam confert, cum non tantum artis suspicio auditoribus detur.

*Imminuit, dum crebra nimis sententia curto  
Vix bene clausa gyro verborum concitat, atque  
Angit anhelantem lectorem saepe, rapitque  
Præcipitem, & spatij semper maioris auentem.*

*Quod superest, quacunque tibi sententia menti  
Insideat, vocum dicenda est ordine qualem  
Natura insinuat; namque illa minoribus vsque  
Principiis veniens paulatim surgit, & amplas  
Inducens partes tandem rem perficit omnem.  
Sic leuiora tibi ponenda vocabula primum,  
Auge etiam maiore sono molimina vocum  
Maiores, atque animos crescens percellere tenta,  
Vt si quem grauius velis exagitare querelis,  
Moribus impuris dicas, & turpibus ausis  
Infamem, scelerisq; omnis fraudisq; nephanda  
Exemplum non auditum, sauumque tyrannum,  
Inuisumque Deis monstrum, mortalibus atra  
Atque inimica lues, auique infamia nostri.  
Interdum tamen & vitium splendere decoro  
Assolet ostentu, quoties in corpore toto,  
Una subest facies pulchri, speciesq; nitorque.*

» Optat amans variare nimis natura, nec vno

» Semper in aspectu contenta est. aspice pulchros

*In pratis flores, cum terras purpureum ver*

*Adueniens cœpit vario vestire colore,*

*Vt deceat multis distincta in partibus: at si*

*Cuncta papaueribus rubeant, vel cuncta ligustris*

*Albescant, ingrata oculis fastidia præbent.*

*Virginis & pulchram faciem vultumq; decorum*

*Sæpe decet nauus: sed & vt sit, fingitur arte.*

*Sic etiam facie in pulchra sermonis, & omni*

*Corpore dicendi vitium irrepsisse probatur*

*In verbis aut verborum compagibus, idque*

*Diffimulare loco fuerit non ultima virtus:  
Fallitur auditor, dum quam sibi tendier artem  
Pertimet, ingenio & cautus sibi prospicit, illam  
Neglectam vultu deprenso indicat, & se  
Suspicionem mala securus liberat, atque  
Te rebus putat addictum, causæque studentem  
Neglexisse modum vocum, sermonis & artem.*

*Una mihi iam dicta satis pars creditur eius,  
Eloquium quod sermo vocat Romanus, Athenis  
Dicta phrasis, cui tota subest iam gratia fandi,  
Quæ puri sermonis habet præcepta, sonumque.  
Altera virtutis tanta dicenda paratur  
Pars, patribus quondam dicta Exornatio nostris,  
Quæ rerum splendore solet vocumque nitore  
Lumina dicendis apponere magna, animosque  
Pertentat, non exiguis & viribus ipsos  
Expugnat, mirisque modis angitque, rapitque,  
Dum vario voces agit at voluitque rotat,  
Verborumque vices & vultus commouet omnes,  
Atque etiam dum res variis percellit, agitque,  
Atque probat reprobaturque modis, nec semper eodem  
Proponit sensu, nec forma perstat in una.*

*Hoc studium fuerit duplex, namque altera cura  
Verborum vocumque usus cognoscere, & artem,  
Non quam Grammaticus possit præstare, loquendi  
Scilicet & recte formas, atque ordinis usum,  
Cuius & in nostris transacta est mentio chartis.  
Sed quedam præcepta tibi proponimus, ad quæ  
Grammatici non assuerunt, ea munera nostræ  
Sunt artis tantum, nam captans commoda vocum,  
Arbitrio voluit proprio, componit agitque,  
Separat & multis contemperat omnia formis.  
Altera non voces tractat, vocumve figuras*

Elocutionis altera  
pars est exornatio,  
ea constat figuris o-  
rationis & senten-  
tiarum.

Has verborum &  
sermonis figuras non  
esse easdem, quæ à  
Grammaticis tradun-  
tur, sed quæ à Rhe-  
toricis propriè con-  
siderantur.

Altera exornatio-  
nis pars in senten-  
tiarum figuris fig-  
est, de qua suo loco.

” Sollicitat, sed rex ipsas & pondera cuncta  
 ” Concipit & varijs effert, monstrátque figuris.  
 Ergo verborum est una exornatio, rerum  
 Altera, multiplici consistit & utraque parte:  
 Quas tibi prescribam, quarúmque exempla docebo,  
 Carmine quo potero, quod mens amplexa tenere  
 Et valeat paucis ediscere versibus, & si  
 Non dulci prescripta tibi sint carmine cuncta.

Repetitio.

Prima mihi occurrit species, optátque canendo  
 Exponi imprimis, nam sedes occupat illa  
 Et loca prima petit, repetit quoque prima loquendi  
 Principia, unde habuit nomen Repetitio, Græcis  
 Antaphora est, partem repetens dicendo priorem: ut,  
 Alcides Nemees vicit strauitque leonem;  
 Alcides Hydram ingenio confecit, & arte:  
 Alcides senos Caci restrinxit & ignes;  
 Alcides arcu Stymphalida monstra peremit;  
 Alcides casus ac mille pericula vicit.

Anadiplosis.

Sapius extremum repetit Conuersio verbum,  
 Hanc Anadiplosin Græci dixere disertí: ut,  
 Hannibal Italiam vicit, armisque, dolisque  
 Vicit, & ingenio constanti pectore vicit.

Complexio duplex  
 verbum utrinque  
 habet.

Complexa est duplex verbum Complexio, utrinque  
 Principium & sinem dicti conterminat, est q̃z  
 Illa loco facies dicendí pulchra decénsque. ut,  
 Vnde doli fraudesq̃z male sunt? propter amorem.  
 Vnde perit pietas & virtus? propter amorem.

Duplicatio.

Sapius at species, que verbum duplicat idem,  
 Ut deceat tamen, & crescat sententia, nomen  
 Conueniens merito huic parti dat duplico verbum.  
 Ut, Verres quidnam esse potest? quidnā nisi Verres?  
 Me, me, adsum qui feci, in me conuertite ferrum.  
 Vivere incundum est, sed dum sit vivere honestum.

Nam



*Nam minus id si sit, non est mihi viuere tanti,  
Hac repetita tibi ratio Transductio dicta est;  
Iudicio tamen ut deceat tractata probatur.*

Transductio.

*Articulus multis succrescens vocibus, & quas  
Nulla tamen necitat coniungens copula partes:  
Ut, Veni, vidi, vici: sermone, sonoque,  
Vocibus, ardenti vultu, conterrui hostem.*

Articulus.

*Quae simili casu referuntur plura, loquenti  
Illa cadunt, similique modo, noménque receperant.  
Commendas hominem tantum mihi laudis egentem,  
Quantum ego cognoui scelerata hunc fraudis habentem.*

Homiopeoton  
similiter cadens.

*Huic similis ferme est species, quando omnia fines  
Membra tenent similes, & pars sibi consonat omnis,  
Vicinum referens sonitum similemque tenorem.*

Homoteleuton  
similiter desinens.

*Inuidiosa mihi sunt, quae tu cuncta parasti,  
Quae studiosa tibi, & quae tu tibi pulchra putasti;  
Parcius hac tamen utendum (mihi credito;) forma  
Elevat assidue repetita hac saepe loquentis  
Momenta & pondus, doctis neque convenit usque  
Auribus, hanc nostro repetentes saepius auro  
Auctores gravitate carent, ut epistola multa  
Mondonide ostendit tibi praesulis, Aureliusque.*

Exemplum.

Modeste his figuris  
utendum esse, quae si  
crebrae sint, oratio-  
nem minus gravem  
reddunt.

*Membra vocant, quaecumque, brevis sunt integra sensu,  
Exiguo & gyro clauduntur & excipiunt se,  
Respondentque sibi, ut nec tu tibi consulis unquam,  
Et facis ut noster recte sibi consulat hostis  
Et patriae officium non praestas. His tribus usque  
Hac constare potest membris, nec plura petenda.*

Membru, cuius par-  
tes non plures quam  
tres.

Exemplum.

*Compar adest totidem numeris ornata figura,  
Quae sibi consimili iungit res pondere vocum: ut,  
Bellum parant alij, tristes agitantque tumultus,  
Festa colunt alij, mensasque epulasque frequentant.  
Paronomon dictum vicino ex nomine ludit,*

Compar.

Exemplum.

Anominatio.

Conciliat

Exemplum.

*Conciliat dictis venerem, cum sorte locoque  
Accidit, ut quidam Neronem saepe Meronem*

Datus Terentianus

*Dixerat: amentes compellat Dauus amantes.*

Onomatopœia figura.

*Est etiam quadam fingendi nomina virtus,  
Qua voces petit à rebus, sentire putabis*

Exemplum.

*Res ipsas, non verba modo demissa per aures:  
Hinnit equus, rapidique ruunt de montibus amnes,  
Rara quidem nos hæc: sed Græca licentia fingit  
Vberiore modo; cunctis pars nota poetis.*

Antonomasia figura.

*Antonomos propria nil dicens voce, trahensq;*

Exemplum.

*Exterius nomen; nam si quis dicere Homerum  
Tendit, Mæonidem dicit, dicitve poetam.*

Socratis Antonomasia

*Et sapiens dulciq; senex vicinus Hymetto.*

Cognatorum figura.

*Cognatis aliud partes denominat omnes  
Vocibus, à propriis tantum abstinet, haud tamẽ est res*

Exemplum.

*Clara minus, Bacchum cum sentis dicere vinum;  
Atque fruges Cererem, iure hoc agnosce petitum.*

Abusus figura.

*His similis mihi se demonstrat abusus, cuius  
Arbitrio impropriis est quisquam vocibus usus;*

Exemplum.

*Et cognata petit iam certis legitimisque  
Depositis. Numerum dicens pro pondere, pondus  
Pro numero, breuibusq; solet confundere parua.*

Ellipsis verborum.

*Sæpe etiam dum festinant, seseque vicissim  
Impediunt, properantque nimis prodire, labrant  
Verba, neque integro prorumpunt omnia sensu:  
Vnde fit ut desit verbum, cuius tamen ipsa  
Postulet officium constans oratio, siue id  
Precipiti affectu dicentibus impediatur,  
Dum feruet trepidatq; nimis mens, linguaq; non quit  
Excipere hæc tam multa simul simulacra loquendo,  
Quæ cupiens efferre animus, multumq; morari  
Impatiens, efferre tamen conatur, at ipso  
Impete præripiunt egressus ultima verba,*

Prima-

*Primaque deficiunt, unde hac defectio dicta est:*

- » *Cum magis affectu atque tono vocisq<sub>3</sub> tenore*  
 » *Qua verbis quisquam sese exprimit, aut properando*  
 » *Dimittit reticetq<sub>3</sub> aliquid, cuius mihi sensus*  
*Difficilis nimium non sit: reticentia verbi*  
*Dicta olim, pars hac multum cognata priori.*  
*Tene ego, te nate o, prima miserande iuventa,*  
*Tene ego, qui primus Stygios inuisere lucos*  
*Debueram, lethiq<sub>3</sub> graues habitare tenebras?*  
*Hoc prima exemplum formae. Ast hoc alterius sit,*  
*Per superum sedes iuro, per fulmina magni*  
*Patris, & astra simul radiantia nocte serena,*  
*Si non fraude mihi raptos fur pessime tauros;*  
*Sed quid opus iurare? dabis dabis improbe poenas.*

*Apoliopetis, ve rbi  
reticentia.*

*Exempla defectio-  
nis & reticentiz.*

*Ad fabulam Apollu-  
nis & Mercurij allu-  
dit.*

*De Metaphora figu-  
ra, quam permuta-  
tionem appellat.*

- Ultima quae in verbis nobis ponenda figura est,*  
*Multum habet & veneris, cum certa inducitur arte;*  
*Estq<sub>3</sub> frequens vulgi sermonibus, inde tamen non*  
*Sit repetenda tibi, temere at tu prouidus illam*

- » *Iudicio admittas docto, nam saepe figura*  
 » *Displicet, ingratumq<sub>3</sub> facit quod diximus, ut si*  
 » *Affidua, aut nimis obscura, aut deducta remotis*  
*A rebus, nostroque nimis distantibus usu.*

*De figurarum usu,  
iudicium & prae-  
ceptum optimum.*

*Nomen & huic dictum sit permutatio parti,*  
*Scilicet à propriis quando quis vocibus audet*  
*Diuertisse, petens similes res, verbaque promit*  
*A simili rerum facie & virtutibus iisdem,*  
*Seu vitiis, augetque modum minuitve loquendo,*  
*A viuis ad viuatahens, ad viuaque rursus*  
*Non animata ferens, omniq<sub>3</sub> carentia sensu;*  
*Rursus ad hac queis vita deest, viuentia flectit:*  
*Et genere in simili componit inania vitae:*  
*Ut durum si quis socium silicemq<sub>3</sub> vocarit*  
*Vel robur, rigidoque ferat praecordia ferro,*

*De rebus unde Me-  
taphora manifestatur.*

*Exempla Metaphorae.*

*Mori-*

Metaphora non solum in nominibus, sed in verbis spectatur.

Metaphoræ per irrisum à contrariis petuntur.

Dicit Metaphoram diuidi in eam, quæ propriè sic appellatur, quando translatio in vno vel paucis verbis fit. & in Allegoriâ, quæ perpetua Metaphora est.

Exemplum translationis propriæ sic dicitur.

*Moribus aut scâis quemquam Lycaona dicat,  
Sive lupum fraudesque petat cognomine vulpis,  
Seu fluere hunc animo dicat, quicumque timore  
Concutitur, namque hæc non solum nomine ducta est  
Forma, sed in verbis etiam sua iura frequentat.  
Nec solum à simili specie dicendo ciemus  
Nomina, sed quandoque etiam vel non sine magna  
Ornati petimus contraria nomina rebus,  
Ac velut irrisu atque ioco persapè vocamus  
Urbanum scurræ: parum quoque dicimus illum,  
Qui sua turbarit turpi patrimonia luxu,  
Multaque quæ longum foret enumerare canendo,  
Quæque libris varijs poteris sermonèque vulgi  
Excipere, atque alta doctus componere mente.  
Quippe etenim ratio vna patet dicentibus, usque  
Et superat cunctas numeroque vsuque frequenti,  
Quasunque in sermone vides superesse figuras:  
Vt tamen admonitus distinguas singula, desque  
Partibus ipsa suis proprias cum nomine formas,  
Te breuib; partem duplicemque vsimque docebo:  
Nam si aliena tibi sunt pauca vocabula rebus  
Traducta ex alijs, proprijsque adiuncta loquendo,  
Nec latet ex omni res, & sententia parte:  
Sed quædam simulacra sui partèsque videre  
Permittat, simplex hæc fit Translatio, nota  
Omnibus. ut florens ætate, & feruidus ira.  
Hæc eadem si perpetuo ipsa tenore latebit,  
Undique collatis alienis vocibus, ut non  
Sit satis accipere hæc, quæ sunt tibi cumque probata,  
Vt certus pateat sensus: sed imagine in illa  
Discutienda tibi sint omnia nomina, ut altè  
Explicita & veros ostendant singula sensus,  
Et finem, quem dicendo respexerat auctor.*

*Hæc*



Allegoriam Latine  
inuerfionem vocat.

Exemplum Allego-  
riz.

Allegorie vñus fue-  
rens in facris li-  
bris.

Confilium circa al-  
legorizum inter-  
pretationem, quæ in  
facris libris legua-  
tur.

Commenlat facta-  
rum fcripturaram  
ftudium.  
Eſai. i.

De figuris & exor-  
nationibus ſenien-  
tiarum.

*Hæc tibi dicenda eſt Inuerſio, ſcilicet in qua  
Verba aliud monſtrant, aliud ſententia dicit.  
Claudite iam riuos pueri, ſat prata biberunt.  
Multaque quæ noſtris ſic ſunt cantata poëtis:  
Nulla voluminibus ſacris repetita figura  
Eſt magis, ut vatum libri teſtantur, & illa  
Carmina Ieſſide plectro modulata poëta,  
Diuinis quando ſlammis agitantur, & alta  
Concipiunt animo myſteria, ſurgere cernis  
Verba per æthereas auras, & creſcere in alta  
Sydera, principijque ſui momenta referre  
Protinus; humanumque oronem peruincere captum.  
Hæc tibi adoranda imprimis proponimus atque  
Non temerè tentanda, priuſquam numina ſupplex  
Exores, mentemque petas tam grandibus aptam  
Reſponſis, ſimul aſſiduum ſtudiumque laboremque  
Impendas, tecum meditare atque omnia patrum,  
Qui doctrina olim celebres pietate probati,  
Sedulus euoluas commenta. ô magna beatæ  
Et ſuperos meditata choros productio vitæ,  
Nocte dièque ſacras attentè euoluere chartas,  
Auribus atque Deum humanis audire loquentem;  
Conſilijs ſuperumque admitti, certaque tandem  
Sanctaque doctrinæ vera præcepta tenere:  
Vnde animo lucem admoueas, qua tendere grefſus  
Et vitæ peragrarè vias, poſſiſque labores  
Vincere, diffiçiles caſus, atque ardua cuncta,  
In ſuperas donec ſedes patriamque piorum  
Contingat tolli, æternamque habitare quietem.*

*Hætenus, in verbis quæ ſunt tibi cumque figuræ,  
Muſa dedit, tentatque aliis euoluere formas,  
Ornatuſque alios, quibus aut ſententia ſurgit,  
Aut meliore modo procedit, & undique vires*

*Aut*

*Aut decus & pondus sibi conciliare laborat;  
Mille modis varians artem, & fastidia pellens,  
Et tentans animos omni pervincere mole.*

Interrogatio figura  
non ad discendum,  
sed ad vincendum.

*In quibus ecce rogat primum se Pysma referri,  
Questio nomen habet, Musis bene nota Latinis  
Forma rogans semper, non ut quid discere tentet,  
Non etenim didicisse parat, sed querere ab hoste  
Quo magis impellat querendo, aut iudicis iram  
Excitet, astantes rapiatque trahatque rogando.*

Exemplum interrogatio-  
nis.

*An semper fortuna tibi parere Tyranne  
Debuerit? quando finem quas ipse parasti  
Fraudibus atque dolis impones, vimq<sub>3</sub> remittes?*

Subiectio figura quã  
Antipophora Græci  
vocant, Poeta Præ-  
uentionem appellat

*Mox huic respondens sequitur Subiectio, cuius  
Officium est quod tute petas, vel postulet hostis,  
Respondere tibi, atque alios prauertere dictis:*

Exemplum Antipo-  
phoræ.

*Præuentum poteris simul hanc dixisse figuram.  
Is ne tibi sapiens, quem si sapientia cultu  
Ornaret proprio, numquam tot adire labores,  
Diuitias & opes propter vulgique fauorem  
Tentaret, potius peteret secreta, camcenis  
Addictus; misero præsertim tempore, quando  
Et virtutis honos iacet, & sua premia laudi  
Deficiunt, tantumq<sub>3</sub> valet violentia fraudq<sub>3</sub>.*

Exclamatio figura.

*Affectu commota venit, seseq<sub>3</sub> canendam  
Obiicit indigno mœsta Exclamatio vultu;  
Ora ferens ira candentia, plena doloris,  
Compellans fremituq<sub>3</sub> ciens hominesq<sub>3</sub> Deosq<sub>3</sub>,  
Tempora, vel mores, ciues, urbemve locumve  
Rêve alias, quibus ostendit se offendier, aut quas  
Consulit, atque citat testes, vel postulat horum  
Auxilium, tentatque suos lenire dolores.*

Exclamationis ex-  
emplum in Lutheri

*O superi, quorum numen terraque marisque  
Infernique tremunt reges, auertite quæso*

*Tantum*

*Tantum immane nefas, nostris auertite regnis:  
 Sit satis heu miseros tantis erroribus actos  
 Germanos, dum Martini precepta sequuntur,  
 Deservisse viam virtutis, certaque iustæ  
 Præmia militiæ, æternas perdisse coronas.  
 O superi renocate precor, miserósque docete  
 Certum iter, & longè meliorem reddite mentem.*

*Huic generi affinis fuit Acclamatio, cuius  
 Officium est, dum res perpendit, iudicióque  
 Enumerat, rerum causas, momentaque cuncta  
 Colligere in pondus certum & molimina certa,  
 Inde monere alios, & pondera cuncta docere.  
 Ut superas sedes liquisse, atque ætheris alti  
 Regna beata nimis nullisque obnoxia curis,  
 Et terras mortali olim coluisse figura;  
 Et celasse Deum vilis sub imagine serui  
 Non satis hoc tibi Nazaride! & tot adisse labores,  
 Tótque homines sanasse egros, & faucibus Orci  
 Tot rapuisse viros, placida quoque præmia vitæ  
 Insigni pietate illis tam multa dedisse,  
 Dumque doces præcepta homines diuina, quis unquã  
 Pondere curarum atque operâ maiore docendo  
 Persunctus, vigil & satagens noctúque diúque;  
 Non satis hoc, sed deformem post omnia mortem  
 Infamisque cruces, culparum opprobria cuncta  
 Non dubitas perferre, nec obscurũ subijssse sepulchrũ,  
 Atque Erebi pallentem umbrã, noctemq; profundã  
 Visere & infernas stygia peragrarè tenebras,  
 Tantus amor nostri, scelerisque piamina tanta.*

*His etiam est coniuncta mihi Insultatio, amaro  
 Viscera concutiens risu, quæq; exprobrat hosti  
 Vota, aut fortunam, quæ & res metitur ab ipso  
 Euentu, non admittens causamve animũve;*

Acclamatio, quæ cõ-  
 sideratam rem vel  
 causam sequitur.

Acclamationis ex-  
 emplum de Christi  
 pietate.

Sarcasmos figura,  
 quam insultationẽ  
 vocat.

Insultationis exem-  
pla.

*Stultitiam irridens votorum, sapius autem  
Insultans miseris, quorum tristissima fata.  
I modo & Oceani fluctus & tristia monstra  
Neptunum patere iratum, & discrimina vite  
Vltima pertuleris, mundum peragrando remotum,  
Et regna à nostro nimium distantia cælo;  
Ut tumidus rediens auro per crimina parto  
In tumidis animam demittas naufragus undis.  
En agros, & quam bello Troiane petisti,  
Hesperiam metire : canit sacra Musa Maronis.*

Dubitatio, qua si-  
mulamus ambigere  
quid potissimum di-  
camus.

*Ambigit Orator nonnunquam, quid petat omni  
Ex numero rerum aut vocum, quacunque sibi sunt  
Obuia, pro causæ ratione & pondere quamvis  
Multa quidem, tamen ignorat quid nã eligat, & sic  
Augeat idem, causæq; modos exaggerat altè.  
Nomen & huic fuerit proprium Dubitatio formæ.*

Exemplum Dubita-  
tionis.  
Inuehitur in Luth-  
erum.

*Qui populos turbat dictis, qui religionem  
Peruertit, superosque suis in sedibus audet  
Sollicitare, nouas facièsque inducere mundo  
Nititur, inq; homines discordia semina miscet,  
Sacrilegus ne mihi dicetur? an impius? an ne  
Filius Eumenidum? quo tandem nomine possim  
Compellare, mihi incertum. nam cuncta minora  
Sunt scelere & furis hominis, quæ nomina cumque  
Nota mihi extremas etiam signantia pestes.*

Communicatio, si-  
ue Participatio.

*Sapius Orator causam communicat hosti,  
Iudicibusve suis, & cunctos consulit, illis  
Proponit causam, & quidnam sibi quisque pararet,  
In simili casu positus si fortè fuisset,  
Querit; & hoc pacto proprias defendere partes  
Nititur, à simili trahit argumenta periculo;  
Nam tibi quod cupias ignoscas, si cupit alter.  
Ut tibi si insidias fieri fortasse videres,*

Communicationis  
exemplum.

Inten-



*Intend'que necem, quam nullo euadere cursu,  
Nec ratione alia posses, quam vulnere, nec tunc  
Arma tibi nihil expectanti cetera adessent,  
An dubitas torquere tamen quaeque obuia saxa? &  
Quem non sustineas inimicum comminus impar,  
Eminus euites, vetat hoc natura negari.*

*Dicenda est nostris hæc Participatio Musis.*

*Permissio figura*

*Multa etiam solet Orator permittere sapè  
Iudiciis, siue aduersis censenda, ubi causæ  
Fidit, & ostendit tantum, nec disputat ipsis  
Libera permittens suffragia scilicet, & se  
Dissimulans nil velle illis censere, nec ulla  
Pondera perspicere, aut neque verbis plura morari:*

*Hæc & ab antiquis Permissio dicta figura est.*

*Permissiois exem-  
plum aduersus Lu-  
therum.*

*Ut, quantum foret ò satius, cum serpere cæpit*

*Hæc inimica lues, populos quæ perdidit omnes*

*Theutonicos, tantis obsisteret ante malis, qui*

*Missus ad hoc fuerat feruentem ut sisteret ignem!*

*Thomas de Vio Car-  
dinalis missus est ut  
Lutherum reprimere-  
ret.*

*Dicite vos pia turba patres, perpendite quantum,*

*Tunc melius foret, hanc penitus restinguere flammã,*

*Unde ortum tanta cæpère incendia, vos iam*

*Dicite, non etenim his sum dicere plura paratus.*

*¶ Jam sese audaci producta Licentia fronte*

*Flagitat à nobis dici, nec plura morari*

*Sustinet: expediam quare hanc, nam libera cum sit,*

*Parendum quidquid cupiat, vel multa ferenda*

*Infreni quæcunque velit producere lingua.*

*Hæc igitur persapè sibi complura licere*

*Liberius dixisse petit, quàm tempora vel res*

*Vel persona ferat præsens, cum qua sibi sermo est:*

*Acribus interdum verbis hæc utitur, atque*

*Nil verita exponit, quidquid conceperit in se,*

*Mox ubi contactos animos præsentiit amaro*

*Licentia figura, cõ  
libertate in dicē-  
do sequimur nullo  
personarũ respectu*

*Verborum ductu, rursus lenire laborat*

*Atque ita rem tractat, non ut reuerentia causam  
Perdat, & imminuat praestantia pondera rerum:  
Lenit & hac rursus, libertatēque loquendi  
Temperat, inuidiam causae quo auertat, & iras  
Iudicis inflectat conceptas, commoda tandem  
Procurat causae; dum miscet libera blandis.*

Exemplū licentiae.

*Ut te (fabor enim) iudex vitare parabam,  
Cum tibi tam mites animos superesse putarem,  
Huius ut inuidiam contemnere posse tyranni  
Non posses, facinusque hominis compescere vero  
Iudicio; ast postquam, qua sis probitate, rogarim,  
Qua mente instructus, quantum ratione valeres,  
Et miseris quantum auxilium persaepe tulisses,  
Et didici tam multa tue praeconia laudis,  
Iustitiae quam sancta tibi sint munera, quamq;  
Intrepidus sceleri obsistas, felicia dixi  
Secula, meque etiam, fateor, dixisse beatum,  
Cui tali censore agere, & cui contigit isto  
Iudicio, in quemcunque velim, quaecunque profari.*

Apostrophe figura  
cum absentibus col-  
loquimur tanquam  
praesentibus.

*Gratia nec minor est illi concessa figura,  
Cum quis sermonem auertit, seriemque loquendi;  
Absentēsque petit verbis, atque aduocat, ut sic  
Opprimat aduersos, affectūsque excitet altos  
Iudicibus, causaq; paret pondūsque fidemque.  
Ut priscos vates olim, patresque, ducēsque,*

Exemplū Apostro-  
phes.

In Lutherum ad-  
uocatione Chri-  
sti & Sanctorum o-  
mnium redarguit  
Lutheri mendatiū,  
de fide sine operi-  
bus.

*Et sacris quaecunque leguntur nomina libris,  
Discipulōsque nouae legis, teq; optime Christe  
Bacchantis. Martini infandos aduoco in ausus:  
Vos benefacta simul docuistis iuncta, fidemque,  
Et penitus partem dictis sociastis utramque:*

Uterque liber vete-  
ris & noui Testa-  
menti.

*Nec nisi promissis diuinis crediderit quis,  
Et dictis quaecunque liber proponit uterque,*

*Efficiat.*

Efficiat quaecunque volet, quemcunque laborem  
 Expleat; at pereunt, quæ non coniunctæ fide sunt:  
 Mox credat; valeâtque fide & transmittere montes,  
 Et lunam claro possit deducere calo,  
 Sed sterilis, nullisque decens virtutibus, omni  
 Cassus ope ornatûque operum, damnatus abibit  
 Indicio superûm æternas habitare tenebras:  
 Et tamen ausus eras Martine insane docendo  
 Ignavos fecisse homines, dum præmia nulla  
 Esse doces rectè factis: quid defuit ergo,  
 Ut Superos humana etiam curare negares?  
 Hæc igitur dicenda tibi est Aversio forma;  
 Quæ subito mutat personam sæpè loquendo.

Occupatio figura.

Rarius aut genus est illud, quo sæpè negamus  
 Dicere nos quicquam, quod non tamen usq; tacemus,  
 Nouimus ut quando, quæ non coniungere causæ  
 Possumus instanti, tamen & memorata parabunt  
 Inuidiam aut laudes, & non aliena ferentur  
 Proposito nobis fini, tunc fingimus illa  
 Negligere, at manifesta tamen fecisse probamur.

Occupationis exē-  
plum in Lutheri in-  
temperantiam.

Quidnam commemorem luxus? quid prædia: cœnas?  
 Tanta voluptatum commenta? & munera tanta  
 Luxuriæ, quibus à puero corruptus agebas  
 Infamem vitam, quam moribus usque malignis  
 Ad summam mortis tandem perduxeris horam?  
 Turpe tuum volumus fatum Martine tacere,  
 Ut nimio oppressum vino meritoria vidit,  
 Quod sanus conuiuia bibis, caupona iacentem:  
 Scilicet hic hominis fuerat sanctique piique  
 Exitus, ut superas ascenderet ebruius oras.

Martinus Lutherus  
in meritoria taber-  
na nimia ebrietate  
strangulatus est.  
Author Cocleus.

Occupat hæc verbum id, quod prætermittere fingit,  
 Quare & deductum sortitur ab Occupo nomen.

De figuris, quas  
quantitas appellare possis.

Sunt aliæ species variandis vocibus aptæ.

*Quæ veneres addunt sermonibus, & quibus ipsa  
 Amplior efficitur sententia, siue velis rem  
 Augeri aut minui, seu pondera quæque parare;  
 Aut etenim extenuat rerum momenta seuera,  
 Aut rursus leniora parant augere loquendo.*

Congeries figura.

*¶ Prima mihi occurrit multis circumdata verbis  
 Congeries, & se poscit describier ante,  
 Cuius & officium fuerit, quæ dicta fuerunt,  
 Protinus admotis altè producere verbis:*

Exemplum Congeries in eundem Iu-  
 therum.

*Quæ si non eadem tamen æquivalentia sunt:  
 Ut populi pacem tu euertere funditus audes,  
 Tûque hominum pergis penitus turbare quietem,  
 Tûque moues fluctus sanos, turbâmq; procellis  
 Obruis, heu miserâmq; agitas & perdere pergis.  
 Nec tamen assiduus verbis oneranda figura hæc;  
 Bis cumulata iuuat, nec ter repetita nocebit.*

Congeries nō mul-  
 ta admittit mēbra.

Descriptio rerum,  
 figura.

*Luce nitens multa sequitur Descriptio. seq<sub>3</sub>  
 Postulat imprimis efferrī, multa datura  
 Lumina dicendis rebus, nam nulla figura est  
 Utilior veram naturam exponere rerum,  
 Actâque & euentus propriâsq; ostendere partes;  
 Estq<sub>3</sub> brevis, breuitate tamen quæ commoda multa  
 Afferat, & dictis quæ pondera certa probandis.*

Exemplum descri-  
 ptionis siue hypo-  
 zyposis, in Lutherū.

*Non te religio, rerum sed cura nouarum  
 Compulit in populis tantos agitare tumultus,  
 Exitium ô nostri Martine & dedecus ani:  
 Principibus cessisse sacris, seseq<sub>3</sub> modestum  
 Præbere, atque alios eadem præcepta docere,  
 Religio est. At non populi sibi querere plausus,  
 Et rerum turbare modos, maioribus ullis  
 Non ullam præstare fidem, miscere prophanis  
 Sacra, nec omnino cognoscere fâsq; nefâsq;  
 Ambitionis erat modus hic, non religionis.*

*Ille*



Demonstratio figura siue Subiectio.

*Ille etiam non grata minus persape figura est,  
Quae parat ante oculos rem, quae sit gesta referre,  
Ut te audire neget, sed demonstrata videre:*

*Tantum habet ars vitae & motus, ut pingere verbis  
Usque adeo valeat res omnes, atque docere  
Certius ut nullo possis spectare theatro:*

*Dumque agitur res ipsa quidem, si testis adesses,  
Certius aut melius rem non didicisse valeres.*

*Hac à nonnullis pars Demonstratio dicta est,  
Vel quia rem visu spectandam subiicit, est qui  
Indidit arte sua ex priscis Subiectio nomen.*

*Iam tuba committit trepidas in praelia turmas,*

Exemplum Demonstratio.

*Tela volant, ensesq; feri stringuntur, & ingens*

*Fit clamor, tristes iactant ad sidera voces;*

*Pars cadit hic, alij succedunt, perdidit ille*

*Crura manusque, alius pedibus protritit equorum*

*Corruit hic, animamq; vomit cum sanguine, & huius*

*Occupat hasta fugam, tenet & tellure refixum,*

*Undique spirantum gemitus animasque trahentium*

*Auditur, feruent saevo loca singula Marte.*

*Gratia nec minor est cum quis conclusa latenti*

Emphasis, Latine  
Significatio.

*Cortice verborum superantia sensa relinquit,*

*Suspicionem mihi magis quam sermone probanda;*

*Significatur enim res verbis, non tamen omni*

*Exprimitur parte, & maior sententia dicto est.*

*Emphasis est Gracis, quae & Significatio nostris.*

*Fitque per ambiguum verbum, quod vertis ad usum*

*Ipse tuum, sitq; excessu & grauiora loquendo*

*Ut leuiora probes etiam; sit saepe sequela*

*Et rationis ope ex dictis non dicta legentis;*

*Interdum sermo inceptus praeciditur ante*

*Quam res clarescat, sed non obscura relictæ est.*

Emphasis interdum  
per consequentiam  
intelligitur & expli-  
catur.

*Usque adeo, ut certum nequeas deprendere sensum.*

Exemplum empha-  
sis in Lutherum.

*Quid tibi cum dominis, tibi cum Martine tyrānis?  
Si tibi religio est cordi, non illa fauore*

*Indiget humano, humanis non viribus illa  
Nititur, è calo illapsa est, mortalia temnit,  
Quis te Principibus sociavit Iudicibûsque?*

*Fingimus interdum voces absentis amici,  
Verbâque suscipimus necdum prolata, modôsq̃ue  
Illius, quem nos dicentem ad nostra citamus  
Iura; eadem ratio est, cum rebus fingere voces  
Nitimur, aut formam quibus hæc natura negarit:  
Hoc iuuat imprimis, & multum conficit, arte  
Si tamen atque loco proprio & ratione petatur.  
Et fuit à nostris hæc Conformatio dicta.*

*Christus, ut, in terris si nunc foret, ut fuit olim,  
Tunc cum Discipuli lino ratibûsque relictis  
Non ad desidiâ, nec ad otia fœda vocantem  
Feruenti affectu Dominum studiôque sequuntur;  
An Martine putas istis te agnosceret ille,  
Artibus audentem populos subuere? Iam te  
Reiiceret, vacuâque fidem, & non sancta monerem  
Otiâ reiiceret seruum mercedis iniquæ,  
Sæpe vocans porcû immundûq̃, canemq̃, prophanû.  
Nec tamen est absens Christus, auditur ab omni  
Nunc populo, exagitans & te Martine, tuâmq̃ue  
Doctrinam infernâ ductam de sedibus, inq̃,  
Infernas referens sedes, mendacia fassos  
Quosque tua, & calo proclamat Christus ab alto,  
Clamat Euangelium verbi vox viua superni,  
Aeternûmq̃ue pijs solamen, luminis alti  
Lucida fax clamat, te te Martine furentem:  
Et mihi inurentem infami mendacia lingua  
Exagitent furia, nec nostri muneris unquam  
Tûque tuîque feras ingentia premia, qui me*

Emphasis sic colligitur, cùm tu Principibus operam dantes de tyrānide, aut terrena dignitate cogitare videbaris.  
Cōformatio figura.

Cōformationis exemplum.

In Lutherum.

Conta-

*Contaminare mali commento audetis iniquo.*

*Pingimus interdum faciem verósq;ue colores  
Persona, cuius conamur dicere causam;  
Membráque formamus dictis, cum scilicet hac ex  
Parte modum ac vires atque argumenta putamus*  
» *Addere materia nostræ, nam sæpè videmus*  
» *Corporis ex specie mentem: faciéque notamus*  
» *Affectus motúsq;ue animæ, quæ sæpius inde*  
» *Proditur, & certo indicio spectanda patescit.*

*Effictio figura.*

*Illáque ab officiis Effictio dicta figura est.*

*Frons brevis, & fusca cernendo lumina, nares*

*Per similes satyris, rictus diductus, acutis*

*Dentibus, atque color fuscus, & totius usque*

*Corporis & motus species ac forma ferina,*

*Quid nisi inhumanos potuit promittere mores?*

*Effictionis exemplum.*

*Per certos nunc verba gradus ducuntur, habentq;*

*Gradatio.*

*Ponderis haud minimum, ratio nam crescit eundo,*

*Atque parat vires, additque affectibus artem.*

*Hinc nomen cepit forma, atque Gradatio dicta est.*

*Quis modus est vitiiis? si quidquid criminis acres*

*Concipiunt animo iuvenes, exponere tentant?*

*Exemplum Gradationis.*

*Exposita atque patrare licet, quæcunque licebunt,*

*Hæc possunt, nec quæ possunt fecisse morantur,*

*Nec reprobant factum patres, neque iura coercant?*

*Ordinis interdum venus est, ut parte priori*

*Exposita, ad reliqua accedas, quæcunque parabis*

*Dicere, tunc breuiter repetas quæ dixeris; & quæ*

*Sunt dicenda, breui tentes proponere summa:*

*Hactenus audistis, quali pietate caleret*

*In patrem ac fratres Iacobi filius; at nunc*

*Insontem in puerum fuerit quæ iniuria fratrum,*

*Et scelus, exponam, quod nulla Tragedia vincit.*

*Series, sicut quæ partitioni seruit.*

*Exemplum huius figure.  
Alludit ad historiam Ioseph. Genes. 37.*

*Epanorthosis, siue correctio.*

*Nec minor est usus, cum quis producere verba*

*De re quacunque incipiens, cupit addere ad illam.  
 Forte minus verbum aut maius, pro pondere causa:  
 Tunc simulat se verba prius damnare relata,  
 Et propiora loqui posse, & se corrigit, addens  
 Particulam quæ correctum denunciaret, inde hæc*

Correctionis exemplum.

*Forma capit nomen Correctio: dicere si quis  
 Sic velit: Egregium miserunt Numina regem  
 Nunc populis nostris, patriæ at dixisse parentem  
 Sit melius, qui tam assiduus iam ante omnia curat  
 Rem populi, oblitus quæ sunt sua commoda cumque.*

Parentthesis siue in  
 serposuio.

*Nota nimis vulgo est alia ac protrita figura  
 (Nec dicenda mihi, lex id nisi posceret artis.)  
 Continuos sensus quæ sæpè intercudit, atque  
 Inserit usque breuem sensum, quo cetera clara  
 Sint magis, ac sine quo tamen hand obscura fuissent.  
 Huic ego Romanum facio Interclusio nomen.*

Exemplum Paren-  
 thesis.  
 In Lutherum.

*Nota magis Græco est, nam dicta Parentthesis illis.  
 Sæpè ego (nam memini puerum me audisse recentem  
 Esse ignem) in populis incendia magna timebam.  
 Atque utinam tunc nascentes extinguere flammæ  
 Qui potuit vellet, (potuit quis,) tunc posuissent  
 Hæc mala, iam pacem coleret pia turba quietam.*

Posuissent i. cessa-  
 uissent.

Antitheton siue cō-  
 trarium figura, quæ  
 pugnam appellat  
 poëta.

*Contendit per sæpè aliquis contraria iactans  
 Verba, nec exiguam venerem solet illa figura  
 Addere dicendis, & vires protinus auget;  
 Sed tamen hanc partem multum rationis egere  
 Dicimus, utq; illis formis utare modestè,*

Censura de figura-  
 rum usu.

*In quibus ars nostra ostendit præconia laudis:  
 Hoc etenim stulti peccant, quæcunque figuræ  
 Partem aliquam veneris didicere & laudis habere,  
 Obnixè incumbunt his solis, ordine nullo  
 Inculcant, nec verba sciunt nec tempora rerum  
 Eligere, hinc pariunt fastidia sæpè odiūque*

Parti-



Partibus his multum laudatis; nam videas tu  
Oppositis qui semper amant contraria verbis  
Congerere assiduis concursibus, atque parare  
Pralia verborum, turbis ingentibus usque  
Exstructas acies, veluti committere bella

Rhetoricum sit opus solummodo, præterea nil;

” Quo magis ingenio tibi sunt atque arte regenda

” Hac, quæcunque usu sunt inuidiosa frequenti;

” Nec videre sequi vulgus, neu linguere causam.

Sic ergo Antithetis propriis suadebimus uti,

Non ut in Antithetis ratio sit tota loquendi,

Qui nocet, ô patres, socius dicetur an hostis?

Christicolam ne voces hominem cuiusq; supersunt

Dinitia, ast inopi saltem dare nolit amico

Quo vitare famem possit, quo frigora pellat?

Is tibi Christicola est, an Mauro senior omni?

Hanc vocat Antitheton tibi Græcia tota figuram:

Nos etiam proprio dicemus nomine Pugnam.

Grammaticis est illa etiam notissima forma,

Non spernenda tamen dicenti: munera cuius

Hæc fuerint, ut quæ numero proponere nullo

Vocum posse putet, satis ac sit nomine ab uno

Ostendi tamen ambage & molimine vocum

Efferat interdum causa ducente decora:

Non unquam ut variet ratio repetita loquendi;

Simplicis interdum defectu vocis ad artem

Apposita, aut metri ratione aut carminis usu;

Sit tamen hæc virtus, ut quando id cogat egestas

Dissimules, & sponte tua videre petisse.

Id fiet si tam gratis ambagibus uti

Noveris, ut simplex etiam si nomen haberes,

Esse magis credas gratum atque optabile, quod tu

Pluribus ostendis verbis spaciòque moraris.

Multis imperitiis  
contraria siue an-  
titheta frequenter  
in usu esse.

Antitheton exēpla.

Periphrasis siue cir-  
cumlocutio figura.

Causæ, quare circū  
loquutionibus uti-  
mur decorum, va-  
riatio, necessitas.

Ut pa-

Exemplum Periphras.

*Vt patris aeterni pignus, si dicere Iesum  
Aut vis hunc pura de virgine promere natum,  
Aut hominum praeceptorem, vitæque magistrum.  
Cuncta decent, et rem signant, animûmque lacesunt.  
Circuîtus patribus dicta est hæc forma Latinis.*

Expositio figura.

*Iam multis ornata modis dicenda figura est,  
Quæ se expectandam demonstrat sapius, ac non  
Fastidita manet, faciem nam promit eandem  
Ornatam vario comptu, ut tu cernere dicas  
Nunc aliam atque aliam; tantum sit fallere, & arto  
Decipere incantos sensus, sed & addere vires  
Illa solet rebus magnas, & lumina verbis:  
Fit repetendo iterû atq; iterû, quæ pulchra videntur;  
Sic tamen, ut repetat res ipsas, verba, modûmque  
Dicendo inuertat, fugiens fastidia cuncta.  
Immutat numerum vocum, deducere docta  
Rem verbis unam multis, & cogere in arctum;  
Nonnunquam assctis aliis inuertere primas  
Illa cupit voces, nonnunquam vocibus isdem  
Ordine mutato variat, sed & omnia vertit,  
Nempe modos & verba simul permutat, & ipsum  
Dicendi affectum, atque alio pronunciat ore.  
Vnde illi, quia tanta potest variare loquendo,  
Atque polire etiam, venit estq; Politiio nomen.  
Ut mihi nil potuit te Gaspar charius esse,  
Nec animo iucunda magis quæcunque voluptas  
Esse meo potuit, quàm teque videre, fruite:  
Nec mihi vita fuit potior, quàm dulcia tantæ  
& Munera amicitia, quam nos non diuitis Indi  
Delitiis, non imperio postponimus ulli.*

Expositionis exemplum.

Sententia, quæ Græcis Gnômæ.

*Vtilis ad vitam superest Sententia, laude  
Nominis ipsa sui multum celebrata, petensq;  
Non solum audiri, sed & alta mente reponi,*

*Vtilitate*

Utilitate sua precium promittere honestum,  
 Et dare, non fallax, ac plurima commoda multis.  
 Illa breui vocum numero præceptaque vitæ  
 Optima demonstrat, momentaque maxima rerum,  
 Atque decus grauitatis habet, cum pondere vocum.

Ut nihil inuita pulchrum, si non sit honestum.

Sententiæ exemplū.

Innocuus quisquis fuerit, fortissimus idem est.

Nil timet in vita, quicumque timere Deum scit.

Illæ locis in spersa suis multumque decoris

Et fidei multum dicendo & ponderis addit.

Comoratio figuræ.

Ultima dicenda est nobis, sed magna figura,

Quæ struit atque parat toti fulcimina causæ,

Et neruos venasque omnes sermonis habendi

Roborat, atque Oratorem confidere cogit:

Audacesque animos addit, ut vincere tandem

Conetur, firmusque velit persistere cæptis.

Huius erit ratio & virtus, ut rebus in illis

Quas tibi præcipue dicendo profore credas,

Sæpius insistas, repetasque, & corpore toto

Sermonis vires hinc cunctis partibus addas:

Ut pars nulla tibi toto in sermone vacare

Viribus his possit neruis & sanguine, per quæ

Vita subest, pariturque tuæ fiducia causæ:

Sæpius hoc repetas, volumus: multumque moreris,

Unde tuis speres fore maxima commoda rebus,

Inde habet hæc nomen ratio, quia semper in illis

Fu mora præcipue rebus, quæ maxima nobis

Fulcimenta parant, Con- dicta moratio quodam est.

Con- dicta moratio  
per Imel. i. com-  
moratio dicta.

Exemplum si forte petas breuitate ferendum,

Haud facile & promptum est ostendere: nam modo cunctis

Partibus infundi hanc formam sermonis habendi,

Dum tibi describo, memini dixisse: nec unum

Occupat illa locum, nec sede moratur in una.

Exemplum Com-  
morationis non po-  
test breuiter assign-  
nari cum figura hæc  
per totam orationem  
spargatur.

Sed ta-

In sacris libris Cō-  
morationis vsus fre-  
quentissimus est.

*Sed tamen in sacris dabimus pulcherrima libris  
Exempla, & manifesta quidem, repetitāque sæpè,  
Nec minus in causis ciuilibus omnia passim  
Sunt huius generis conferta exempla, patronos  
Quoslibet antiquos si consulis, ut Ciceronem  
Sæpius audieris, dum pellere crimina tentat,  
Protegere & causam curat Milonis amici,  
Sæpius id repetit, vim vi propellere ius est.*

In Psalmis com-  
mo ratio frequens, præ-  
sertim in misericor-  
dia imploranda.

*Et sacra Iessiada si voluas carmina vatis,  
Inuenias dum sæpè Deum supplexq; precatur,  
Auxiliūque petit, veniamve, & numina placat.  
Sæpius una illi totis clementia libris,  
Et miserata malis nostris mitissima patris  
Viscera, sæpè illi hæc pleno versantur in ore.*

De cōfutatione cu-  
ius vsus, vilitatē,  
& difficultatē prin-  
cipio indicat.

*Nec vero satis est propriam defendere causam,  
Argumentorum & tibicine sustentare;  
Et struere id, quod quæris, opus, partesq; tueri  
Sæpe tuas; si non, hostis quæcunque pararit  
Arma, cauere queas; clypeoq; retundere forti:  
Atque retorquere interdum, iaculatāque contra  
Irrita fecisse; hæc artis pars maxima, paucis  
Concessa est. Nam qui accusent vel crimina, multos  
Inuenias, vel qui laudent quæq; optima, vulgo  
Sæpe Oratores videas, non indiga tantis*

Accusator pauciori-  
bus indiget, quàm  
defensor.

*Viribus ingenij est pars hæc, fluit obice nullo  
Ipsa sibi, cursuq; suo prolabitur vsque;  
Nititur in vero ratio hæc, capit inde modumq;  
Contenta & numerare gradus, speciesq; malorum,  
Sive boni partes, multum fiducia præstat  
Dicenti, & persæpe solet clamore ciere  
Numina, iudicium, testes, & tempora, mores.  
Ordine neglecto, atque arte, & tamen vsque perorat.  
At patronus erit multis instructior armis,*

Arti-



*Artibus atque alijs, varius quarum indiget usus;  
 Nec satis est proprijs rationibus omnia posse  
 Confirmare, sed aduersis obistere telis  
 Est opus, & propulsare & molimina cuncta  
 Diruere, quacunque paret producere contra  
 Accusator, ut & propriam defendere partem  
 Possit, & egregij laudem præferre patroni.  
 Prisca tulit raros atas defendere doctos.  
 Nam facile & pronum est & res, & crimina, verbis  
 Exagitare malis, ducit natura loquentem,  
 Ipsaque inhumani facti indignatio clamat.*

Confutationis for-  
 ma.

*Mille modos formasque mouet, variasque figuras  
 Defensor, cum sepe neget minuât ve probata  
 Crimina, sepe etiam culpam traducat in hostem,  
 Molliat interdum, nonnunquam rideat altè,  
 Ridiculûmque docere paret, quodcunque probarit  
 Accusator & infestet persapius ipsum,  
 Multaque despiciat dictis, quæ magna fuisse  
 Dixerit alter, & inuertat quæcunq; nocere  
 Crediderit, doctus non cedere viribus ullis.*

Confutationis no-  
 mina, Confutatio,  
 Depulsio, Infirma-  
 tio.

*Hæc variis dictata olim pars vocibus, ut quæ  
 Confutet, crimen pellat, contrariaque arma  
 Infirmet, sic ducta tenet sua nomina verbis.  
 Non alios tractare locos, aliudve monere  
 Argumentorum pondus, dum diruit, atque  
 Infirmit, solet Orator; sed fontibus iisdem  
 Confirmat proprias causas, hostique repugnat,  
 Vnde nouam præceptorum non ponimus artem:  
 Sed tamen & finem triplicem proponere suenit  
 Rhetor, ut aduersæ denitet vulnera plagæ;  
 Aut ctenim penitus frangit iaculata negando,  
 Aut leniora facit, verbis aut mollia reddit.  
 Protinus obiectum crimen reprehendere tentat:*

Confutationis illi  
 loci sunt, qui & in-  
 uentionis.

Confutationem tri-  
 bus paramus mo-  
 dis, aut obiecta frân-  
 gendo, aut minuen-  
 do, aut molliora  
 reddendo.

Negamus interdû  
 propositionem, nō,  
 nunquam vtro cō-  
 sequentiam.

*Sin mi-*

*Sin minus id possit, mendose colligis inquit:  
 Et tibi concedam partes fortasse priores,  
 Posteriora sequi ex ipsis tamen abnuo: vel si  
 Id sequitur; tamen ostendam leuiusque, minusque  
 Esse quod intendis, quam tu fortasse putaris.  
 Téque adeo tragico affectu, cumuloque loquendi  
 Obruere astantes aures, non vincere causa.  
 Eripuit sic sæpè reos ingentibus usque  
 Criminibus, gladiisque exemit; colla catenis,  
 Compeditusque grauem dissoluit, libera misit  
 Crura manusque necem metuentis, & ultima fata:  
 Vel leuiora dedit pœnarum pondera dictis,  
 Mitius exilium, facile & reuocabile iussit.*

De Peroratione,  
 quæ argumentorū  
 enumeratione bre-  
 ui & affectibus cō-  
 stat.

*Pondera dicendique modos perstrinximus omnes,  
 Quæ loca tentari deceat, quibus utier ausis,  
 Et quibus expediat quacunque effingere formis  
 Argumenta, quibus propriam fulcire paretur  
 Aut contra aduersam penitus prosternere causam.  
 Principiis quibus utendum, quæ exordia, quoque  
 Iudicio ponenda, satis iam diximus antè.*

*Nunc opus ingenio, doctam nunc quarimus artem;  
 Quæ totum demonstrat opus sub fine decenti.  
 Claudere, pondus enim multum momentaq; magna  
 Finibus orandi concessa; & sæpè videmus  
 Qui totum turbauit opus, disiectaque toto  
 Corpore dicendi lacerauit membra, sub ipsum  
 Correctus finem placuisse, & cuncta tulisse  
 Præmia conceptæ causæ: rursusque notauit  
 Quàm multos, quibus orando sua præmia iam iam  
 Cessura, & merito melioris debita causæ  
 Eripit artis egens ingratus & exitus: Ergo*

” Non satis orasse ex arte est, nisi & arte perores.

” Finis enim & quæ sunt cura concepta recenti

Promptius

*Promptius inuadunt, mentiq<sup>3</sup> tenacius herent:  
Dum non plura putat sibi iam spectanda, nec usque  
Distrahitur longis auditor cursibus, ac iam  
Sentit adesse modum, cupit & meditata referre,  
Et referenda aliis causa momenta tenere.*

*Summa perorandi ratio spesq<sup>3</sup> ultima, (quæ non  
Fallat, & incerti euentus discrimina tollat.)  
Constiterit duplici cura; namq<sup>3</sup> altera pars est,  
Enumerare gradus causæ, & fortissima quæque  
Argumenta breui motu præstringere, non quod  
Sermone repetisse pares, atque integra rursus  
Verba modosq<sup>3</sup> omnes dicendo voluer, sed quod  
Quidquid habet vel momenti, vel ponderis ipsa  
Causa, vel ingenio quidquid coniungere causæ  
Contingit reparare iterum faciliq<sup>3</sup> figura  
Perpendenda iterum artifici proponere summa:  
Ut quæ ostensa prius variis sunt partibus, atque  
Fortassis leuiora aliis sunt singula visa,  
Nunc vires cumulatæ suas, sibi mutua iungant  
Officia, & turba vincant, & cedere cogant.  
Altera cura animos magnis affectibus usque  
Perturbare, nec in solis rationibus omnis  
Vincendi vis semper inest: nam libera mentis  
Portio, quæ imperium nostri solet una tenere,  
Concipit interdum ratione negante figuras,  
Quas amat atque ultro sequitur, seq<sup>3</sup> afficit illis  
Usque adeò, ut multum assiduo defessa labore,  
Dum meliora docet ratio, dum plurima ponit  
Fundamenta boni, incassum se intelligat usque  
Sudasse, atque gemens cedat, potiusve trahatur,  
Tantum habet arbitrij, tantum imperijq<sup>3</sup> voluntas  
Humana, ut postquam rerum conceperit illos  
Affectus, ratione vlla, neque viribus vllis*

*Prima peroratio.  
nis pars brevis ar-  
gumentorum sum-  
ma.*

*Altera peroratio-  
nis pars, affectuum  
concitatio.*

*Succumbat, non si seui tormenta tyranni  
 Intentent, mortemq<sub>3</sub> trucem per vulnera, non si  
 Dedecus; externis tandem non viribus illa  
 Ernitur. nisi paulatim quos induit ardens  
 Exuat affectus, aliamq<sub>3</sub> effingere formam  
 Incipiat. Sed qua possis molirier arte  
 Hoc opus, inq<sub>3</sub> tuas partes perducere mentem  
 Alterius, discenda breui praecepta docebo.*

Optimum praecep-  
 tum ad quancum-  
 que causam pero-  
 randam, vt Orator  
 non alienam esse  
 putet, sed suam.

*Principio quaecumque tibi tractanda paratur  
 Causa hominum, vel causa Deum quaecumque mouenda  
 Suscipitur, cupiam tantum tibi tradere cura,  
 Vt propriam penitus credas, vt nil alienae  
 Partis habere putes, tua sit, tua tota, nec ullum  
 Participem facias tecum, siue utile quid sit,  
 Ordiri quodcumque paras, vel inutile; quidquid,  
 Quidquid erit tandem, quemcumque & cedat in usum,  
 Finge tuum penitus, nec quicquam cura te pescat.  
 Ulla tibi, quamuis fuerit qui vel sua vel se  
 Tradit agenda ferox inimicus, durus & hostis,  
 Vel Scythae, vel Turcae immanis, vel barbarus hospes,  
 Sit quicumque, vel inuisus patrieq<sub>3</sub> tibiq<sub>3</sub>;  
 Suscipienda tibi vel non est causa patrono,  
 Vel semel vt suscepta, animo tractanda fideli.  
 Non frustra propriam causam tibi credidit, is qui  
 Commisit tibi se totum, auxiliumq<sub>3</sub> fidemq<sub>3</sub>  
 Implorare tuam voluit: tu concipe talem  
 Talem animum, qualis deceat sanctumq<sub>3</sub> bonumq<sub>3</sub>  
 Veracemq<sub>3</sub> virum; fortunam protinus omnem,  
 Et miseros casus, & mentem ante omnia totam  
 Alterius vestire tibi, tua ducito cuncta  
 Commoda, damna, malum, iactura, speq<sub>3</sub> metumq<sub>3</sub>,  
 Et quodcumq<sub>3</sub> potest animo superesse clientis,  
 Hoc patronus habe; nostram vel protinus artem*

*Mitte,*



Mitte, nec è nostris te quisquam dixerit esse  
 Discipulis, Oratorem qui ante omnia iustum  
 Optamus, fortemq; animo, semperq; fidelem.  
 Iamq; adeò si sancta tibi suscepta Dei sit  
 Religio, & Diuina paras euoluere scripta,  
 Atque fidem populos praeceptaq; sancta docere,  
 Offensuramq; patrem vitis, & iusta minantem  
 Supplicia, aut blandis ad maxima dona vocantem  
 Vocibus, & miseros homines meliora monere  
 Ipse velis, maiora tuis hac credito rebus.  
 Nec tantum vel vita tibi, vel munera vitæ  
 Omnia, vel patriæ charæ, vel sancta parentum  
 Sit pietas, quantum fuerit sanctissima diuinum  
 Religio, & curanda tibi maiore labore &  
 Viribus humanos nimium superantibus ausus.  
 Maxima precipimus (fiteor), maioraq; nostro  
 Conatu, speranda tamen: nam sæpius illa  
 Vidimus in terris fieri, si sacra reuoluas  
 Carmina, si historias, si cuncta exempla priorum:  
 Inuenies miranda tibi spectacula rerum,  
 Spiritus ut quondam calo delapsus ab alto  
 Pectora Diuino afflatu penetrata virorum  
 Iusserit humanis incognita viribus usque  
 Tentare, & tentata etiam pervincere, quæ tunc  
 Et Reges, populiq; omnes, rerumq; periti  
 Mirati victasq; manus animosq; dedere.  
 Qualia non nostris etiam sperare negitum  
 Temporibus, modò mens adsit pia, mensq; timore  
 Plena sacro, quam non rerum vesana cupido,  
 Vel misera ambitio, luxus fastusq; superbi,  
 Nullave terrena vitæ unquam commoda tentent;  
 Sed moueat virtus, moueat reuerentia Diuinum,  
 Veraq; totius perfectaq; commoda gentis.

Maiori cura susci-  
 piendas esse diuinas  
 causas, quàm si ip-  
 sius Oratoris essent  
 propriæ.

Ad maximos & ho-  
 nestos conatus pro-  
 uehendos, Diuinam  
 gratiam paratam  
 esse.

Quisquis & hanc mentem affectu studioq<sub>3</sub> pararit,  
 Accipiet maiora animo iam munera ab alto  
 Aethere, quæ humanis iubeant tentare periculis  
 Maiora, & tentata modis peruincere magnis.  
 Siue ergo diuina paras exponere dictis,  
 Concipe maiores humanis spemq<sub>3</sub> animumq<sub>3</sub>.  
 Atque minora puta cali quacumque sub axe;  
 Vt cura, studioq<sub>3</sub> pio, sanctoq<sub>3</sub> labore  
 Relligionis agas causam, recteq<sub>3</sub> perores.  
 Siue agites hominum suscepta negotia quæque,  
 Nulla minora tuis vel non aliena putaris;  
 Tunc natura tibi affectus animiq<sub>3</sub> parabit  
 Irritamenta, & flammæ quibus ipse mouere,  
 Et turbare queas, mentemq<sub>3</sub> impellere magno  
 Impete iudicibus, turbaq<sub>3</sub>, omniq<sub>3</sub> corona,  
 Et trahere inuitos etiam, potiusq<sub>3</sub> sequentes.  
 Ipse tibi propriam cum tu rem feceris, & cum  
 Affectus prius ipse tibi conceperis altos:  
 Vt doleas verè ut verè indignatus, ut omni  
 Latitia in rebus letis correptus aperta  
 Pectora demonstres dictis, animiq<sub>3</sub> furores  
 (Cum iusta ratione tamen) viuasq<sub>3</sub> querelas,  
 Natura monstrante vias, expone, modosq<sub>3</sub>,  
 Fingere quos nequeat, nequeatq<sub>3</sub> ars vlla docere.  
 Nulla igitur præcepta dabo, quibus ipse mouere  
 Alterius mentem valeas, sed protinus uno  
 Omnia concludam. Propriam bonus induc mentem,  
 Qualem optas aliis, tua tunc fortuna tuusq<sub>3</sub>  
 Continget reliquos animus, communia coget  
 Esse tibi atque illis cuncta infortunia, casus,  
 Ceteraq<sub>3</sub> humanam penitus variantia vitam.  
 „ Cogit enim natura homines communibus usque  
 „ Motibus impelli, seu gaudia, siue dolores

Optimos & com-  
 modissimos affe-  
 ctus spontè erum-  
 pere in illis qui  
 suas agunt causas.

Summa totius tra-  
 ctationis & docu-  
 menti.

Ostendit hominibus  
 à natura tributum  
 esse, vt alij aliorum  
 fortunis & miseriis  
 moueantur.

Vita

Vita ferat, causas & cuncta pericula iungit.  
 Et facile alterius damnum tristefq; ruina  
 Peruadunt sensus nostros, & mutua tentant,  
 Pectora: concessum sed si non cuncta leuare,  
 At sentire tamen nulli credam esse negatum.  
 Ostendunt lachryma ac risus, quaeq; omnibus insunt  
 Argumenta, pari affectu similiq; dolore  
 Exerceri animos hominum, multumq; moueri.  
 Ergo cura duplex fuerit, studiumq; laborq;  
 Dum finem fecisse par as sermonis habendi,  
 Enumerare modos causae, & momenta referre,  
 Atq; animos mollire hominum, compellereq; altis  
 Motibus, inq; tuae affectus effingere mentis.  
 Hæc mihi peruincet demum, hæc oratio palmam  
 Eripiet, quæ clausa graui sine atq; decenti est.

Summa eorū quæ  
 præcepta sunt erga  
 perorationem.

H 3

RHE-

## R H E T O R I C O R V M

## LIBER IIII.

Haecenus de arte  
Rhetorica, de cau-  
sarum locis, de ora-  
tionis partibus: nunc  
de ipso agit Orato-  
re.

*QVÆ causa, quibus eruere argumenta locisve,  
Qua serie inuentis uti, quæ verba petisse  
Conueniat, quibus exornentur & omnia formis,  
Diximus, & quales fines quæquæ ultima possant.  
Nunc Oratorem qualem, quantumq; patronum  
Optemus, facile expediam tibi carmine tantum.*

*Tuq; adeò, quem nostra colit celebratq; camæna,  
Adsis præclarum cui dat sapientia nomen,  
Hesperia decus eximium doctissime Iani:  
Quem pietas, quem sancta Deùm reuerentia magnū  
Efficiunt; quem rara facit doctrina colendum;  
Qui cunctos virtute trahis, sermone disertō  
Perducis, magnōq; tibi coniungis amore.  
Te spectata diu probitas, & cognita multo  
Tempore, & assiduo exemplo sapientia diua  
Sublimem excelsis Iani posuere cathedris,  
Et formanda tuo exemplo monitisq; dedere  
Pectora, mentem, animumq; excelsi principis, in quē  
Incumbit moderanda olim pars maxima mundi.  
Namq; ubi dispositis per regia gesta Philippus  
Decedet serus terris, & sidera tandem  
Pondere lassatus rerum melioraq; regna  
Atque decus celi meritum, æternasq; coronas  
Sponte petet latus vita satiatus & annis,  
Carolus imperij moles, & pondera regni  
Suscipiet, referetq; & auum, referetq; parentem:  
Hesperia desiderium numen quoq; duplex.  
O tibi quæ doctum tentabunt gaudia pectus,  
Cum celsō vectum curru grandæuus alumnus*

Honoratum Ianiū  
genere nobilissimū  
Caroli Hispaniarū  
principis præcepto-  
rem hoc in libro  
laudat, & Oratori-  
bus imitandum  
proponit.

Cum



Cum videas nixum folio, cum sceptrā tenentem;  
 Tunc, quæ iam magni duce te moderamina regni  
 Iustitiā atq; fidem didicit Divūmq; timorem,  
 Exercere paret, præceptaq; sancta referre,  
 Pectore quæ tenero nunc Iani sculpis, & altè  
 Insinuas, regemq; paras formare futurum.  
 Da facilem mihi te, vatiquē ignosce volenti  
 Artibus ex multis quibus es tu maximus, unam  
 Dicere, & ingenuos animos mentesq; docere.  
 Et patere hic, dum Oratorem depingere conor,  
 Te mihi præsentem fieri, exemplarq; colendum  
 Dede tuum. Nam si vultus verosq; colores  
 Expressisse tuos, nobis iam forte negatum  
 Ingenij culpa exigua & virtutibus artis;  
 Si tamen & primas umbras ductusq; mouemus,  
 Inuariata tuo figentes lumina vultu,  
 Hoc sat erit, non ut Iani componere laudes,  
 Et faciem pinxisse ferar, sed ut optima dicar  
 Ipse Oratoris posuisse exempla disertī.  
 Iamq; alij vates, quibus & natura benigno  
 Carmina concessit fluxu, tua facta canendo  
 Effigiesq; tui veras, miranda parabunt  
 Edere longinquis etiam spectacula regnis,  
 Aeternasq; suo capiti peperisse coronas  
 Certabunt, tua facta omnes laudesq; canentes,  
 Diuite materia inuenta, cunctisq; parato  
 Munere, & ad facilem palmam laurosq; vocante.  
 Nec minor hæc sit cura mihi, si carmina Musæ  
 Uberiora dabunt, & tantis commoda votis.

Translatione ex pi-  
 ctura ducta exte,  
 muat ingenij suū,  
 & Honorati laudi-  
 bus celebrandis  
 impar esse faterur.

Oratorem virum  
 bonum esse opor-  
 tere dicit.

Omnes virtutes  
 perstringit quibus  
 Christum Ora-  
 torem ornatum  
 esse vult.

Imprimis quicumq; voles Orator haberi,  
 Mentem animumq; tuum magnis virtutibus omni  
 Ornabis studio, tibi sit sanctissima semper  
 Iustitia; humanosq; simul quæ temperat actus,

*Atq; modū rebus statuit virtus, quaq; omnia perferet  
Fortuna tormenta manens immobilis, atque  
Erecta ceruice omnes contemnere casus  
Suevit, & immotis oculis prospectat Olympum.  
Nam cui causa hominum cedat, cui causa Dei sit  
Suscipienda, bonumq; paret suadere, malumq;  
Dissuadere petat, cui fas, cui iura parantur,  
Cui fuerit commissa olim sanctissima legum  
Maiestas, cui templa Deūm, qui publica cuncta,  
Qui scelus inuisum accuset, qui sana nocentum  
Pectora conturbet dictis, quem vita reorum  
Fortunaq; omnes tangant, seseq; tuenda  
Commendent lachrymis multis & supplice voto:  
O qualem decet esse virum iustumq; piumq;  
Non illum saui imprimis tormenta tyranni  
Terruerint, non ambitio neque inania vulgi  
Munera, falsus honor, vana & præconia laudis  
Tentabunt; procul omnis amor, odium procul omne,  
Spesq; metusq;, atque omnis opum vesana cupido.  
Qui simul ut suscepta bona molimina causa  
Arripuitq;, humerisq; suis conamine multo  
Imposuit, fulcire parans sancteq; tueri,  
Irruat opposito ventorum maxima flatu  
Tempestas, feriant immensi sydera fluctus,  
Terga premant hostes, clamor strepitusq; fragorq;  
Terreat incerto sonitu, iamque ingemat axis  
Orbis, & ipsa poli moles disiecta ruinam  
Ostentet, iamque astra cadant, iam sydera lucem  
Cuncta negent, obscura oculos nox occupet omnes;  
Impavidus tamen obsistet, susceptaq; numquam  
Pondera deponet, sonitum vanosq; fragores  
Contemnet, nec terga dabit, nec flectere recto  
Tramite cogetur, nec respexisse, nec usquam*

*Vel vultus variare suos, vel lumina tandem  
Mouisse, erecto procedet vertice, & usque  
Integer optatum persistet querere finem.*

*Prima igitur sit cura tibi Diuinumque timorem  
Imbibere, atque altè pietatem condere in imis  
Visceribus: metus ille sacer sanctosque bonosque  
Efficit, atque homines nullos, nec tartara saeva  
Is timuit, cui sancta calent Diuinumque timore  
Pectora tentantur, firmo tutissima vallo  
Corda parat, virésque, inuictaq; robora mentis.  
Tum studium formare animum virtutibus illis,  
Qua iustum, sanctumq; virum cunctisque probandū  
Omnibus ostendant: nam quamquā ex Rhetoris arte  
Virtutis præcepta dare atq; ostendere, non sit:  
Attamen & sanctos mores & pectora pura  
Vendicat ipse sibi Rhetor, qui querit honestum  
Discipulum, patriaq; bonum populisq; suis, &  
Religionis onus dignumq; aptumq; subire.  
E superis delapsa olim Suadela feroces  
Composuit gentes, populosq; ad iura vocauit,  
Atque hominum genus in propriam properare ruinā  
Avertit, vetuit cedes & robora duri  
Pectoris amouit, cantu lenita coëgit  
Cedere, & ad placidæ traduxit commoda vitæ:  
Tantum adeo potuit placido sermone mouere.  
Diuias artes tandem diuinamq; cedens  
Munera virtuti diuæ seruanda reliquit,  
Inq; hominum vitam & mortales tradidit usus;  
Et voluit sua sacra illis tractanda negari,  
Quos non agnoscat, proprios nec dicat alumnos  
Virtus magna Deum proles, atque unica vita  
Compositura decus nostræ, & quæ commoda cuncta  
Afferat, atque hominum generi celestia præstet*

H 5

Mune-

Diuinum timorem  
omnis sapientiz &  
fortitudinis initiū  
esse.

Rhetorica bonum  
virum non facit,  
sed exigit.

Persuasio ad homi-  
num vilitatem na-  
ta bonis viris ma-  
ximè gaudet.

Poëticè docet Sua-  
delam cum è terris  
discederet, sua mu-  
nera apud Virtutē  
deposuisse, ipsamq;  
Virtutem officij sui  
vicariam reliquisse.

*Munera, conciliet paritèrque hominèsque deòsque.  
 Este igitur procul à nobis, quos inclýta virtus  
 Dedita suis longe penetralibus arcet:  
 Sacrilegas prohibete manus, scelerisq̃ue nefandi  
 Iniustique doli linguas fraudisq̃ue ministras;  
 Nostráque vos puro tantum præcepta tenete  
 Pectore queis simplex cordi est, queis sola placere  
 Sola potest virtus, queis mens celestia tantum  
 Dona cupit, magnóque parat quasisse labore.  
 Huic liceat, penitus nostra hæc contingere sacra;  
 Cui studium est, cui cura genus mortale iuuare,  
 Spontèque pro patria procumbere, ponere magnis  
 Pro pietate animam rebus, grauibúsq̃ue periclis.  
 Hic mihi dicendo Orator suadebit, & omni  
 In causa eripiet palmam, cui pectus honesto  
 Incaluit, sociatq̃ue simul virtutibus altum,  
 Eloquentium, felix & munere præstat utroque;  
 Et morum gravitate premit, dulcedine linguæ  
 Pertrahit, inuitos cogit, vel spontè sequentes  
 Ire viam suadet, qualem sermone disertio  
 Instruit ipse, ducemque parat se, primus in illam  
 Incumbens, paritèrque mouet, vocemque pedemque.  
 Hunc etiam multis ornet sapientia diua  
 Artibus, atque omni doctrina munere, quisquis  
 Orator cupit & fieri, & præclarus haberi:  
 Hunc Heliconiades certent componere diua,  
 Quæque suum finxisse paret, proprióque coronet  
 Munere, perdoceat Pallasq̃ue & doctus Apollo  
 Instruat hunc multis, quas nouerit, artibus. Ergo  
 Unus erit qui sacra Deum mysteria prisca  
 Scripta voluminibus norit, qui carmina vatum,  
 Et responsa adytis cognoscat reddita sacris,  
 Apperiat, non ignoret ciuilia iura,*

Ponti-

Oratorem multis ar-  
 tibus instructum esse  
 debere, quandoqui-  
 dem oratoria fa-  
 cultas nullam pro-  
 priam materiam ha-  
 bet subiectam: sed  
 circa omniam ar-  
 tium materias ver-  
 satum.



*Pontificum leges sacras, diuinæque Patrum  
 Consilia, & quacumque genus mortale iuuare,  
 Et fœdus seruare hominum, sanctumque tueri  
 Concilium vitæ. & socialia vincula possunt.  
 Sæpe illi vel coniugium thalamique iugales  
 Propositi dicentur enim, vel iura fidēsque  
 Exercet quacumque audus mercator, & illi  
 Sæpius hæredes & testamenta dabuntur,  
 Vel iustè repetenda olim, vel lege tuenda.  
 Plurimus in vitiis sermo, in virtutibus illi  
 Plurimus, ut scelus exagitet, defendat honestum;  
 Tractandum fas atque nefas, tractandæque Diuinum  
 Iuræque, consilium, & quidquid sanctissima suadet  
 Religio, Christusque iubet: sæpe ille monebit  
 Iratos animos, & mitia corda reponet:  
 Dissidiumque inter fratres & iurgia seuæ  
 Componet, dictisque dolentia corda fouebit.  
 Hic quoties belli cupidos, & seuæ minantes  
 Prælia sedabit populos! rursusque feroci  
 Compellet stimulo, virēsque animosque parabit,  
 Ut ponantque metus, utque horrida bella capeffant:  
 Non raro dicenda illi terræque marisque  
 Officia, & quid pastor agit, quid curuus arator:  
 Nauita quid præstet, quid possint astra morari  
 Promissum officiū, quantum quoque turbidus Auster  
 Impediat, facilem cursum; iactura quid illis  
 Auferat, an proprias merces is debeat alto,  
 Demisisse mari, atque undas placare tumentes,  
 An casus quacumque feret magis obuia possit,  
 Dum trepidat metuens, sine crimine tradere ponto!  
 Non illi medicina vacat quicumque loquendi  
 Artificem sese præstat; nam corpora primum  
 Rettulerit nonisse hominum, quid perferat ipsa*

Oratoris facultati  
 omnium artium &  
 negotiorum ratio-  
 nem propositam ef-  
 se ad agendum. has  
 autem artes cou-  
 muerat.

Agricultura.

Nauigatio.

Medicina.

Membro.

*Membrorum natura, labor quis commodus illis,  
 Quæ regio noceat, quæ sint auræq; salubres,  
 Quæ loca conueniat iam culta relinquere rursus,  
 Quæ sedes habitanda magis, caliq; soli;  
 Quæ ratio, quantum possit medicina iuuare;  
 Quid se posse neget, sæpe hinc miracula Christo  
 Admiranda magis demonstrat, multaq; vitæ  
 Commoda constituet, multa hinc exempla parabit.*

Medicinæ cognitio  
 & virtus Christi  
 miracula multum  
 commendant, cum  
 omnem humani  
 remedi rationem  
 morbi quos ille cu-  
 rabat superent.  
 Vtilis etiam medi-  
 cinæ cognitio ad  
 exempla multa ob-  
 seruanda.  
 Architectura.

*Non modicum nouisse etiam conduxerit artem  
 Aedificatricem qua tantum Gracia quondam  
 Floruit, & nostris qua gloria magna Latinis  
 Accessit, dulcis nimium neque inutilis vlla  
 Parte labor, quæq; ingenium mentemq; docendo  
 Illustretq; acuatq; nimis, quæq; urbibus atq;  
 Principibus magnum decus addat, & vndiq; magna  
 Commoda, quæ tutos reddat sub mœnibus altis,  
 Securosq; paret somnos, quantumlibet hostis  
 Vicinum statuatur vallumq; armisq; animisq;  
 Sollicitet turbare, tamen præcinctaq; muris  
 Oppida, & excelsis templis & turribus ipsa  
 Mole minas discant hostis contemnere seui.  
 Multaq; præterea sunt artis commoda, vel tu  
 Tempia locanda pares, circos, fora publica, portus  
 Persuadere: nihil facies nisi protinus artem*

Architecturæ sum-  
 ma ratio.

*Noueris, & quanta humanæ vel commoda vitæ  
 Continet, atq; decus, tum qua ratione minora  
 Maius opus faciantq; magis dispendia pulchrum.*

Pictura.

*Illam etiam tibi præcipiam cognoscere partem  
 Artis & ingenij, cui quondam Gracia multum  
 Romæque detulerat laudis, Musisq; putauit  
 Esse parem, quæ naturæ speciesq; modosq;  
 Aemula depingit, mortales fallere sensus  
 Ausa quidem, quæ pulchra oculis spectacula promit.*

*Quæ*

*Quæ silvas pingit, tacito quæ flumina cursu,  
Quæque irritantes sitientia pectora fontes,  
Effringitque hominū atq; Deūm pulcherrima quæque  
Corpora solerti studio dulcique labore:*

Ex pictura multa  
naturalium rerum  
cognitio & multa  
exempla petuntur.

*Multa tibi exēpla hinc, multa ornamenta parabis  
Dicendo; non vlla magis celebrata disertis  
Ars fuit, utiliōrve magis, magis omnibus unquam  
Solicitata modis: ut possis credere doctos*

*Huic simul & parti intentos Musisque vacasse,  
Tātū opera & Veneris tantū superesse putandum est,  
Utque vrbes, ut templa Deūm, fora, phanaque semper  
Ornavit, propriisque dedit fore pulchra theatra  
Muneribus, sic dicendis concedere rebus*

*Magna potest ars hæc quondam ornamenta parare.  
Sæpe equidem (fateor) dum dicere pulchra frequēter  
Curarem, cupidusque diu meditata profari,*

*Rerum exempla avidus peterem, sed plurima passim  
Obuia damna rem, memini petisse disertum  
Villegam pulchrè cui pingere numina docta  
Concessere manu, & magnis virtutibus altum  
Ornari ingenium voluere, & dulcia cuncta  
Munera cum suavi vultus gravitate dedere.*

Petrus Villegas Hi-  
spalensis optimus  
vir, & pingendi po-  
ritissimus.

*O quanta indè tuli semper quàm multa que vitæ  
Exempla, atque operum formas, rerumque colores,  
Dum sequor intendēs arti mentēque animūque,  
Dūmque ipsum intueor multa & præclara loquentē.*

*Tandem nulla tibi ratio non cognita rerum,  
Nulla tuam mentem ars fugiat, quacumque iuvare  
Officio solet, aut rursus neglecta nocere,  
Illustratque homines, aut vitæ commoda præstat;  
Sæpe tibi occurrent dicenda, sæpe probanda;  
Sæpe dabunt exempla tuis & lumina verbis,  
Nec studium præstasse illis operamque pigebit.*

Nil

- » Nil adeò exiguum est, nihil aspernabile, quod non
- » Sit didicisse magis pulchrum, potiùsque beatum,
- » Quàm falli, cùm fortè petet tibi questio tales
- » Res agere, aut vsus, seu tentans omnia casus.

*Nec nos cuncta tibi hac tamen addiscēda monemus,*

Non omnium artium  
exatissimam peri-  
tiam postulari, sed  
nullius ignoratio-  
nem.

*Aut manibus tractanda damus, sed mente vidēda,*

*Mente reponenda est ratio, ingenioque sagaci,*

*Nosse decet, quid quaq; velit, faciātque, parētq; ars;*

*Vtile quid vitæ efficiat, quæ commoda præstet,*

Maximam esse hu-  
mani ingentium  
ad artium cognatio-  
nem, præsertim cūm  
artes ipsæ plerumq;  
inter se conueniāt,  
quod exēplo probat

*Nec labor hic nimium durus quando omnia sese*

*Munera coniungunt cognatis finibus, atque*

*Materia interdum communi, aut denique in ipso*

*Officio socias formas speciesque sequuntur.*

*Nam belli quicunque rudis Martisque cruenti*

*Non fuerit, turmas componere nouerit, atque*

*Iungere equos curru, ferrumque & sulphura tetra*

*Occuluisse caui sciet in penetralibus aris,*

*Et iaculum torquere manu, celeremque sagittam*

*Aptare, atque arcum distentis tendere nervis,*

*Multaque præterea belli instrumenta mouero*

*Doctus erit; sic ferri illi, sic sulphuris atque*

*Neruorum natura patet, sic usque feroces*

*Nouit equos, currusque leues, calami que volantis*

*Signa tenet, multas sic denique concipit artes.*

*Omnia quæ ingenio inuenta, aut exercita quæ sunt*

*Ingenio illustrare datur studioque domare*

*Has artes, atque hæc rerum documenta secutus*

*Orator si nostra simul præcepta tenebit,*

*Maxima præstabit vitæ & sermonis habendi*

*Munera; magnus erit dicendo, magnus & vsus*

*Viuenti, populósque sibi turbasq; virorum*

*Conciliare prius norit, mox reddere dictis*

*Parentesque sibi, & trahet in sua iura vocatos.*

*Sed*



De memoria, quæ  
omnium rerum &  
verborum thesau-  
rus est.

*Sed frustra quis nostra velit præcepta subire,  
Frustra omnis labor & studium profunditur omne,  
Ni memori valeat mentis componere cuncta  
Conceptu, & retinere simul res verbæque cuncta.  
Mirandas natura dedit mentique animoque  
Discendi vires, atque artibus abdidit amplas  
In spaciis penitus sedes, ut maxima rerum  
Contineat simulachra animus, pluresque figuras,  
Temporis antiqui historias, longamque dierum  
Annorumque trahat seriem, momenta sequatur;  
Et loca cuncta suis spaciis præsentia semper  
Contineat: fontesque urbesque & flumina, portus,  
Et quacumque tenet lato imperioque gubernat  
Æquora Neptunus, scopulos male tuta carinis  
Freta simul, syrtes; quæcumque pericula tandem.  
Iam verò tot signa poli, totque astra, tot ipso  
Dispositas calo formas rerumque figuras,  
Tot numeros viresque tenet, tot nomina totque  
Pondera, tot rerum species, tot concipit usque  
Res prisca, & quas paulo conspeximus ante,  
Ut credas posuisse Deum sedesque capaces,  
Et loca, quæ mundi formasque modosque tenerent  
Finibus angustis nimium nimis orbibus artibus,  
Atque adeo hinc artes omnes, hinc maxima vitæ  
Commoda nascuntur, rerum prudentia nobis  
Ducitur hinc, quoniam frustra labor omnis & usque  
Discendi indefessa foret mortalibus agris  
Cura omnis, si non concessum munere Divum  
Mente animoque agitata diu componere certis  
Sedibus, inde adeo officio repetita fideli  
Querere, præsentisque olim depromere in usus.  
Hoc tamen atque alia id generis volvere labore  
Numina constare assiduo, namque illa veterno*

Memoria laus.

Memoriam cura  
& studio excolenda  
est.

Pars

*Pars animi capitur nostri magis omnibus una,  
 Et torpet non culta diu, virēsq̃ue remittit,  
 Angustātque locos, & sedes contrahit omnes.  
 Multa etiam patitur discrimina, saepe senectus  
 Perturbat memorem sensum, posita s̃q̃ue per annos  
 Effigies delet rerum, vel singula certo  
 Membra mouetq̃ue loco, & cecis conuoluit acernis:  
 Sape etiam adueniens morbus vim mentibus illam  
 Abstulit humanis, & pigra obliuia rursus  
 Imposuit: vidi qui nomina chara suīque  
 Sanguinis atque sua obliti, perdiscere rursus  
 In teneri infantis morem coguntur ab ipsis  
 Principijs formas, & nomina querere rerum.  
 Tantam animis molem, & tantam contagio labem  
 Corporis adiungit, terrenāque semina miscet.  
 Sed quamuis natura dabit felicia mentis  
 Principia, atque animum facilem, tamē vsque fidelē  
 Sape negat, memorēmq̃ue diu contingere sensum:  
 Sunt etenim quibus inuitis hærere recentes  
 Et res & voces soleant, & protinus adant,  
 Quaecumque exiguo modō percepere labore.  
 Hæc tamen & subitus motus mox mentibus ipsis  
 Deicit, & facilis deturbat casus, ut olim  
 Quæ molli signata luto traxere figuram,  
 Continuo fugisse solent, residētque soluta:  
 Rursus & illa magis durant, quaecumque notantur  
 In ceris, aut sunt cretæ commissa tenaci.  
 Sic tardæ interdum mentes, quas fingere cura est,  
 Et melius retinere solent, & reddere certum  
 Deposuit, nomenq̃ue sibi fecisse fidele.  
 Sive ergo natura sequax penitusq̃ue beatum  
 Ingenium tibi sit, Diuū non spernito dona;  
 Sed gratus, iubeo, agnoscas, cura q̃ue frequenti*

Memoriam multis  
ausis minui.

Solent qui facile ca-  
piunt, facile obli-  
uisci.

Pulcherrima simi-  
litudo ad facilitatē  
& difficultatē me-  
moriz ostendendā.

Sive, inquit, bona,  
sive minus felici  
memoria prædius  
sis, illa semper est  
excolenda.

Mune-

*Munera commissæ exerce, & meliora colendo  
 Effice, neu calum infensum, neu sidera reddas  
 Ipse tibi, neu te dignum cui plura negentur.  
 Siue parum felix campus, salebrosaquæ mentis  
 Contingat natura tibi, non desere mæstus  
 Fortem animum, sed cura omni assiduoque labore  
 Peruince & steriles campos, fecundaque cultu  
 Redde sola, atque tibi egregiam proponito laudem,  
 Téque para ad pulchram assiduo certamine palmã:  
 Néve minora tibi promittas, Numine dextro  
 Contingent sperata tibi, durumque laborcm  
 Et curã, atque animum fortẽ, spemq; astra probabũt;  
 Et se victa tibi subdent, cedentque iubenti.  
 Ergo animum peruince tuum, curamque frequẽnt  
 Admoueas, exercendo & peruiceris omnem  
 Duritiem, noménque tibi per sæcula pulchrum  
 Compones; quódque inuideat cui fortẽ benigna  
 Indulsiť facile ingenium natura animumque.  
 Multa igitur disce, atque animo concepta reuolue;  
 Atque agita aut sacras Leges, vatũmve sacrorum  
 Responša, & celebres hymnos, & carmina Regis  
 Iessiada, quibus ô quantum sapientia diua  
 Indulsiť! quantasque & opes quantasque parabit  
 Diuitias, quicumque sacris ditescere mentem  
 Carminibus sacrisque paret se legibus aliõ  
 Imbuere, & quæcumque libris sententiã sacris  
 Eruitur, mandetque animo, penitusque reponat:  
 Inde etiam atque etiam repetat, quandoque canendo  
 Hæc referat, quandoque leuet fastidia vitæ,  
 Atque iter imminuat longum, durumque laborem:  
 Hæc memori voluens animo, dulcẽmque camœnam  
 Prouocet, aut si quæ peragenda negotia dentur:  
 Hinc repetat similes species, & commoda rebus*

Psalmorum enco-  
 mium & totius sa-  
 cræ scripturæ quam  
 ediscendam Ora-  
 tori Christiano  
 suadet.

Memoriam rerum  
 quæ ediscuntur me-  
 ditatione & repe-  
 titione firmari.

*Consilia, exemplumque graue, aut contraria gestis  
Gesta trahat, quae cuncta simul iam conferat, atque  
Quid pulchrum, quid turpe putat, dignoscere curet.  
Sic agitata animo & multum repetita parabunt  
Aeternas in mente domos, semperque manere  
Gaudebunt, ubi tam grato se excepta probarint  
Hospitio, inque omnem euentum se commoda semper  
Praestabunt, referentque operis fructum atque laborum.*

Multa etiam alia  
ediscenda esse, siue  
prosa oratione, siue  
carmine scripta sint

*Nec non multa tibi sunt ediscenda priorum  
Dictata, atque animo penitus retinenda fidei,  
Quaecumque aut prodesse queant, possint ve inuare,  
Et fructus retulisse olim opera atque laboris.  
Siue illa incessu plano gressuque soluto  
Dicta suis grauer fuerint auctoribus, inde  
Inde pete, & committe animo, quae saepe reposcas.  
Seu numeris astricta magis, magis & pede certo  
Procedant, certis parentia legibus, atque  
Musarum assuescenda modis, sonitusque secuta,  
Quos Helycon, quos sacra audit Permessidos undae:  
Hae melius sese insinuant, & mentibus haerent  
Dulcisonis admissa modis suauisque lepore,  
Et numeris sese facile associantibus intra  
Labuntur, mox clausa animo penitusque locata  
Perdurant, ponuntque sibi gratissima semper  
Confugia & sedes, iam cedere nescia, sed se  
Conseruant iisdem numeris, atque ordine quibus se  
Ingressere, nec hinc penitus discedere possunt;  
Nam si forte aliquid cedat, missoque vagetur  
Ordine, continuo in numerum renocabile rursus  
Cogitur, & socium turba clamante recurrit.*

Carmina multum  
memoriae accom-  
modari.

De memoria quam  
Artificialem vocat.

*Sed quoniam nil non mortalis tentat egestas,  
Quaeque negat natura homini, tamen improbus audent  
Explorare labor, quaedam concedere casus*

*Assolet,*



, Assolet, & veniens tardo experientia gressu.  
 Hæc vada tentare, & vetitos contendere in usus  
 Mens hominum fuit ausa olim, ingeniumque negatū  
 Fingere, & inuitis componere protinus astris:  
 Et vitia assiduo tamen emendare labore.  
 Quando igitur rara hæc memoris sunt munera mētis  
 Concessa, & locuples rerum thesaurus habetur  
 Haud facile, inuiditque homini natura bonorum  
 Plurima; tentatum est animum molimine multo  
 Fulcire, atque opere admoto reparare labantem:  
 Additus arte labor, lustrandoque omnia quosdam  
 Inuenere locos, ubi ponere nomina rerum  
 Et rerum effigies possent, mōxque inde petita  
 Ordine fingeant certo, certaque figura;  
 Sedibus inque suis ponebant singula cauti.  
 Ut si virtutem vellent laudare deorum  
 Progeniem, quæ sola potest mortalibus agris  
 Curas & misera discrimina pellere vita;  
 Solaque post obitum facere & seruare beatos,  
 Atque suos tandem in calum sedesque supernas  
 Tollat, & aternis inbeat discumbere mensis.  
 Primo ergo ipsa loco virtus efficta manebat  
 Inter calicolas, collumque amplexa parentis  
 Illa Iouis, quamque ille volens gratusq; foueret.  
 Parte alia virtus miseris mortalibus astat,  
 Pocula proponens certa & medicamina cunctis,  
 Queis animi curet morbos, curasq; nocentis  
 Depellat, mox visa sacrum conscendere Olympum,  
 Ducere mortales secum, sacrisq; locare  
 Sedibus, aternasq; illis concedere mensas.  
 Hæc loca sunt libris olim celebrata priorum,  
 Artifici deducta modo, serieq; decenti  
 Disposita; hic rerum series & verba solebant

Antiqui ad artiū-  
 cilem memoriā  
 quædam loca nota  
 obseruabāt, in qui-  
 bus rerum imagi-  
 nes & verborum  
 notas cogitanda  
 locabant.

Exemplum rei in  
 locis ad memoriā  
 parandam dispositæ

De Seneca hoc narra-  
ratur.

Ars memoriæ à  
Poeta excogitata:  
amicorum & fami-  
liarissimorum effi-  
gies in mente certo  
ordine collocare,  
resque ediscendas  
illis ordine com-  
mittere. hic modus  
facillimus fuit Poe-  
tæ nostro, cui amici  
omnes quos pluri-  
mos haber, nunquā  
memoria neque co-  
tidiano sermone  
excidunt.

Ponere, & ad certos usus repetisse parata.

Hinc aliquis multa extemplo sibi carmina multis  
Audita à pueris retulit, non fallere doctus.

Est aliud genus artificem tibi ponere mentem  
Quo possis, nec certa minus dat pignora fidum  
Reddere depositum, nec nos ea cura fefellit,  
Nam saepe experti officiumq; operamq; fidelem  
Vidimus, in numerum certum quantumlibet usque  
Ingentem charos opus est componere amicos,  
Nomina grata mihi, & numquam de pectore nobis  
Elapsa, atq; omni praesentia tempore nostris  
Mentibus, hos certa distinximus ordine quondam,  
Et serie certa atque notis: tum protinus illis  
Quacumque aut dicenda forent, animo ve tenenda,  
Commisi; quibus & verbis, quo ve ordine vellem  
Dicere, proposui tacitus sic singula cuique;  
Ut facerem mihi praesentem, iamque omnia coram  
Differerem, vocesq; omnes & cetera fingens.  
Atq; illum praesentem animo, & mea cuncta notatē  
Fingebam, mox discedens seruanda reliqui  
Cuncta illi, in proprios usus, aliumq; petebam;  
Moxq; alium, atq; alium socium quam plurima velle  
Nomina resq; animo committere, cuncta parabam  
Commisisse suo disponereq; ordine charis  
Aut sociis, aut cognatis, aut deniq; amicis:  
Sic ubi iam ratio exigeret, vel dicere causam  
Religionis apud populum, vel principis aures  
Tentare, & rerum molimina ponere certis  
Vocibus, aut magno in ludo certamina docti  
Sustinuisse, diem totum perstare parati,  
Nostraq; differere, & multis rationibus usq;  
Firmare, & contra iaculata retundere tela,  
Sensimus hanc artem certam, nec me illius unquam  
Pœni-

Magnum ludum  
vocat Gymnasium  
publicū litterarum.

Pœnituit, quare hanc iubeo ne neglige Gaspar.

Damnat Petri Ra-  
uenatis præceptum  
de paranda memo-  
ria, proposita puel-  
læ amatæ imagine.

Quidam etiam meminisse docens, molitus & artē  
Quæ mentem firmare queat, multumq; fidelem  
Reddere; præcepit, si quisquam forte puellam  
Ardeat, hanc animo quoniam non deseret umquā,  
Huic rerum meliora libens, huic optima scitu  
Committenda paret prudens, & dulcia fingat.  
Colloquia, atque illi cuncta hæc seruanda relinquat;  
Mox ubi vel ratio vel tempus postulet, illam  
Mente adeat, positumq; petat, quæratq; relictum:  
Sed fuge præceptis Gaspar fallacibus umquam  
Parere, & monitis nostris accede rogatus.  
Principio non vlla tuos percellere sensus  
Pulchra puella queat, nec dulces pectore flammæ  
Concipias, namq; ingentem tibi protinus ignem  
Prædico: quæq; exiguo scintilla calore  
Prima tibi fuerat, iam magna incendia cordi  
Iam dabit ingentesq; rogos, quosque ipse Typhæus  
Aspiciens leuiores sibi tormenta parari  
Gaudeat, atq; suam sortem soletur. Amorem  
Dei tunc quicumque cupit sapientibus esse  
Persimilis, quicumque sibi reliquisq; parabit  
Prodesse, hanc fugiat pestem, seuumq; furorem  
Inuisumq; Deum Musis, namque omnia sacra  
Contemerat, dulcēsque choros cantusq; prophanat,  
Atque adeo quicumque semel fera vulnera sensit,  
Quæq; Amor immisit, quæ fixit tela medullis,  
Prima sui hunc rapiuntq; tenentq; obliuia, nec se  
Perditus agnoscit, patriam charosq; propinquos  
Deserit, & rerum contemnere maxima gaudet;  
Non honor hunc, non diuitiæ, non tangit honesti  
Cura, decus proprium, simul optima negligit usque  
Officia, atq; odit socium meliora monentem,

Mira & artificiosissi-  
ma Amoris dete-  
ctatio.

Amor memoriam  
rerum omnium  
perdit.

Atque infantileis lusus curasq<sub>3</sub> frequentat,  
 Et leuibus totus studiis incumbit, & omnes  
 Deridet, quoscumque iuuat, sapientia, quosq<sub>3</sub>  
 Et rerum decus exercet, quos Diuaq<sub>3</sub> virtus.  
 22 Tantum adeò refert curas admittere edaces;  
 22 Aquè sinu exiguos fuisse Cupidinis ignes.  
 Sed quanam poterit ratio, quæ forma iuuare,  
 Ut meminisse queat rerumq<sub>3</sub> atq<sub>3</sub> ordinis atq<sub>3</sub>  
 Verborum, quemcumque sui non tangere cura  
 Vlla potest, animumq<sub>3</sub> miser mentemq<sub>3</sub> perire  
 Non sensit, puero similis vilissima tractat.  
 Nonne vides quæ iam facies, quis vultus amantis,  
 Quis color atque tremor sit toto in corpore, quando  
 Mente colit charam (sua tristia fata) puellam!  
 I nunc & sensus rerum serièmq<sub>3</sub> modòsque  
 Verbaq<sub>3</sub> dicendi atque artem committe puellis,  
 Ut decus omne tibi pereat, plenòque theatro  
 Dedecus ipse tuum prodas, turpemq<sub>3</sub> pudorem.

Alia ratio ad parandum memoriam artificialem optima, atque certissima, quæ & ad facile percipiendum, & ad diu retinendum ea quæ percepta sunt conducit.

Sed tamen ipse tibi possim præscribere certam  
 Discendi formam, & numquam fallentia mentem  
 Dogmata: namq<sub>3</sub> omnes (fateor) tentauimus olim,  
 Expertiq<sub>3</sub> sumus, quas quisque ostenderat artes;  
 Cetera sed tandem damnamus: hanc ego primus  
 Composui, hac usum me etiam sapissimè numquam  
 Pœnituit, certam reperi, semperq<sub>3</sub> fidelem.  
 Nec mihi præsentis hæc tantum contulit usus,  
 Sed diuturna etiam promittit commoda, namq<sub>3</sub>  
 Radices in mente locat, faciliq<sub>3</sub> labore  
 Exiguo & cultu producit cuncta, inbetq<sub>3</sub>  
 Perstare, æternumq<sub>3</sub> facit dictata manere.

Primum huius artis præceptum est, res ipsas ordine disponere, considerando ea quæ rebus secun-

Principio rerum quas dicere contigit omnem  
 Naturam inspicias iubeo, & primordia prima,  
 Et quæ sint elementa prius dignoscere cura:

Mox



dum naturam in-  
sunt, & quæ secun-  
dum acciderent.

*Mox etiam effectus rerum fructusq; reponere,  
Qui certi, quive incerti, qui scilicet omni  
Tempore proueniant, qui raro; hæc singula cautus  
Perpende; & iam quas formas, quæq; extera iungat,  
Associéntq; sibi, postremo exquirito fines;  
Atque euenta petas rerum, & proprio ordine cuncta  
Discute; mox breuib; discussa exponito chartis,  
Ordine quo primum deducta, ac nota fuere.  
Ergo cuncta tibi semper disponere primis  
Principiis, atque ad certum deducere finem  
Præcipio; atque obiter quæ sunt cognata locare,  
Quémque dedit rebus Natura, hoc ordine nunquã  
Neglecto, certósque modos assuesce parare,  
Atque viam certam, qua possis querere quidquid  
Vel ratio dederit, vel fors improuida forsã  
Obtulerit, subito atq; oblata efferre iubebit.*

Omnia quæ cog-  
noscuntur ad rem  
perrinere, disponẽ-  
da sunt paucis ver-  
bis, & dialectico sty-  
lo in tabella, deinde  
eodem ordine in o-  
rationem exornan-  
da & amplificanda.

*Hæc ubi dispositis comprehenderis omnia formis,  
Ordine quæque suo componens; verba parabis  
Dicendiq; modos, propriasq; aptasq; figuras,  
Queis ornes dicenda; tamen non longius illa  
Deducas, non obscuris inuoluere pergas  
Vocibus, & duris nimium; sed commoda semper  
Quæsieris, & quæ cognata vocabula rebus.  
Namq; etiam seruant seriem, seseq; vicissim  
Nomina contingunt, ut res, utq; ordine nobis  
Res olim natura dedit, sic ordine iussit  
Componi voces ratio, totusq; suas res  
Consequitur dicendi ordo, speciësque genusq;  
Ut rerum sic verborum: nec discrepat ullo  
Limite ab indoctis sapiens, nisi nouerit & res  
Ordine quasq; suo prudens distinguere, & idem  
Iungere, tum voces aptas componere rebus.  
Hoc igitur sequere, & verbis vestire propinquis*

Verborum & ngu-  
rarum ornatus fa-  
cilis sit, & ad sermo-  
nem communem  
accommodatus.  
Ut inter res ipsas or-  
do & series inueni-  
tur, sic inter voca-  
bula rerum quædã  
quasi cognatio est.

Proprijs vocibus  
maximè vti oportet.

Translati verbis  
quomodo vti de-  
beat.

*Res omnes assuesce mihi, & tua doctus habebis  
Munera, nec propria certus priuabere laude.  
Sed si quando alias voces transferre libebit,  
Et propriis te vti semper, iam tadia tentant:  
Scilicet & facias, concedo: sed omnia tandem  
Sunt fines habitura suos, formamq; modumq;  
Et genus & series etiam seruetur in ipsis  
Translatis, & certa sequi se nomina iungunt,  
Seq; vocant ipsæ voces, gaudentq; propinquis  
Nexibus astringi, atque solent disiuncta dolere,  
Et mentem vexare etiam discantis, & ipso in  
Tempore deficere, & cassum reddisse laborem.*

- ” Sine igitur propriis verbis, seu dicere tentes
- ” Translatis, nunquam naturas desere rerum,
- ” Atque pares rebus voces, & nomina prudens
- ” Compone, hæc iubeo; pulcherrima & optima semper  
Ornamenta tui fuerint sermonis habendi.

Alterum præceptū  
ad memoriam arti-  
ficalem parandam,  
ut quæcumque cō-  
posuerimus propria  
manu, & certis no-  
tis & characteribus  
scribamus.

*Et quoniam totam exhibeo non inuidus artem,  
Quam mihi donarunt Musæ studiumq; laborque  
Omnia tentanti, præcepta hæc vltima tradam.*

*Quidquid erit, quod tu certa ratione modoque  
Dispositum teneas, atq; his, quas diximus antè,  
Artibus ornatum, hoc propriis describere signis  
Atque characteres proprios depingere disce:*

*Imprimisq; & scribendi non vltima cura  
Sit tibi, pingendique notas elementaque pulchra;  
Gratia magna quidem pulchrè scribentibus usque  
Contingit, gaudent omnes laudantque legendo  
Scripta charactere eximio, quales meus olim  
Fingeat, genitor; possunt queis cedere prælis  
Nobilibus quicumque libri excuduntur, & ipse  
Hæc chari monimenta patris, hæc pignora mecum  
Conseruo, Astroꝝ motus calique meatus*

De scribendi studio  
& ratione quam  
hoc loco multum  
commendat.

Benedictus Arius  
poetæ pater scribē-  
di dexteritate ma-  
ximè præditus fuit,  
cuius multa extant  
monumenta erudi-  
tionis plena, & ele-  
gantissimè scripta.

*Scripse-*

Scripserat ille mihi senior, pulcherrima nato  
 Dona, laborque ipsis ipsis quoque pulchrior astris,  
 De quibus ille mihi praecepta probanda reliquit:  
 Non homini vox talis erat, non dulcior ulli  
 Cantus, & ingenium nulli mage dotibus auctum  
 Crediderim, maior fuerat non gratia vultus,  
 Atque manus: quicquid dixisse, egisse pararet,  
 Cedebat facili ductu: testis mihi certus  
 Temignus, Legio Hesperiae quo praesule quondam  
 Gaudebat, namque ille mei monumenta parentis  
 Et spectanda olim & cunctis laudanda ferebat.  
 Illi bis duodena dabatur epistola nostro  
 A genitore, notis variis depicta, nec una  
 Alterius, praterquam aut signa aut nomina tantum  
 Auctorem testata suum sub fine, tenebat.  
 Atque adeo iam hac barbaries quoque, maxima nostris  
 Exulat Hesperius, quae quondam insederat altis  
 Nobilium infelix in mentibus usque laboris  
 Et pulchri studij ignaris: nam turpe putabant  
 Ingenuo vel scire notas depingere pulchras:  
 Tantum adeo valuit mentes inuertere torpor.  
 Attamen (Hesperiae melius lucentibus astris)  
 Nobilium iuuenum cessit iam hic mentibus error,  
 Inter & ingenuas artes numeratur & illa,  
 Scribendi pulchrasque notas dignasque Camænis;  
 Quales docta manus nouit depingere Petri  
 Veleij; quales noster Chirofius, actu  
 Gaspar amicitia exemplar, sanctaeque mecumque  
 Et decus, & nostrae dulcissima pignora vitae.  
 Ergo scribendi curam laudamus, & artem,  
 Et Musis dignam sacris, diuaque ministrari  
 Mnemosynes; namque illa solet persaepe iuuare  
 Mentem hominis: didici expertus, cum carmina, cumque

Idem Benedictus  
 poëta pater & vo-  
 cis suauitate, & mu-  
 sicæ petitiâ excel-  
 luit. vultu autem  
 & aspectu dignissi-  
 mo erat.

Citat testem Temi-  
 gnium Legionensem  
 episcopum, qui epi-  
 stolis à Benedicto  
 patre sibi missas o-  
 rādebat.

Damnat maiorum  
 nostrorum iudiciū,  
 qui rectè scribendi  
 studium tanquam  
 nobilitati minus  
 aptum reiciebant.

Petrus Veleius no-  
 bilissimus & erudi-  
 tissimus scribendi  
 peritiam laudatus.  
 item Ioannes Chi-  
 rofius & nobilis &  
 apprime doctus, &  
 poëta cultissimus.  
 nec non & Gaspar  
 Velezius ipse.

Mnemosyne. Memo-  
 ria.

*Ipse meis digitis descripsi multa, soluto  
Sermone, ediscenda mihi, populumque docenda  
Christicolūm, pietatis opus, sanctūque timorem,  
Spemque fidemque, & multa adco mysteria Christi;*

Maiores litteris  
multum iuuari  
memoriam.

*Ipse meis posui digitis, certasque figuras  
Depinxi, longasque notas, facilesque legendo,  
Distinctasque locis certis: nam gratia magnis  
Multa notis certè suberit, velut ipse notauit:  
Vtilitas nulla exiguis, quas fallere certum est  
Primum oculos, & mox mentem, fugiuntque videri,  
Et breuitate latent nimia, mentique negantur.*

Tertium præceptū,  
scripta sepe rele-  
gere.

*Magna igitur pingam quacumque, ediscere curem.*

*Hæc ubi disposui scriptis, deciesque relegi,*

*Herent, & nostra semper præsentia menti*

*Assistunt; atque ipse liber mihi fingitur intus,*

*Et sese ostentat dicenti: utque ipsa legendo*

*Pagina versa mihi fuerit, sic vertere sese*

*Ipsa solet tacito in corde, ostenditque videndam.*

Summa præcepto-  
rum quæ ad memo-  
riam artificialem  
pertinent.

*„Hæc ergo memorem mentem certamque parabunt,*

*„Naturæ constans ordo, vocumque figura*

*„Apta ipsis rebus; propriamque hæc scripta per artē,*

*Quam poteris pulchris formis, & sæpe relecta.*

Parebas in qua  
Honorati Ianij me-  
moriam cum pluri-  
marum artium pe-  
sitis laudat.

*Si tamen exoptas memoris miracula mentis,*

*Et cupias animo mortalem excedere sortem,*

*Par superis meminisse velis; mea carmina nunquam*

*Id tibi monstrabunt: nec enim diuina monemus,*

*Nec molimur opus nullis imitabile, quando*

*Ingenio id fuerit nostro, nostrisque negatum*

*Viribus, & nulli contingere vidimus unquam,*

*Præter Honoratum doctum, cui Numina tantum*

*Concessere animi virtutum, ac tanta dedere*

*Munera, quanta olim tanti decuere magistrum*

*Principis, & quæ etiam nullis cognouimus ante*

Exem-



*Exemplis, & quæ nostri meminisse nepotes  
Non poterunt exempla suis sentire diebus.  
O quoties Mæcenatem hunc miratus ab ipso  
Sydere, quo tellus pallentes discutit umbras,  
Donec in occiduo demergitur aequore Phæbus,  
Officio astantem vidi, cum plurima turba  
Hunc adit, atq; huius gymnasia docta frequentat,  
Quiq; colūt Musas, quæ sunt sacra carmina cura,  
Qui studium exercet linguae eloquiumq; disertum;  
Quosque tuum Phœbe inuentum, medicina salubri  
Detinet auxilio; quos publica iura forumq;e  
Exercet, iamq;e astrorum mundiq;e periti  
Hic orbem, hic maria ac terras metantur, & altè  
Tempora discutiunt, motus quos sydera toto  
Fixa polo seruent, atque hic quem maxima rerum  
Delectat Natura parens, causasq;e notare  
Cogit, & in rebus elementa inquirere cunctis.  
Hic quicumque modos vocum, qui carmina nervis  
Aptat, & intonsi pertractat Apollinis artem:  
Non pictor, non & sculptor, seu marmore siue  
Aere sacros ducat vultus Divûmq;e figuras,  
Et veterum artificum certet superare labores,  
Hic cessat, non ingenij quicumque probati  
Laude aliqua nomen pulchrum sumamq;e tuetur.  
Omnibus ille vacat gratus, cunctosq;e tuetur  
Officioque fouet docto, & certissima reddit  
Responsa in quacumque illum quis consulit arte.  
Iamq; adeo quisquis Divina oracula sacris  
Scripta voluminibus celebrat, legesq;e frequentat,  
Et monitus Divûm, vatumq;e arcana piorum;  
Huc conferre solent quidquid didicere legendo,  
Hinc petere abstrusos sensus, quicumque latere  
Et fugere humanam mentem ingeniumq;e videntur.*

Ipse ego sæpe domum (fatear) miratus, & altum  
 Ingenium, doctusq; magis meliorq; redibam:  
 Vnde tibi tantum mentis doctissime Iani,  
 Vnde fluens indefesso tibi pectore torrens  
 Dicendi? unde & tot spacium, tot tempora rebus  
 Discendis, quando & Marti bellisq; vacabas?  
 Vnde recordandi vires, & cuncta locandi  
 Ordinibus propriis, ut non confusa ferantur,  
 Ut prodas, mox quesitus, non omnia tantum  
 Momenta, & methodos omnes, quæq; artibus insis  
 Materies, sed scriptorum tibi pagina multa,  
 Auctoresq; ipsi toti certo ore citentur,  
 Seu Graio sermone petam, seu forte Latino,  
 Seu Tusco, siue & Gallo? nam plurima lingua  
 Ore sonas facilis discrimina, quæ tibi magni  
 Inuideat. Ponti princeps; namq; ille disertus  
 Bisduodena suis totidem distantia linguis  
 Iura dabat populis quos sub ditione premebat.  
 Hoc ego temporibus modò non imitabile nostris  
 Quod tibi felici donabant Numina sorte,  
 Iani non ullis componam versibus umquam:  
 Hæc superos poscenda puto, non arte petenda.

Ad Mitridatem al-  
 ludie multarum lin-  
 guarum periculi.

De pronuntiatione,  
 cui quidam in oran-  
 do palmam tribuit.

Sed quid tam longam Gaspar conteximus artem,  
 Tantaq; verborum & rerum præcepta mouemus?  
 Ut quod Musa mihi spacium præscripserat omne,  
 Imprudens penè implem: & loca parua supersint,  
 In quibus ipsa suos viuens prolatio motus  
 Explicet, & numeros & partes compleat omnes;  
 Queis tantum valet, ut merito sibi præmia palmæ  
 Sapius eripiat, nulli concedat honorem  
 Parti alij, iubeatq; omnes & cedere cogat.  
 Se iactet, viresq; suas, queis pectora cuncta  
 Impellat, fortisq; trahat multumq; fatiget;

Donec

Donec peruincat, cogatq<sub>3</sub> facessere, quidquid  
Persuadere olim cuperet, votisq<sub>3</sub> fruatur.

Quod si carminibus breuibus non passa doceri est,  
Dedignata locum angustum, tempusq<sub>3</sub> modumq<sub>3</sub>,  
Et nimis arcta sibi damnet sedilia, rursus  
Conueniat, totam tibi quam præscripsimus artem,  
Diruere; inq<sub>3</sub> breues constringere cuncta figuras,  
Dicta prius quacumq<sub>3</sub> mihi, totumq<sub>3</sub> parare  
Huic operi & spaciū & tempus, describere & artis  
Hanc unam potius partem, cui cetera cedunt:  
Sed tamen interdum breuibus tentanda putamus  
Munera, quasq<sub>3</sub> sibi viuens prolatio partes  
Vendicat, atq<sub>3</sub> opere in toto dicentibus ipsa  
Commodat, orandiq<sub>3</sub> omnes concedit in usus.

Omne adeò, quodcumq<sub>3</sub> animos impellere tentat,  
Atque intus penetrare parat, secretaq<sub>3</sub> mentis  
Afficere, externos primum pertingere sensus  
Conueniet, namq<sub>3</sub> hi primi mentisq<sub>3</sub> animiq<sub>3</sub>  
Custodes, primiq<sub>3</sub> duces, rem protinus omnem  
Excipiunt venientem, ad primæ & limina mentis  
Admittunt, proprioq<sub>3</sub> parant examine primum  
Explorare, nec inuitis tu sensibus unquam  
Pertinges hominum mentes: ea munera prima  
Scilicet isq<sub>3</sub> labor, primum percellere sensus,  
Multiplicesq<sub>3</sub> animi portarum tangere postes;  
Et petere hinc ad secreta penetralia mentis  
Occultos certosq<sub>3</sub> aditus, & sæpius omne  
Pondus, & in causis momenta tulisse videmus,  
Si quis permouit sensus, animiq<sub>3</sub> ministras  
Pronidus affecit vires, & cedere iussit.

Tantum operis, tantum imperij Natura putatur  
Permisisse ipsis iam primum sensibus, v: si  
Impulsi externis fuerint victiq<sub>3</sub> figuris,

Pronotiationis  
vim maximam esse  
ex naturali confi-  
deratione ostendit.  
Sensus exteriores  
animæ iactas esse.

*Alliciant, penitus mentem, cursuque secundo  
Deducant, aut expugnent, & cedere cogant;  
Sed non tam rerum vires & pondera possunt;  
Non tantum ipsa potest series, non omnia tandem  
Artis multiplicis molimina pellerè duos  
Et sensus placare omnes, non vincere tantum,  
Quantum hac una potest dare iam prolatio, quando  
Sensibus aptat se cunctis, conatur & omni  
Parte reluctantes multa pervincere mole:  
Et nihil aggreditur vanum, nil tentat ineptum;  
Omnia sed certa & nunquam fallentia tangit.  
Iamque igitur reliqua oculum pertingere mentem,  
Secessusque animi internos penetrare satemur,  
Atque agere interdum, sed maxima & optima tunc  
Vendicat una sibi recta hac prolatio causis  
In cunctis, atque una solet pervincere, quod non  
Vel potuit res ipsa olim, vel copia fundi.*

Sensus affectu magis quam ratione expugnari.

Rationes & argumenta ad intellectum vincendum parantur affectus ad sensus permouendos, qui quidem affectus pronuntiationi feruntur.

De voce.

*Primum igitur vox ipsa tibi formanda paretur  
Quæ motus animæ internos, quæ verba refert  
Sola potest, nec enim sine voce hac dicere quicquam  
Continget, velut illa animi meditata per auras  
Atque agilis penetrat spaciis distantibus aures  
Interpres Diuini atque hominum, sacra munera magni  
Mercurij, apta hominum socias coniungere turbas.  
Hanc igitur qualem dederit Natura, videndum est;  
Nam variis olim formando finxerat ipsa  
Næ omnes natura sonis, & dispare cunctos  
Guiture disparibusque dedit sonuisse figuris.  
Hic grauiore quidem sonitu, ast hic præstat acuto;  
Hic magis obscuro, claro hic, at, flectitur ille  
Et medias rumpit voces, & deficit; ast hic  
Perpetuo ductu perduxerit integra vocum  
Munera: iam mollis vox quedam fæmineumque*

Vocis natura, formatio & vis.

Vocis variæ natura.

Perf-



*Personat; aut trepidans pueriles concitat ictus:  
 Sunt alia & vocum discrimina, siue canendo  
 Seu sermone velis sonitus discernere cunctos:  
 Hac quoniam variè affectis de partibus edit  
 Natura, atq; omni non idem spiritus ore  
 Ducitur, in varias diduxit saepe figuras.  
 Adde etiam quòd saepe solet collapsa perire,  
 Aut mutata alias prorsus inducere formas;  
 Cumq; graues veniunt morbi, cum membra vigorẽ  
 Amittunt, variatq; ætas, tristisq; senectus  
 Accedit, vitæ & ratio, & fors ipsa colendi  
 Permutata trahit diuerso pondere voces:  
 Cunctaq; vertentes anni rupere sonoros  
 Vocum aditus. Hac cuncta tibi quæ dicta monemus  
 Contemplator ages tecum, & curanda parabis  
 Atque usu reparanda suo, & quid quaque recuset,  
 Et quid quaque ferat ratio, cognoscere tenta:  
 Iam sequere, & vires ipsas, qua ducere gaudet  
 Natura, & proprio numquam de limite vocem  
 Depellas, nec enim facile in longinqua vagatur  
 Aut aliena suis fert munera viribus, & si  
 Cogatur, perit infelix discrimine in ipso,  
 Turpiter & cedens fructum disperdit agendi.  
 Quam verò natura dedit, seu tempora vocem,  
 Hanc sequere, & prudens exerce: plurima ab usu  
 Vis etiam voci accedit, multumq; iuuari  
 Assolet, euentumq; potest assuescere in omnem.  
 Multa tibi formanda quidẽ & dicenda monemus,  
 Et tecum meditanda olim, repetendaq; donec  
 Prospicias propriæ quæ sint tibi munera vocis,  
 Et lapsus vites cunctos, alienaq; prudens  
 Abiecias, proprias vires, propriumq; sequaris  
 Munus, & in rebus nunquam fallentia vocis*

Voci accidentia.

Vocis naturam se-  
 qui oportet, non a-  
 liam vocem imi-  
 tari.

Vocem assuescien-  
 dam esse, & multo  
 vltu examinandam.

Pen-

*Pondera, quæ certa penitus correxeris arte,  
 Ut facilè affectus omnes, mediataquæ mentis  
 Explicet, & flexus varios sonitusquæ modòsque,  
 Atque tonos præstet, munus quoque compleat omne.  
 Vox aliena tibi non unquam imitanda petatur;  
 Nam grauitas & tota perit tibi gratia fandi,  
 Nec res ulla magis suspectam prodidit artem.*

Verborum pronun-  
 ciatio integra esse  
 debet.

*Sed neque cura minor fuerit tibi cuncta referre  
 Verba, modòsque omnes & partes integra prorsus  
 Omnia nec cursu propero concisa, nec usque  
 Affectata halitu moueant fastidia lento:  
 Sed deceât, mediumquæ modum certamque figuram  
 Contineant, & res ipsas motusquæ sequantur,  
 Atque animi affectus, & cunctas protinus aures  
 Integra perueniant, neque quemquâ murere fraudet.  
 Iamquæ adeò nutusquæ animi, quòsque induit intus*

Vox ad affectuum  
 rationem varianda  
 est.

*Mens habitus, atque affectus seruare memento:  
 Atque ministerio vocis sonitusquæ referre  
 Siue iram, siue ostendas tua gaudia, seu tu  
 Fortè metus refras trepidos, tristémue dolorem;  
 Spemque, minasque truces, aut flectere iudicis iras,  
 Et lachrymas mouisse pares, miserataquæ tentes  
 Pectora, quacumque aut mentes turbare quietas  
 Ipse velis, proprio sonitu, propriisquæ moueo  
 Vocibus, atque suis quas seruant omnia formis:  
 Nam qui perpetuo sonitu similisque legenti  
 In ludis puero pronuntiat omnia, nunquam  
 Sollicitum faciet quemquam, in sua votaquæ ducet.  
 Namque alius tristi est sonitus, aliusquæ dolenti,  
 Incensos animos ira ferientia vocum  
 Fulmina truxquæ decet properato spiritus ore;  
 Non eademquæ rogans pronuntiat, atque rogatus;  
 Non admiranti est eadem, ridentibus atque*

Vocis varietas pro  
 ratione affectuum.

Vox

*Vox eadem, sua quemq; decet faciesq; modusq;  
Verborum & vocis, grauior, vel acutior an sit;  
Flebilis, an lata ac mollis, sedata furensue,  
Ipsa dabit rerum ratio causaq; figura:*

*Quemq; habitum Natura petat circūspice prorsus;  
Et similes vocum resonent habitūque tonique,  
Atque adeò, vt breuibus possis hæc cuncta doceri,  
Nosque artem penitus fugiamus prodere longam;  
Hoc semel admoneo praeceptis maius & arte:*

*Scilicet vt numquam dicendo fingere discas,  
Nec referas aliena unquam, tua sint tibi cuncta,  
Quidquid agis, vel quā causam tibi quisq; patrono  
Credidit, hæc statuas propriam, tua commoda crede,  
Vel tua damna, vel inuisum certamen honoris,  
Vel capitis pellenda tui discrimina, quidquid*

Præceptum sæpe  
repetitum, vt nihil  
fictum aut simula-  
tum sit.

*suscipias accusator, cupiasve tueri,  
Concipe tu veras curas, verumq; dolorem,  
Spemque metumq; tuum facito, propriosque furores  
Assume, aut miseros animosque reique figuram  
Indue, vt insensū deflectas iudicis iras:*

Naturam sponte  
sequitur vocis  
modus.

*Præscribet Natura tibi variantia vocum  
Munera, & ad cunctas dicendi commoda partes,  
Cum tibi tu proprias discas præscribere causas,  
Et veros edes gemitus, qui rumpere possent  
Vel silicem, vel & indomitos flexisse leones.*

*Et molles vocum sonitus suauemque tenorem  
Elicies, quæis mollire & peruincere dura  
Pectora, & in proprium possis perducere votum.*

*Atq; utinam tales habitus similemq; figuram  
Induerent, quicumq; sacris per pulpita rebus  
Incumbunt; utinam proprias fecisse libéret  
Christe tuas causas, quòdque illis creditur alma  
Religionis onus, non tantum pectora vulgi*

Hortatur verbi G.  
eri concionatores  
ad veros affectus  
concupiendos in ra-  
tionis causis.

Dura forent, non tam multis sermonibus heu tam  
 Exiguus fieret fructus; feruentior esset  
 Mens hominum, pietas maior, maiorque teneret  
 Relligio populos, & turba frequentior altum  
 Percoleret virtutis iter, feliciore iret  
 Vita hominum, neq; tanta forent dispendia gentis,  
 Pro qua supplicium durum mortemque cruentam  
 Nate Dei summi, & lignum crudele subisti:  
 Sed quod turpe foret priscis orantibus in re  
 Exigua, hoc isti affectant, seseq; videri  
 Vel doctos cupiunt nimiumq; artisq; peritos,  
 Artis inertis, ut hanc damnet vel scurra, vel omnis  
 Histrio; nam tepide dicunt, quacumq; referre  
 Mentibus incensis deceat, iam rursus & iras  
 In leuibus simulant rebus, mentitaq; produnt  
 Ora, manus, vocemq; alienaq; mentibus esse,  
 Dicere quacumq; incipiunt, studioque loquendi,  
 Non tamen orandi studio rerumve teneri.  
 Unde fides leuior vero, & reuerentia Diuum  
 Usque minor sequitur, semper decrescit & ipsa  
 Relligio, & virtus, rari in virtutis amorem  
 Incensos animos referunt, odium quoque rari  
 In scelus & vitium, scelerataq; crimina prorsus  
 Concipiunt, cunctique velut ad carmina tendant,  
 Et melicos audire modos, diuina frequentant  
 Tempa: nec est alius sermo redeuntibus illinc,  
 Quam conferre modos dicendi, & verba sonumq;  
 Dulcius expressa, aut longè repetita loquenti;  
 Utq; alius superetq; alium, meliusq; sonando,  
 Et motu, & gestu, & manibus pronunciet, utq;  
 Gratia rara vel inuentis, vel vocibus, atq;  
 Copia verborum quanta est, sine pondere inanis,  
 Scilicet hac secum populus iam discutit omnis,

Deplorat vulgi ra-  
 tionem & iudicium  
 de sacris concioni-  
 bus, quorundam co-  
 cionatorum culpa  
 fortasse.



*Quæ curare suos creditq; videtq; magistros;  
 Quæq; videt multo studio ostentanda parari.  
 Namq; & verborum artifices sese ipse vicissim  
 Appellat. chorus orantum, fabrôsq; loquendi  
 Dicere sæpe solent sese, gaudentq; vocari:  
 Tantum simplicitas humanis cordibus olim  
 Exulat, atq; animos pietas sacrata reliquit.  
 Huic vos ergo malo & dâmnis occurrere tantis  
 Pastores ouium sacri, quibus ipse regendos  
 Commendat populos pastorum maximus ille  
 Nazarides, curâmq; gregis commisit agendi.*

Christianos pasto-  
res appellat, postu-  
latque ab illis ut  
quàm optimos con-  
cionatores in suis  
ecclesiis constitua-  
dos diligenter cu-  
rent.

*Martine egregium nostri decus ordinis, & quem  
 Pontificem felix sortita Segobia, cui iam  
 Inuidet ipsa prius felix Guadixa, doletq;  
 Præceptore suo priuata & præsule tanto,  
 Præsule, cui ingenio nuper Mahametus acuto  
 Cessit, & indoluit nullas erroris iniqui  
 Reliquias superesse animis ac gentibus illis;  
 Quas prius ipse suas habuit, quas numine dulci  
 In nostrum pridem Christus renocarat ouile;  
 Non bene dimissis tamen has erroribus ipse  
 Conspicis, & primos, queis sunt imbuta, liquores  
 Pectoribus purgas teneris, sacrumq; probatæ  
 Religionis opus documentaq; certa reponis.  
 Te quantum pietas, quantum sapientia, quantum  
 Doctrina atq; usus rerum, & prudentia Diva  
 Exornet, quantis cumulent tua pectora semper  
 Dotibus, & quantum exemplo sermoneq; possis,  
 Publica res testatur enim, quàm multaq; rerum  
 Euenta, atq; viri innumeri quibus ipse probari  
 Sæpe soles magnis celebratus laudibus usque.  
 Te Latæ gentes pridem, te Gallica turba  
 Mirata est, te laudauit Germania, quando*

Martinus Aiala  
Guadixensis quon-  
dam, nunc vero Se-  
gobienſis episcopus,  
ordinis nostri vir,  
qui tandem Valen-  
tinus Archiepisco-  
pus creatus est.

Concilio intereras sacro, quod prisca Tridentum  
 Christicolū populo rebusq; petentibus ipsis  
 Romano dictante etiam pastore cōegit.  
 Hic tua laudata est cunctis sapientia, & altum  
 Concilium, & magna doctrina munera tanta,  
 Quis vix sufficerent multi, seu pondera rerum  
 Iusta perpendas trutina, seu verba modosq;ue  
 Explicuisse pares, quibus hæc mysteria Diuū  
 Obseruata latent; Syria vel voce sonandum,  
 Hebræo aut sermone foret, superumq; loquelis:  
 Attica seu quando petitur facundia, libros  
 Expositura nouos, leges, monumentaq; Christi,  
 Unus eras cui cuncta simul præstare daretur.

Christophorus Val-  
 todanus ex sacro  
 Inquisitorum sena-  
 tu episcopus Palan-  
 tinus electus Co-  
 mes Perniæ.

Et tu quem dignis gradibus prouexit ad ipsum  
 Pontificale decus virtus spectata per omne  
 Consilij exemplum, & rerum ingeniumq; disertum,  
 Valtodane meum à puero & post fata parentis  
 Præsidium, doct.que viris laus magna bonisq;ue,  
 Quem nuper gaudens magno Pallantia plausu  
 Electum auspiciis faustis & sorte beata  
 Audiit, accusatq;ue moras, & tempora dicit  
 Longa nimis, quæ te absentem sua vota morari  
 Compellunt, optat peploque ostroque videre  
 Conspicuum, & sacra redimitum tempora mitra,  
 Dictantem leges iustas diuinaq; iura

Pallantini sacerdo-  
 tes eruditi.

Inter sacrificiosque viros turbamque peritam,  
 Qua non vlla usquam Hesperiiis est cognita regnis  
 Docta magis, nulla ad sacras aut aptior aras:  
 Te comitem ferro armatum gladiosque vibrantem  
 Iam spectare cupit multum Perniæ fidelis,  
 Te duce iam nullos hostes nec bella timere  
 Vlla potest; tantum hos ferro seruabis & armis,  
 Quantum consilio atque fide officioque seueri

Indi-

*Indicis, atque pii patris servare fidelem  
 Ipse soles populum Christi, quem vera perornat  
 Religio, quem tu turpi defendis ab hoste,  
 Qui pavidas hominum mentes & pectora vulgi  
 Simplicita indoctis dirisque erroribus usque  
 Vulnerat, & Stygio gestit turbare veneno;  
 Unde animos aeterna subit mors, tristiaq; orci  
 Nec repetenda unquam tranantur flumina multis.  
 Iam patere exiguaq; moras, & tempora cede  
 Longa tibi certe docta ô Pallantia, donec  
 Consulat, & rebus magnis imponere finem,  
 Et populos sedare queat, tristeq; procellas  
 Mentibus excutiat multis, iubeatq; quæ quæta  
 Vivere corda hominum nullaq; timentia fraudes,  
 Quas ferus in nostras inuexit Lutherus oras;  
 Lutherus immane ostentum, nostrique ruina  
 Temporis, Eumenidum soboles & filius orci.*

*Apostrophe ad  
 Pallantiam.*

*Nec tu Cuesta minus nostris venerâde Camænis,  
 Quo præceptore obscuros mihi voluere libros  
 Contigit, & Scoti densas penetrare tenebras,  
 Et dulcis duro decerpere cortice fructus;  
 Tunc mea Complutum felix te Cuesta videbat:  
 Te nunc Hispana hæc Legio, regna inclita quondâ  
 Armorum studio & multis celebrata trophæis,  
 Te fruitur rectore pio, te præfule felix  
 Religionis onus gratum, iuga dulcia Christi  
 Sustinet, atq; tuis monitis sine pondere perfert.*

*Andreas Cuesta Le-  
 gionensis episcopus  
 Poetæ in scholasti-  
 cis disciplinis præ-  
 ceptor.*

*Hoc ergo prohibete omnes, occurrere damnis  
 Christicolûm, populis & quæ bona semina vestris  
 Sparguntur, purgate precor, multoq; probate  
 Iudicio; ne quid pereat, pars nullaque sancti  
 Vana cadat verbi, & fructus disperdat amænos;  
 Et sterili iactû vacuas ne compleat anres:*

*Redit ad institutam  
 postulationem.*

*Hoc agite, & grauitè vestris edicite templis;  
 Si vos sancta tenet pietas, si commoda tangunt  
 Vlla hominum, si sancta mouet reuerentia veri,  
 Hoc mihi præsul agat cunctus, Christi q̃, fidelis  
 Pastor, & in sacram quicumq̃, edicere gentem  
 Iura solet, mores rigida & formare grauique  
 Lege potest, atq̃, ad normam reuocare probandam.*

Eandem rem poscit  
 pios & doctos sa-  
 crorum librorum  
 expositores.

Ioannes Cannus  
 Andorifensis Legio-  
 nis Canoniceus  
 & sacrarum scrip-  
 turarum professor.

*Hoc doceat, quicumq̃, sacri mysteria verbi  
 Explicat, instituitq̃, alios, verbiq̃ue ministros  
 Præceptis format doctis, arcana librorum  
 Quæq̃, voluminibus clauduntur condita priscis,  
 Exponit; qui monstrat iter, fingitq̃ue futuros  
 Sacri Oratores verbi; quo munere prisca  
 Andorise iactat sua pignora maxima Cannum,  
 Cannum dulce mihi nomen, Legionis amœna  
 Splendorem, magnumq̃, decus: namq̃, ille docendos  
 Suscepit iuuenes sacros, turbamque piorum,  
 Quos olim sacra templa habeant, quos cura tenebit  
 Religionis, & in populos sacra semina multos  
 Effundent, quæ nunc animis & pectore puro  
 Concipiunt, admirati quam maxima lingua  
 Gratia Canne tibi, seu Græco siue Latino  
 Incipias sermone sacras exponere chartas,  
 Siue Abrahamæo potius fuit ore sonandum:  
 Nam nihil ignoras, nec te fugit vlla loquendi  
 Regula, quæ officio possit conferre fideli.  
 Quid referam rerum quantæ experientia, quantæ  
 Copia doctrinæ variæ, quàm multa sorores  
 Castalidumq̃, chorus dederint tibi dona benignis  
 Haustibus, & puro recreent de flumine doctum  
 Pectus, & admittant quacunque ad sacra clientem?  
 Anne alius cùm virtutem laudare parauit  
 Affectu maiore calet? cùm crimina seuæ*

*Impro-*



*Improbat, anne alius crimen vehementius odit?*

*An pro diuinis rebus certare paratus*

*Quis magis esse queat, vitamq; impendere vero?*

*Quippe tuam causam credis, tua commoda Canne,*

*Quas res cumque paras verbis tractare disertis.*

*Inde ardes vero affectu, verisque loquendo*

*Vocibus incendisque animos, meritumque reportas*

*Ingenuique viri nomen, iustique bonique,*

*Quo te omnis chorus appellat, qui templa frequētat*

*Pulchra ista, & tecum sacras operatur ad aras.*

*Induet affectus similes, propriamque putabit,*

*Præceptum repetit.*

*Quisquis ager causam sacram, Diuinamque rerum*

*Suscipiet momenta sibi, si numinis vlla est*

*Aut pietas, aut tantarum reuerentia rerum:*

*Et cura maiore etiam dicenda parabit,*

*Quam si pro propriis subeat certamina rebus,*

*Et proprias agitet causas; quantoque minora*

*Diuinis humana putat, tanto usque calore*

*Ardeat ille magis, qui Diuūm suscipit vllam*

*Materiem veris peragendam vocibus, atque*

*Affectu maiore animos pertentet inertes.*

*Quem vocis dabit ipsa modum Natura, per arte*

*Vocis naturam arte  
iuvant.*

*Fingimus in melius, nam sunt præcepta sonandi;*

*Vt tibi si vehemens eruperit impetus, illum*

*Temperet ars, certum iubeat seruare tenorem,*

*Et flecti in varias species, habitusque per omnes*

*Fortune affectusque trahi, ut vox ipsa loquatur,*

*Et sine verbo etiam conceptus indicet omnes.*

*Voce sola affectus  
produntur etiam si-  
ne verbis.*

*Quippe hoc in mutis cernas animantibus; illis*

*Pro sermone dedit vocem natura, dolorem*

*Latitiamque, iras, sauosque cupidinis ignes,*

*Et pietatis adhuc speciem affectusque parentum,*

*Bruta animalia vo-  
ce affectus suos in-  
dicant.*

*Et quaecumq; animæ turbamina funderē norunt.*

*Ast homini sermo, Diuinæque munera linguae,  
Verbæque concessa humanæ dulcissima vita  
Vincula, quæ occultos motus, animique recessus  
Affectusque omnes reserent, quæ singula monstrent  
Momenta, atque omnes partes, communia iungant  
Officia, & poscant, capiant reddantque vicissim.  
Præterea nihil ad doctus fuit aptius artes;  
Hoc aditus pandit sacros dicentibus, inque  
Intima doctrinæ prorsus sacraria ducit,  
Atque latens verum penitus per viscera mundi  
Rimatur, claræque in luminis eruit oras.*

Humani sermonis  
laus.

Ut vox cum ratio-  
ne & cum voce ora-  
tio congruat.

*Hæc igitur formanda simul sociandaque eisdem  
Legibus, ut vocem sermo non deserat ullus,  
Nec vox sermonis faciem momentaque fallat:  
Sed sibi ad officium concurrat utrumque vicissim;  
Nec quicquam simulare decet, nec fingere falsum.*

De totius corporis  
& membrorum ge-  
stibus & habitu.

*Interea caput atque humeri totumque mouetur  
Corpus agentis, & ad vocem conceptaque mentis  
Adiungunt sese, & vario per singula gestu  
Cernuntur, sed & ipsa loqui verbisque ministras  
Ferre vices animam motumque afferre videntur.  
Quippe mouet cunctas partes, atque omnia cogit  
Membra animus seruire suis affectibus, ut iam  
Non eadem facies, non idem corpore toto  
Gestus in iratis, nec motus tristibus idem,  
Non eadem metuentis erunt spectacula, totis  
Artibus ille tremit: sed qui bona nuntia lato  
Percepit vultu, gestu quoque dispare gaudet.  
At miser ingenti confectus saepe dolore  
Cum gemitu propriam in speciem gestumque mouetur.  
Hæc caput imprimis variat, pars optima nostri  
Corporis, atque animæ regnum sedesque superna.  
Nam quoties animus variisque agitata procellis*

Caput.

Concu-

Concutitur mens ipsa, prius sua regna fatigat,  
Et primas turbat sedes; moxque incipit ipsum  
Indicio caput internos ostendere motus:

Annuit, aut renuit, vel protinus innuit, iras  
Ostendit, iurat, minitatur, singula motu  
Prosequitur vario, signisque loquacibus ornat.

Nec tamen id crebris sine crimine motibus unquam  
Concutitur; namque aut stulta sunt maxima mentis  
Indicia, insanique hominis nullo ordine, nullo  
Indicio vertisse caput; motuque frequenti  
Perdere dicendi Veneremque, modumque, fidemque.  
Ut res, sic rerum comites educere motus

In motibus capitis  
modus exigitur.

- Conueniat; vocesque sequi affectumque loquendi,  
” Arte opus est, & indicio, quod temperet ipsam  
” Naturam, quod compositos ferat undique motus:  
” Nec studiosa nimis, nimis aut neglecta docebunt.

Maxima vis oculis, & gratia maxima cedit;  
Nulla adeo magis aut certis ostendere signis  
Fortunas habitusque potest, momentaque mentis  
Pars nostri. Hinc sese effundunt bona gaudia, tristes  
Mærores, iraque truces plenaque minarum,  
Spesque metusque etiam trepidi, sanique dolores.  
Hæc pars sola potest celatum prodere amorem;  
Et quacumque solent mentes turbare quietas.

Oculi.

Quippe animis nulla nostris coniunctior est pars,  
Nulla quoque ut plures admittit ad intima formas,  
Et rerum species agit in penetralia plures;  
Queis anima indiciis agitur, penitusque mouetur;  
Sic nulla aut plures motus, pluresque referre  
Affectus valet occultus, & prodere mentis  
Arcana, & quicumque latent moresque habitusque.

Quod si dicendo tua commoda cuncta putabis  
Damnaque fortunaque omnes ut sæpe docentes

Præceptum repetit  
in quo omnia pro-  
nuntiationis præce-  
pta conueniunt.

*Præcipimus, mox ipsa oculos formabit agentis  
Natura, atque sequi mentemque habitusque iubebit  
Internos, & conuenient cum vocibus ipsa  
Lumina, conceptos motus educere prompta.*

*Si verò affectus nullos tu concipis intra  
Pectora, sed fictos habitus simulatque verba  
Comœdam penitus faciem meditaris agendi,  
Tunc tibi maiori cura studioque cauendum,  
Ne mentita animum varient tua lumina vultus,  
Et prodant artis studium, momentaque vana.  
Namque cadunt male compositi nec mentibus imis  
Herentes rerum affectus, nec ficta per omnes  
Signa animus potis est semper producere partes.*

*Ipsa etiã manus & digiti, & duo brachia multis  
Vsbis esse solent dicentibus, omnia namque  
Persequitur manus ipsa animi meditata, nec vlla  
Pars hominis festina magis, magis aptaue multis  
Officiis, non ad vitam magis utilis vlla est;  
Unde tot articulis, tot flexibus annuit illi  
Versari Natura parens, inque omnia motus  
Direxisse loca, & partem prætere in omnem,  
Seu suprema velit rerum, siue infima rursus,  
Sine vtrumque latus, siue anteriora petisse;  
Posteriora etiam, seu deuoluatur in orbem;  
Omnia concessum contingere, & ipsa loquentis  
Affectus vocésque simul comitatur, & vna  
Vocis habetque vicem certam, munusque loquendi  
Usurpat, nec clara minus, nec certa, minúsue  
Intellecta, procul socium solet illa vocare,  
Cuius se motas vox non peruenit in aures:  
Consulit illa fugam sociis distantibus, illa  
Dimittit puerum, concedit & illa, negatque,  
Blanditur, placatque minas, & concitat iram;  
Atque*

Manus digiti bra-  
chia.

Manus officia mul-  
ta.



*Atque animos agitât , iuuenésque in prælia trudit,  
Et renocat, pellitque simul, vel sistit euntem.*

*Denique non ulla est humana motio mentis,  
Quam non priuatis signis manus una sequatur.  
Atque adeò populis cunctis spaciũque per omne  
Terrarum, & sonitus varios, per munia lingue  
Diuerſa, una omnes manus exercetur in vſus;  
Et cunctis eadem mentis momenta vicissim  
Explicat, ac veluti sermone ostendit eodem.*

*Ergo cura tibi hanc fuerit componere ad omnes  
Dicendo affectus, animi ac meditata mouere,  
Siue roges, referásue aliquid, seu maxima queque  
Admirere, neges, concedas, denique quidquid  
Ostendisse pares, vel commemorasse docendo,  
Hoc manus ipsa loquax referat, virésque ministret,  
Et Venerem & lucem dictis, atque excitet ipsum  
Quo tibi cum res est, prætorem, siue theatrum.*

*Sed fuge ridiculos motus nimiosque loquendo  
Corporis atque manus, stultam testantia mentem,  
Momenta, & crebros concussus verticis, atque id  
Imprimis vitium iubeo vitare memento,  
Ne referas mimi saltus, ne brachia rebus  
Omnibus aptaris, tantumque tua exprime doctus,  
Quacumque afficiant mētēq<sub>3</sub>, animumque quiete  
Deturbare sua soleant: sed non tamen omnes  
Exerce motus, non omnia verba sequatur  
Officiũve manus, vel corporis impetus ardens,  
Nec tu, si gladios memoras, celeresue sagittas,  
Fusa venena, necem illatam, vel flagra fugamque,  
Aut imitère fugam pedibus, gladióque ferire  
Te ostendas, non extentas torquere sagittas,  
Nec flagris quemquam cadas, gladiũve minantem  
Non referas, neu mortiferum prabere venenum.*

Temperamentum  
motibus adhibean-  
dum esse.

*Hac dixisse satis, verbisque agitasse superbis:  
Sed retulisse modis scenæ vetat ipsa decere  
Lex operis, gravitasque loci, & natura loquendi.  
Arte opus est & iudicio; nam finis agendi  
Persuadere fuit, non ludere, & acta referre:  
Inflammasse animos dictis & motibus, at non  
Usque theatrales formas & scenica semper  
Edere ridendo populis spectacula motu.*

Stotus quidam mi-  
nus decentes.

*Adde etiam quod sacratis expellere templis  
Multa veli, nâque & manibus cōplodere, stultū est,  
Et tamē id nimiumque frequēs, nimiumque receptum;  
Et sese in summos digitos extollere, toto  
Corpore contremere, mentiri sape dolorem  
Iliacum, laterique manu succurrere lassō,  
Sicui Natura indulset ve dolorue, laborue,  
Non tamen ars unquam vitium permiserit ullum  
Affectare, sed id condemnat quisquis agendo  
Inuitus patitur: sed cur non damnet ineptus  
Sectator, sed ut ad vitium se accommodet omne,  
" Non ad virtutes dicentis! fallimur omnes,  
" Et facile à veri specie, & gravitate modoque  
" Ad leviora gradu prono properare solemus.*

Peroratio totius o-  
peris.

*Hec tibi, dum facilem ac dulcem vi carminis artē  
Ipse paro Gaspar, studio properante canebam:  
Quæ primū modulata mihi atq; incepta, ubi nostræ  
Gaspar amicitia dulces decerpere fructus,  
Et sociam licuit pariter coniungere vitam:  
Nunc spacia immensa, alterius longissimus orbis  
Tractus, & occidui, nunc hospes Solis utrumque  
Separat Oceanus, studioque incendit amico;  
Et nunc cura tui Gaspar tenet anxia, pectus  
Oppressura meum, donec te sospite nobis  
Contingat dulces iterum decerpere fructus,*

*Et*

*Et prasente frui possim te Gaspar amico.*

*Annuite his nostris ô vos pia Numina votis,  
 Diua maris sydus, mundi lux maxima nostri,  
 Quæquæ soles tempestates sedare sereno  
 Lumine, & incolumes pelago traducere nautas.  
 Per sacram te nos prolem dulcissima cali  
 Pignora adorantes petimus, votisque precamur,  
 Redde animum pia virgo mihi, miserere laboris,  
 Et lachrymas compesce meas: sociumque fidelem,  
 Quem tam longe oculis nostris terrisque remotum  
 Vocibus assiduus curaquæ ardente petitur  
 Esse vides nobis, hunc tu mihi Diua vocata  
 Redde precor, laudisque tui dulcissima vatis  
 Admitte, & que dona tuas promittimus aras  
 Ornatura, tuum auxilium testantia semper.*

*Tuque adeo nostrasque preces studiumque iu nato  
 Aluare Lugue animæ semper pars optima nostra,  
 Namque etiam te Gaspar amat, tu Gaspare amico  
 Usus eras, grato cum te mea pulchra tenebat  
 Rupes, Musarum secessus, grataque utrique  
 Lugue tibi & nobis sedes, & grata Camœnis:  
 Nunc nobis viduata vacat, dum munera sacra  
 Ipse ego militiæ Diuinaque castra frequento,  
 Atque Iacobæos enses studiumque sacratæ  
 Religionis, & ingenuas colo Lugue phalanges:  
 Tu verò in siluis & montibus Aluare amœnis  
 Abditus, ætheream meditaris ducere vitam,  
 Atque parem superis exoptandamque quietem,  
 Intentus sanctisque libris, studioque sacro  
 Arcanas voluis chartas, & numina semper  
 Alloqueris, gratoque fœves tua pectora fructu  
 Semper; ut & curas hominum contemnere discas,  
 Atque tuam sortem laudes, & munera vitæ*

Rogat Aluarum Lu-  
 gum amicum & Ru-  
 diorum suorum so-  
 cium ut pro Gaspa-  
 ris reditu preces ad  
 Deum fundat.

Habet Poeta seces-  
 sum amœnissimum  
 in Rupe quam Alha-  
 giaream vocant ac-  
 colit in recessu quo-  
 dam Martia: prope  
 Aracenam optidit.

Idem Aluarius Lu-  
 gus secessum colit  
 in montibus Segor-  
 bicensibus.

*Huma-*

*Humanis maiora bonis. His artibus, his tu  
Instructus studiis, urbes populósque fideles  
Deinde petis, quos de Diuinis Aluare rebus  
Sape doces, atque humanum contemnere suades  
Omne opus & votum; Diuináque munera regni  
Optare aetherei, totísque capeßere curis,  
Atque viam monstras certam obsequiúque fidéque,  
Seruandásque doces leges, praeceptáque sancta  
Exponis; dux ipse via exemplóque probandus.  
Tu precibus votum nostrum bone Lugue iuuabis;  
Et chari mecum reditus orabis amici.  
Versibus interea nostris grataque Camæna  
Ingenij partu exigui letare, meumque  
Esse puta, quodcumque subest; nam diligis ipse  
Nóque fues, tibi sic venient mea carmina grata:*

Hæc nos in tuo no  
mine annotabamus  
eruditissime Gas  
parin conuentu S.  
Marci apud Legio  
nem anno à Chri  
sto nato 1561.

## FINIS.

ERRATA SIC CORRIGE ANTEQVAM SERIO  
legasopus. Primus numerus paginam, aliter versum denotat.

P Ag. 6. vers. 22. Pro. reponere. Pag. 8. 11. lege At te. 10. 1. qualisnam. ibid. 3. quain. 11. 24.  
Ars & nomina sint. 12. 12. exhibeas. 13. 23. dicendoque sibi. ibid. 29. dispunge  
sic. 14. 16. quodcumque. 15. 8. incusare. 16. 28. inter suadere, loquendo, dispunge. 17.  
12. illuditur. ibid. 16. dispunge & munera, ibid. 28. dele &. 19. 13. fixo & visu, sine dispun  
tione. 20. 9. gressum. ibid. 15. proculne. 21. 4. depalta. ibid. 5. apis. ibid. 30. in primis. 23.  
19. oblitum leonem. 24. 4. referri. 25. 5. pluias. ibid. 24. taxatas. 26. 27.  
Quod. 29. 10. eadem. 30. ultimo. facileque. 31. post Perducunt distingue; ibid. 18. post so  
li dele punctum, & 17. post ruinas dele incisum. 32. 32. exhausta. 33. 6. pro hinc sudor le  
ge ergo labor. ibid. 22. Appelles. ibid. 28. an iusta nimis ne iniusta. 36. 12. nec ars secus vlla  
reperita est. 37. 2. pro præficies lege Anteferes. ibid. 24. Pondera non decisa vllis aut parta  
bus aucta. ibid. 28. lucus. 40. 3. circa. ibid. 11. penitus. ibid. 17. munimine. ibid. 40. Nec ve  
rum atque decens tamen vlla parte relinquunt. 41. 6. aut alia est lex visâ, & ibid. 7. solum.  
42. 4. cedat. ibid. in fine versus. 19. distingue. ibid. 20. nonnunquam. ibid. 27. discursu mētis,  
tantum hunc. 43. 3. legibus & nullis affines dele exulter ergo. ibid. 10. consilium. & ibid.  
11. lege spoliet. & 23. spoliant. 44. 26. dele &. 45. quantopote 48. 5. facce miser nimio.  
& 6. omnes inole sua contundat. 50. 7. sepelisse. & 12. meritis. & 18. sonaret. & 12. o schola  
Complunt. & 25. in fine dele incisum, & ultimo diu. 52. 26. facturus, inerti absque puncto.  
55. 10. audimus, & dele punctum post dicenti. 56. 13. dispunge sic, tantaq; minas timuisse,  
& 17. post pietate reponere incisum. & 18. onusque, & 20 pro ipsum &, lege & quæ. & 21. pro  
quæ, leg. sint. 58. 7. lege differat, & absque puncto. & 12. depressus. & 32. pro subeunt lege va  
cui. 59. 25. cantata, & 31. dispunge sic, tur, per crura & 62. 21. petiuit. 65. 32. semoto. 66. 3.  
Adsuimus. & 28. chalybem. & 30. pro ve, lege ne. & 30. postremo ve, lege vel. 67. 5. fronte,  
leg facie. & 28. lxxuo. 62. 20. dele tu. & 23. pro atque lege que. 69. 6. pro plantat, lege figit.  
70. 1. muta versum. Gymnasia hac tua te poterunt ex parte iuuare. & 18. in fine distingue. 7.  
72. 29. Collidens cerebro. 75. 30. fed. 76. 5. lege Enthymema illud dix. priores. 77. 23.  
seu tu. 78. 10. onus sanctæ, & teterrima pestis. & 17. lege amnes. 79. vlt. indideris. 80. 10  
voluitur. 81. 7. Clario. 31. Phæbe. 82. 7. quas iam virides. 12. succinxit. 16. vltra noua. 23.  
16. sunt fat & 26. quarum. 25. vlt. profari. 26. 13. profari. 27. 7. huc. 28. 9. inducens.  
&.



& 13. vjs. 90. 16. reſiſxit. & 22. vicit & ingenio, conſt. p. v. 93. vlt. Quirebur. 94. 25. eſt  
 96. 26. excaudentia. 97. 26. iniſſe. & 28. funeſtaſq; ſygis. 99. 13. aut verbis non plura.  
 101. 14. at. 104. 28. Atque ſuang. 105. 1. Conſpurcare. 11. luſca. 21. expromere. 22. At-  
 que exprompta. 117. 26. Nonnunquam. 108. 1. ſi dicis & expunge incifum. 10. ſcit. 26.  
 Non. 111. 6. proprias partes. 115. 11. tanti. 13. quanti. 119. 17. lani. 120. 1. expunge re-  
 bus. 9. cum. 14. quantum. vlt. reſpectare 122. vlt. Expediat. 123. 23. agat. 127. 15. Sa-  
 xa. 129. 17. facile. 130. 3. quod & putet. & 22. intro. 132. 12. certo. 134. 6. Atque  
 137. 27. ac tu. 138. 5. legenti. 140. 1. fateor. 144. 14. porſus in aures. 146. 24. velut ſi  
 148. 5. conſilium. 155. 16. decebant. & 25. totum ſic muta: Quippe animis noſtris non pars  
 coniundior vlla eſt. 156. 15. e mentiri.


In toto opere ſerè eſt diſtinctio hæc; poſita vice. quæ periodum indicat.

## SVMMA PRIVILEGII.

CAVTVM eſt Regio priuilegio, ne quis al-  
 ius præter Chriſtophorum Plantinum typogra-  
 phum iuratum, *Rhetorica B. Aria Montani*  
 imprimat, aut alibi impreſſa vendat hinc ad  
 ſexennium, ſub pœna conſiſcationis librorum, vt  
 latius patet in literis datis Bruxellæ v 11. Maij.  
 M. D. LXIX.


Subſign. *De Vitte.*













159

Wk  
m/k

